

EQVITIS
ET ANIMI ET INGENII VIRIBVS
PRAESTANTISSIMI

VLRI CHILDEHVT TEN

AD
B. PIRCKHEYMER PATR. NORIMB.

EPISTOLA

QVA ET
VITAE SVAE RATIONEM
ET TEMPORVM IN QVAE
AETAS IPSIVS INCIDIT
CONDITIONEM
LVCVLENTER DESCRIPSIT.
IN LUCEM DENVO PROTVLIT ET
COMMENTARIVM

QVO
ILLVSTRIS HVIVS EQVITIS
FATA ET MERITA

EXPONVNTVR, SVBIECIT
IACOBVS BVRCKHARD,
ILL. GYMNI. HILDBVRGH. P. P.

PROSTAT WOLFENBVTTELI,
APVD GODEFRIDVM FREYTAG.
EXSCR. HILDB. TYPIS PENZOLDI.

CICIDCOXVII.



7

100 27

100 27

100 27

100 27

100 27

100 27

100 27

100 27

100 27

V I R O
PERILLVSTRI
ATQVE EXCELLENTISSIMO
D.VRBANO DIETERICO
DE LVEDECKE,

POTENTISSIMI REGIS PORVSSIAE
ET
SERENISSIMI BRVNSVIC. AC LVNEB. DVCIS
CONSILIARIO INTIMO,

ET ECCLESIASTICI ET AVLICI
IN BRVNSVICENSI DVCATV
SENATVS
PRAESIDI GRAVISSIMO,
DOMINO HEREDITARIO IN SICKTEN,
MAECENATI SVMMO,

S. P. D.

IACOBVS BVRCKHARD.



VIR PERILLVSTRIS
ATQVE EXCELLENTISSIME,



Ogitanti mihi,
multos, si exi-
guum hunc in
scholastica vmbra con-
fectum libellum Illustri
Nomini TVO dedica-
tum irem, apertæ in-
simulatuos me fore au-
daciæ, dubitationem,
an id conandum nihilo

mi.

DEDICATIO.

minus esset, animo meo
iniectam initio esse, fa-
teor. quando vero illis
tantummodo, qui pro-
cul, atque ex solis am-
plissimarum dignitatum
titulis, quibus merito
TVO fulges, de TE iu-
dicauerint, audaciæ no-
mine suspectum me fu-
turum, denique reputa-
vi; diutius hæsitandum
non censui. Nam illos,
quibus contingit, vt ex-
imias virtutes TVAS
præsentibus admirentur,

DEDICATIO.

non ita insolenter factum putaturos, arbitror, ut summo Mæcenati a deuotissimo ipsi studiorum cultore, tenuē licet, nuncupetur opusculum. Ego vero non perspectum solum habeo, quanto fauore litteris deditos completi consueueris, sed ipse etiam hunc coram sum expertus: quandoquidem per bene multos annos haud obscura singularis plane erga Fratres

tres

DEDICATIO.

tres meos beneuolentiae dedisti signa. pro quapatieris, spero, publicum summæ in TE meæ pietatis exstare testimonium. Quum, præterea me non fugiat, quantum in omne doctrinarum genus præ TE feras amorem; ita, vt, quotiescunque a grauiissimis occupationibus vacatio TIBI obtingat, præstantissimos veterum scriptorum, Senecam cum primis, nec

DEDICATIO.

minus omnis generis
 temporum, hominum,
 locorum, rerumque,
 gestarum monimenta
 summa cum voluptate
 abs TE euolui, explora-
 tum habeam: non exi-
 gua adeo spes me tenet,
 qualemcunque meam
 operam in Vlrichi de
 Hutten, egregii Equitis
 Germani, Fata ac Meri-
 ta exponenda collatam,
 abs TE improbatum,
 non iri: præsertim, quum
 is fuerit Eques hic, qui
 pro

DEDICATIO.

pro Germaniæ Liberta-
te, pro Litterarum de-
core, pro Religionis in-
tegritate tam acriter du-
centis abhinc annis pro-
pugnarit, vt nemo vm-
quam acrius. cuius me-
moriam dignam idcirco
censebis, puto, quæ per-
petuo diligenterque a-
gratis posteris colatur.
Vale, VIR PERILLV-
STRIS, libellum hunc,
gratum. debitæ obser-
vantia testem, benigne
accipe, mihi que fauere

DEDICATIO.

perseuera. Scripsi Hild-
burghusæ, exeunte anno
CIOIOCCXVI: vt is, quem,
paucis oppido interie-
ctis diebus, feliciter, be-
ne adiuuante Deo, in-
grediemur, pariter &
complures insequentes
TIBI & cunctæ Illustri
Familiæ TVAE longe,
auspicatissimi sint, cum
omnibus bonis, qui,
quantum ex incolumi-
tate TVA pendeat,
non ignorant,
precatus.

AD



AD
CANDIDVM LECTOREM
P R A E F A T I O.

EGregia *beati LVTHERI*, fidelis-
simorumque eius in salutarī
atque necessario maxime *Re-*
formationis negotio *sociorum* merita in-
stans, celebrandum ab Ecclesia no-
stra, *Iubilaeum* in memoriam reuocat.
impium enim foret, tanti beneficii
tali tempore non recordari; & egre-
gie cordatorum hominum memo-
riam obscurare silentiove sepelire,
nefarium prorsus videri posset. Nec
vero meritas eo nomine immortalī
Deo gratias persolvere quisquam pot-
erit, nisi temporis, in quod tam prae-
clare de omni posteritate promeriti
Lutheri aetas incidit, naturam, ma-
ximam

PRAEFATIO.

ximam, qua Ecclesia conflictabatur
tum, calamitatem, ac discriminis, quod
Lutherus & fortissimi eius adiutores,
ipsius Ecclesiae huius a tyrannide vin-
dicandae causa subierunt, magnitu-
dinem, reputarit. *VL RICHVM DE*
HVTTEN Equ. Fr. illorum numero
existisse, qui Lutherò longe difficil-
limis temporibus fideliter praesto fue-
rint, nemo inficias iuerit (a). qui-
ipse, prius etiam, quam Lutherus
impudentissime ac impie adnuntiatae
Germaniae *Indulgentias* impugnare
coepit, in *bonarum litterarum doctrinae*
que studiis, quorum fulgor, velut prae-
uius aurorae Lucifer, coruscum Eu-
angelii Solem antegressus erat, ab
immani barbarie pertinaciter adhuc
obluetanti in Germania vindicandis,
in *Patria* praeterea *libertate* contra
Pontificum Romanorum impetum
aliorumque iniurias defendenda, om-
nem

(a) quamvis personatus *Clarmundus*, illum acerri-
mum Lutheri inimicum fuisse, statuerit, in *Vita Eu-*
rasmi pag. 9.

PRAEFATIO.

mnem operam, curam, industriam accogitationem fixerat. Sanctissime idcirco Equitis huius memoriam me dudum coluisse, profiteor: qui diuini ingenii eius monimenta sedulo conquisiui, mirifice semper lectione horum delectatus: adeo, & felicem plane superiore anno me putaverim, quum varia Hutteniana scripta, quæ nondum habueram, ex celeberrimi *Perizonii*, cui Viro post funera etiam multum debeo, exquisitissima bibliotheca mihi obtigissent. Inter hæc longior atque luculenta ista *Epistola* fuit, qua splendidissimus hic Eques *Bilib. Pirckheimer*, *Patricio Norimb.* *Vita sua rationem* perscripsit. Simul accepi eam, statim vna cum qualicunque meo *de tanti Viri Fatis ac Meritis Commentario* foras denuo dare solemni ita tempore constitui. quamquam non ignoraueram, eam *XCII* annis post, quam primum ab ipso auctore edita fuerat, atque ita, *CVI* ab-

hinc

PRAEFATIO.

hinc annis iterum prodiisse (b). Singulari etiam in ipso hoc Commentario conscribendo fortuna usus adhuc esse mihi videor. quandoquidem *Wolfenbüttelensis vere Augusta Bibliotheca* eximia subministravit mihi subsidia; optimis *Fratribus* meis, qui praesentes tanto bono fruuntur, pro fraterno suo in me amore quam libentissime ea absenti mihi suppeditantibus. Erunt quidem forsitan, qui pro censendi aliorumque labores & inimico & maledico dente carpendi libidine, qua mercenarii cum primis librorum censores, quorum multitudine, ceu mole quadam, Respublica litteraria in praesenti laborat, sensum titillant suum, usque ad aures meas obgan-
niant: Actum agis, scriptor, labore hoc superfedere facile potuisses, orbis saltem litteratus eo potuisset indi-
ge-

(b) *Frankfurti* an. 1610, in 4. Libro videlicet inserta est; qui inscribitur: *Discursus epistolares Politico-Theologici de Statu Respubl. Christiana degenerantia: tum de reformandis moribus & abusibus Ecclesiae &c.*

PRAEFATIO.

gere: siquidem dudum ab *Henr. Pantaleone* (c), *Theod. Beza* (d), *Iano Iac. Boissardo* (e), *Nic. Reusnero* (f), *Io. Petro Lotichio* (ff), *Melch. Adamo* (g), *Paulo Frehero* (h), & non ita pridem ab *Anonymo* quodam patrio sermone (i) conscripta est *Vlr. de Hutten* vita: quam ex cl. *Balii* præterea *Dictionary* acceteris *Lexicis Historicis* sic cognoscere licet, vt ab ste confecta desiderata amplius non sit; & vt Iliadem post *Homerum* scribere aggressus videaris. At penes te iudicium sit, candide Lector, vtrum singuli hi auctores

**

res

(c) de *Viris illustrib. Germ.* Part. III, pag. 65.

(d) in *Iconibus Viror. doctrina & pietate illustr.*

(e) *Icon. Viror. illustr.* P. II, pag. 33. qui tamen nihil fere habet, nisi scriptorum *Hutteni* enumerationem, qualem ex *Conr. Gesneri Bibliotheca*, per *Simlerum* & *Frisium* aucta, sumpsit.

(f) *Imagin. Virorum litteris illustr.*

(ff) *Bibliotheca Poetica* P. III, pag. 18.

(g) *Vit. Iureconf.* p. 13.

(h) in *Theatro Viror. eruditione claror.* Part. II, Sect. IV, p. 806, ita, vream ex *Adamo* mutuatus est.

(i) in *auserlesener Anmerckungen über allerhand wichtige Materien und Schrifften* III Theil. 5 Anmerck. p. 86.

PRAEFATIO.

res messem, an spicilegium reliquerint post ipsos de Vita Equitis commentaturis. Mitius quidam de censoribus istis agere mecum sibi videbuntur, si de hoc etiam Opusculo meo censuerint, proclive admodum fuisse, eiusmodi Commentarium, vel farraginem potius, compilare. hi primum sciant velim, non omnes tales labores, quibus ferendis ipsi pares sese sentiant, suscipere valere: deinde gratum me quibusdam, praesertim iis, quibus, ut publicis, iisque instructissimis, bibliothecis inuoluere se queant, non contingit, facturum putavi, si ipsa Hutteni verba, integras etiam epistolas ac praefationes adferrem: quo facilius de ingenii eius excellentia animique altitudine iudicare possent. sic denique habeant istiusmodi censores, me cum iis sentire, qui non vident (k), *cur tanta cu-*
rio-

(k) non vidit, praeter complures alios, clarissimus Clericus; quippe cuius verba ista sunt, ex praefatione, quam *Erasmii Epistolae Lugduni in Batavis an. 1706 editis*, praemittit, transcripta.

PRAEFATIO.

riositate Poetae, Rhetores, Theologi cuiusvis antiqui vitam rimemur, ut vel minimas eius circumstantias diligentissime adnotemus, iisque erutis plane triumphemus; ad vitas vero praestantissimorum virorum, qui Patrum aut Avorum nostrorum aequo vixerunt, egregiamque operam Reipublicae Litterariae aut Ecclesiasticae navarunt, naseemur. Huttenum praecellaram Ecclesiae, Reipublicae ac Litterato orbi operam navasse, ne ipsa quidem invidia negaverit. talem virum is se praestitit, ut, quod ipse de se praedicavit (1), nemo plane in Germania litteris clarus exstiterit, quocum non artificissima ipsi intercesserit amicitia; ut a Maximiliano Imp. ab summis Principibus, ab omnibus ingenio ac eruditione illustribus viris amatus sit; adeo quidem, ut nonnulli horum fictile vas, in quo tantus tanti animi thesaurus reconditus esset, coram conspiciendi cupidissimi fuerint; licet optimam eius partem in ingenii eius monumentis ap-

** 2

pare-

(1) in Orat. III contra Wirtemb. D.

PRAEFATIO.

parere confessi simul sint (II). Ex his nobis etiam, CC fere interpositis annis, insignem Viri eruditionem, ac fortissimum & ab omni metu liberum animum, suspicere hodieque licitum est. Quo vero excellentiora diuinæ prorsus indolis suæ, posteritati tradidit Huttenus specimina, eo vehementius dolendum est, *meliore ingenio animoque, quam fortuna ipsum usum esse*; medio in spatio florentis ætatis ereptum, quamquam, quod ad gloriam attinet, longissimum omnino æuum is peregit. Quod si ætas eius corroborata magis fuisset, dubitandum non est, quin annorum accessio *ingenii lasciuiam*, quam Erasmus & alii in eo non tam reprehenderunt, quam admirati sunt, correxisset; quin ratio ac ætas *acerrimum istum ardorem animi, nimiamque, qualis ista nonnullis hodie videbitur, gloriæ cupiditatem*, mitigauisset. nam omnium
omni

(II) confessus est *Andreas Francus Camicizianus*, in epistola ad *Bilib. Pirckheimer* s.r. ep. CII, Op. pag. 33.

PRAEFATIO.

omni tempore præstantissima illa ex-
stiterunt ingenia, in quibus dies at-
que ætas inuenerunt, quod po-
tuerunt mitificare. Neque vero
oris ac vultus habitum noscere quo-
dammodo posteris non licet ex *imagi-*
ne, quæ iis tradita est; & quam libel-
lo huic præfigendam curavi. *quidni*
enim, vt *Senecæ* verbis vtar, *tanti vi-*
ri imaginem nos habeamus, animi incita-
mentum? Quod si studium meum in
Commentario hoc conficiendo collo-
catum non repudiaueris, beneuole
Lector, curabo, volente Deo, vt
promissa, quæ extremo isto feci,
quamprimum præstem. quæ repe-
tere heic nihil attinet. cognosces vi-
delicet ibi, *extremum*, idque *turbulen-*
tissimum, quod Hutteno contigit, *vite*
spatium, quod *iliis malorum* vere ap-
pellari potest, describendum restare.
Habebis tum & alteram eius *effigiem*,
quæ ipsum *loricatum & laurea corona-*
tum repræsentat. talem, qualem in
præsentivides, suis contra *Vlricum*.

PRAEFATIO.

Wirtemb. Ducem Orationibus subiiciendam curauerat Huttenus. Quod reliquum est, maiorem in modum abs te contendo, Lector, ut, si errores a me commissos obseruaris; & talia, quæ ad tanti Equitis, summi atque æterni omnis Germaniæ ornamenti, Fata ac Merita usque ad annum MDIOXX illustranda pertinebunt, prætermissa a me cognoueris, amice me moneas; singularem gratiam me habiturum tibi, spondeo: etenim ne ipse quidem dubito, quin & a me non exiguum in tam vbere messe relictum sit spicilegium. ea re priorem hanc Commentarii Partem præmittendam decreui, ut ab eruditis monitus atque edoctus, ipse cum altera Parte prioris supplementa edere possem. Vale itaque, candide Lector, faue, mone, edoce: gratum senties animum: invidorum ex aduerso hominum morsus contemnere me, videbis; utpote qui *contemnere* cum ipso Hutteno omnium optimum duco *Apologia* genus.

PAVCA

PAVCA EX QVAM PLVRIMIS
CLARISSIMORVM VIRORVM
DE VLRICHI HVTTENI
VIRTUTE ATQVE ERVDITIONE
IVDICIA ATQVE TESTIMONIA.

Erasmus in Ep. ad *Albertum Arch. Mog.*
Huttenum habes domi, linguae Latinae delictum.

Idem in *Ciceroniano* p. 379.

Sat splendoris & copia praestat Huttenus in oratione soluta; in carmine felicius erat: ceterum a Ciceronis imagine procul aberat.

Io. Sleidanus de *Statu Religionis & Reip. Comment. lib. IV, p. 53, b.*

Inter alios Germania viros doctos, qui Luthe- ro plurimum fauebant, erat Vlrichus Huttenus Francus, nobili genere natus: - - Exstant quadam eius opuscula, quae magnam ingenii libertatem & acrimoniam ostendunt.

Ph. Melanchthon T. I *Declam. p. 735.*

Habuit recentior aetas Poetam summo ingenio Huttenum, qui nisi immatura morte extinctus esset, ad scribendi facultatem plus eruditionis & iudicii adhibiturus erat. Sed quanta in eo vis ingenii & naturae ubertas fuerit, ostendunt, & in inveniundo acumen, & in explicando verborum splendor & copia.

Ioach. Camerarius in *Vita Ph. Melanchthonis, p. 17.*

Vlrichus gente Huttenus, patria Francus, ordine

IVDICIA ET TESTIMONIA.

dine eques, ingenio acerrimo & animo confidentissimo, litteris perquam eruditus, & litigantes monachos cum Capnione varie exagitavit - - -

Id. in ead. Vita p. 93.

- - fuit nobilitate & laude generis antiqui imprimis clarus, doctrinae erudita princeps, impatientissimus iniuriarum, libertatis immodice cupidus, non prorsus alienus a saevitia, quae etiam vultus acerbitate & minus clemente interdum oratione indicabatur. Sed neque opum abundantia neque corporis, in quo admodum pusillo atque debili inerat animus ingens ac serox, viribus pollens - - . si consilia & conatus Hutteni non defecissent, quasi nervi copiarum atque potentiae, iam tum mutatio omnium rerum exstitisset, & quasi orbis status publici fuisset conuersus.

Conr. Rittershusius in Commentar. de Vita Bil. Pirckheimeri, p. 33.

Vlrichus Huttenus, Francus, pro mirifica magnitudine ingenii acerrime se corruptelis, quas in precipuis vitae ordinibus notauerat, opposuit; verum ad aetatem non magnam peruenit.

Iac. Aug. Thuanus lib. XIII

Hist. ad an. 1554.

Vlrichus Huttenus, Eques Francus: cuius elegantes admodum Dialogi nec Luciani acumini cedentes, ex immaturo docti aque ac serenius viri obitu, quasi parua tabula ex magno naufragio, super sunt & hodie mira cum suauitate ab aequis talium rerum aestimatoribus leguntur.

VL-



VLRICH DE HVTTEN
EQVITIS
AD
BILIBALDVM PIRCKHEYMER
PATRICIVM NORIMBERG.
EPISTOLA
VITAE SVAE RATIONEM
EXPONENS.

VLRICHVS DE HVTTEN
BILIBALDO PIRCKHEYMER
 Salutem.



Dhuc omnia mihi tecum conueniunt, Bilibalde, necdum iudicii me mei piget, quo te virum statui apertum, sincerum & liberum. Ita de

A *Aula*

Aula mea sententiam tulisti ingenue, & nihil dissimulanter. Sed tu age, qui in hoc *dialogo immaturitatem nauseas*, ut quem ego, *vixdum a limine salutata* (ut tu dicis) *aula*, de *Aulicis composuerim*; curnon itidem finis ob id me in aula maturefcere, sed ab ipso ita ingressu transuersum rapis? Aut simile tibi quiddam videtur in me, quod olim *Socrati*, qui *Glauconem*, *Platonis* puto fratrem, conspicatus, rudio rem, quam ut obeundis negotiis aptum censeret, ad *Remp.* accedentem, proposito inde retraxit, *Charmidem* vero ad capeffendam ultro hortatus est, idoneum existimans? Tale tibi in me aliquid visum est, & *Socratem* imitarris? Sic est. Ineptum censes ad aulica, & amici studio præuenire vis multa, quæ me hic manent incommoda: & recte forsitan mones. Quare tibi gratiam habeo, ὅς θή μοι γὰρ ἡ συμβολὴ δοκεῖ εἶναι. Experior tamen eam, quam aliis ipse fugiendam scribo, aulam.

Quid

Quid faciam aliud enim, quum faciendum sit omnino aliquid? Nam quod in *umbram* me tancito, & ad *sedentarium* illud *studium* vocas; nescio an naturæ ibi meæ rationem habeas, aut ætatem an respicias, quæ illam non capit quietem. An ego possem hoc ætatis intra quatuor parietes latere, & priusquam expertus essem istas mundi turbas, istos olfescissem tumultus, in hos me secessus, hoc tranquillum recondere? & cognatis vellem ac amicis eam, quam & illi exigunt, & ego commodare operam possum, suffurari, ac mihi, vel ut tu mones, *mibi & Musis* vivere? Vbi, ut tibi obsequar, & in illam me penitus *scholasticam quietem sepe- liam*, totumque studiis mancipem, & *scribendis libris*, ad quod nescio quomodo aptus tibi videor, animum adiciam: quid, quæso, habebo, quod aliquando cum illis studiorum meorum conuictoribus, animum quoties

remittere iuuabit, iucunde conferam?
 quas fabulas, quibus de rebus, tam
 nihil expertus miscebo? Nam illa *duo-*
decim annorum peregrinatione, (in qua
 multa vidi, multa cognoui, nihil e-
 gi, nihil gessi,) nondum mihi satisfe-
 ci: & *superesse puto, vt viuere incipiam*:
 quoddam fuit hoc enim *vite pro ludium*,
 καὶ τὴν ταύτης τῆς τετραγώνιας περγύμνασμα.
 nisi me in *solitudinem* abstrudis, atque
 ab hominum consortio relegas, aut
 non magni illam facis magni Herois
 in aduersa fortuna commonitionem,
olim meminisse iuuabit. Porro naturam
 meam haud nosti, ab hominum con-
 versatione si me seorsum degere posse
 arbitraris; hominem, ita bonarum
 disciplinarum studiis aptum, vt a nul-
 la interim honestæ consuetudinis fre-
 quentia aut sodalitiis, etiam a dissimi-
 lium aliquantum conuentibus abhor-
 ream. Et si me recte vis nosse, mul-
 to facilius hos fero strepitus, hanc a-
 lienam frequentiam, in qua maxi-
 mam

mam mihi nonnumquam solitudinem facio, quam solus esse possum: igitur non omnino infelicitè hæc coniuncturum me arbitror, & vt conscius mihi sum, *aliquid iam in litteris*, quantumcunque id est, commeruisse, ita nullam etiam *in magnis rebus gloriam* despero. ac libenter *obeundis negotiis* vtendum me præbeo: quamquam nihil minus proponam, quam *dulcissimis* interea *studiis* *μακρὰ καίπερ* dicere, quæ me, donec mens sana erit, non ad tempus, sed perpetuo, ac iugiter vel in mediis istis tumultibus exercebunt. Quia in re multum decepti sunt illi mei per Germaniam amici, qui postquam semel in *aulicam servitutem* consensi, desiisse studiosum esse, putauerunt. quo fit, vt, qui in Italia iam pridem agenti mihi, litterarum adeo fascès mittere solebant, ac frequentissime solebant, hi in tantum nunc conticuerint, vt nemo aliquando tria verba scribat Hutteno,

homini (puto dicere eos) *non sua amplius farina*. Cuiustamen, si tam ipsi memores aliquando essent, quam ego vnius cuiusque talium numquam obliuiscor, iam illud feruide nobis intercederet *scribendi vltro citroque studium*; quo nihil habeo, quod antiquius ducam, aut quo magis me oblectem. Vbi nondum defuisti tu mihi. quem idcirco valde probo, & valdius adhuc meo iure amo, ACHERMANNVM NOVAQVILAREM COMITEM adoro, quia mihi numquam non copiosissime scribit. illis vero *suspiciosus amiculis*, quandoquidem hunc in me fastum cadere arbitrati sunt, irascor, vt superbis, vt fastu ipsis turgentibus, & rem nostris indignissimam studiis admittentibus. Ac si *amare studia*, id vero est studiosum esse, nemini hoc per Germaniam nomine cedo: quandoquidem in magnis hoc difficultatibus facio. cuius vel hoc fuerit argumentum, quod illam adhuc *Capnio-*
nis

nis causſam mordicus teneo: qua de
in litteris tuis mentionem facis, *Theo-*
logiſtas auxiſſe, nescio quas, *ſuas aduer-*
ſum nos Lamentationes, ſcribens. Quæ
illorum *importunitas*, haud dum ſcio,
ſecure magis contemnenda ſit, quam
indignanter exagitanda ac punienda,
in immenſum quia excreſcit *perditæ*
factionis licentia. nuper viſum eſt
ad nihil conniuere, nihil diſſimula-
re; neque aliquid in cauſæ, quam
tanto ſemel opere propugnandam
ſuſcepimus, patrociniſ, præuarica-
tione transmittere. ipſe ſi non con-
ſiderate adeo, at ſtrenue eam naua-
bo operam. Videmus, quantum
referat, has extirpatas eſſe *zizanias*,
hanc euulſam *loliginem* ac eradicatam,
vt ſe *felix illa iamque ſuppullulans rectiſ-*
ſimorum ſtudiorum planta proferat, ac
quam late propaget. vt, inquam, eie-
ctis ac exterminatis, qui ſe *oborienti iam*
bonæ eruditionis ſoli intempeſtiua nubes
opponunt, qui *fulgidum illud veri ſplen-*

doris lumen, in ipso suo exortu obscurare, immo extinguere ac proculcare conantur, *bonæ artes* reuiuiscant, *utriusque lingua commercium* nobis cum *Græcis ac Italis* conueniat: *Germania* cultum induat, *barbaries* ultra *hyperboreos montes*, & *Balticum* usque *oceanum* exhibiletur ac protrudatur. Iam binas in me sagittas contorserunt nebulones, sub *Pepericorni Iudæi* nomine. quæ me quamquam nullo meo dolore tetigerint, aut potius ne tetigerint quidem; & adhuc rem dissimulauerim, aliquando tamen videbunt illi, quem petierint. Qui quum hætenus omnia licere sibi putauerint, pensi non habuerunt, aduersus quem quid aggrediantur. quare experti nondum sunt temerarii insultores, quantus quisque in clypeum adsurgat. Vbi audientes non puto, qui suadent, ut ne inuidiam nobis conciliemus: & ab hoc metu tantum absim, ut non inuidiam modo istorum non fugiam, sed ultro odium etiam arcessam. Ac oderint illi,

li,

li, ego operam dabo interim, vt simul aliquando *metuant*. sic decreui enim, nisi a nobis contineant isti, non *postica* iam *ultra sanna* persequi, sed *animoso in frontem impetu* obturbare. Id quod *te* pariter & velle scio, & facere video, *e paucis vnum* mecum. quod si non inconstanter adniteris, credo aliquando multorum cum pernicie multos adiuuabimus. Nec nos moræ pigeat. Quamuis enim paulatim procedit hoc, quod molimur; procedit tamen, & vel olim, quo debet, non sine publico aliquo commodo evadet. Interea *palma lignum* imitabimur. nempe vt, quanto nos illi magis supprimant, tanto obnixius fursum conemur, ac *aduersum onerosos oppressores* indomabili nos contumacia attollamus. Ad quod idem agendum *aqualium* nostrorum studia excitabimus: *tu veteranus iam*, & emeritis stipendiis, spatioso isto decurso campo, aliis præiens; ego in flore adhuc

& *tirunculus*, in omnem facile euentum alacriter contendens. Quod sic ab te accipi volo: ne me putes tantum placere mihi, vt eorum in numerum inuadam temerarius, *qui locupletare has apud Germanos linguas possunt*; sed qui mihi non ineptus, nec infirmissimus istiusmodi *factionis persecutor* videor: vt tuo atque aliorum præsidio, depulsis, qui *optimæ frugis sementem* nobis depascunt, isti aliquando proueniant fructus, quorum doctiores vos cultum huic patriæ inuehitis, nec in *vilem labrusam* hanc finitis *vineam* degenerare, sed repaſtinando *politioris litteraturæ* agro, nullum laborem, ac nullum adeo fastidium subterfugitis, in eo *sollertis agricolæ officio* functi, *diligentis vineatoris opus* facientes, non sine fructu, vt videmus. Quippe, vt totum iuxta *Rhenum*, *Græcarum* pariter ac *Latinarum* eruditione litterarum conſeuit ERASMVS, & *vniverſam inferiorem Ger-*
ma-

maniam, excitatis ingeniis, talem reddidit, ut cum ipsa iam *Italia* nulum valde certamen detrectet: & ut *Sueniam* suam excoluit, & hoc exornauit decore CAPNION, ita TV *Ciuitatis tue iuuentutem* ad quem cultum, qua, Dii boni, sollertia perduxisti? id quod in illis videre est cognatis tuis *Genderis*, tuo beneficio *Grace & Latine* scientibus: idque optime. quos primum domi tuæ erudiisti, nihil veritus homo *Patricius*, *præmansum cibum*, in ora puerorum infarcire; deinde in *Italiam* quoque misisti. Quod animadvertentes tui ciues, & ipsi sunt imitati, argumento abs te sumpto, quantum sit recte institui, recte discere. Et facile hoc tibi ex proposito cessit, cui vel primam ego felicitatem adscribo, quod in ea *Ciuitate* natus sis, quæ omnium per *Germaniam* ciuitatum maxime bonis primum ingeniis exuberat, ac perenniter scatet, deinde honorem habet. ac singulariter erga optimas quasque

que

que artes adfecta semper fuit, & diu iam sola ac vnice fuit. Nam & patrum nostrorum memoria IOANNEM DE MONTE REGIO, meum ciuem (eum, qui vt in *Mathematices cognitione*, vnanimi omnium consensu, ipsi *Archimedi* palmam præripuit, ita inter *primos* huius sæculi, non dico *Germanos*, sed *omnium vniuersim nationum* dico, vix dum respirantibus tunc litteris, pure & citra vitium *Græce ac Latine* & locutus est, & scripsit) cæcutientibus aliis, nec hominis virtutem agnoscentibus, sola suscepit, stipendio prosecuta est, ciuitate donauit. & superioribus annis CHVNRAVDM CELTIM poetam, ignoto tunc in *Germania* poeta vocabulo, honorifice habuit, & pecunia iuuit. aliosque complures reuerenter accepit, & liberaliter fouit. Id quod ego isti apud *Venetos* adagio locum dedisse, arbitror: *Omnes alias in Germania ciuitates cæcutire, vnā ad huc Norimbergam altero videre oculo.* sic enim dicunt illi,

li,

li, siue ob hanc causam, siue quod
vestri homines *ingeniorum acumine*, ac
singulari quadam ante omnes *indu-*
stria mire excellunt: quod vel in his
artificiis, quæ manu exercentur, videre
est. iam hoc enim persuasum omni-
bus est, quæ *opera vestratia* sunt, ea e-
gregia esse, aut magis, quam aliorum
ex voto hominum fabrefacta. tum
fama est, *nihil apud vos adulterari*. Cu-
ius rei *Italia* persuasionem vel maxi-
mam sui documento indidit ille no-
stro æuo pingendi artificio *Apelles*, AL-
BERTVS DVRER: quem illi, quum ni-
hil facile *Germanum* laudari apud se, aut
ex inuidia, quæ *gens illa peculiariter labo-*
rat, aut recepta iam vulgo ibi *opinionem*,
ad omnia quæ ingenio indigent, hebetes
nos esse, & inertes, patiuntur, ita ta-
men admirantur, vt non solum vltro
ei concedant, sed & quidam, vt ope-
ra sua vendibilia faciant, *illius sub*
nomine ac inscriptione proponant. In
nostrum ordinem lente admodum serpit
hoc

hoc bonum ; multis tot iam annos pertinaciter existimantibus , prater equestrem dignitatem esse litteras scire : neque aliud magis aut prius inuidiam apud nos peperit claro Equiti EITELWOLFO , quam quod is hanc in primis ob virtutem emerisset , ac tantus esset . qui , quum innotescenti iam mihi sua ope suoque consilio , quantum posset , praesidium adferret , atque eam ad rem nacti essemus Principem , supra vulgarem eius ordinis captum , ingeniis pariter ac litteris fauentem , istum , Bilibalde , quem tu recte admiraris , ALBERTVM ; iamque ego illius simul suffragiis , ac optimi Principis liberalitate emergerem , occidit , proh dolor , occidit . Optimo enim iure eius mortem doleo , qui meam adiunxit vitam , quamquam non tam priuato meo incommodo occidit Eitelwolfus , quam publico litterarum ac litteratorum omnium . iam quiddam parabat enim , vnde nobis magnifice consultum fuisset ; nisi in-

intempestiua mors sanctissimas hominis cogitationes interrupisset. Verum dolore meo longius euagor. Huic, inquam, tali viro *inuidiam* peperit, *quod sciret litteras*. Adeo *indurata sunt adhuc aduersus humaniorem humanitatem nostrorum corda*. adeo non *sapiunt*, quos recte sapere primos oportuit. Quamquam ab aure Cesaris potentes qui sunt, hi factioni nostræ plurimum deferre videntur. Idem apud reliquos Principes, qui non in postremis recumbunt, ac ipsi etiam *Principes* nobis pollicentur. quibus nos magnis interim nominibus applaudimus, *Mecenates* nonnumquam, vel *Augustos* etiam vocantes: non, quod ullæ hoc aliquando illorum virtutes mereantur; quum aliqui publico potius odio, quam priuato favore digni sint: verum spe quadam *ad pristinae bonitatis amulationem excitandi*; vbi non penitus nostra nos fefellit opinio. Aliquos iam enim coegimus

gimus pudore sui benefacere nobis. qui si nihil aliud, hoc iam acceperunt, quod fauere litteris, id sit Principe dignum. Quare consilium est meum, beneuolentiam istiusmodi generis hominum modis omnibus captare, ac vbivbi liceat, fauori Principum retia tendere, & ob id illis adherere, ac publica incunctanter munera obire; vt nos ibi conformemus aliis, præsertim nulla alia via emergere quum videamus eos, qui leges profitentur; & Theologi qui vocantur; quos & ipsos hæc alit ambitio. Quod dum conor, reclamationes tuas, & tamquam ad errorem abeuntem me reuocas. Quasi vero non possint hæc simul agi; aut tu aliquando, in aula omnium turbulentissima, quum te vertendum ad reuertendum præberes, & curis ac sollicitudinibus commordereris, vel tunc, quum militares etiam, & Ciuitatis tuæ copiis quum præesses, studia interim omiseris, & non aliquando bis te delinimentis refouendum dederis: aut de me
ibi

ibi conelamatum sit; & imbecillius
hoc videatur ingenium, quam vt duo
hæc sustineat. Nisi vero nouum tibi
videtur, *inter negotia litteras, & cum
litteris negotia in vsu habere.* vbi exem-
plis non eges, haud ignarus, quam
multi, & qui hæc feliciter coniunxe-
rint: deinde, quam contempti olim
fuerint, nedum hac tempestate sint,
qui sic otiantur, vt non aliquando
negotia vel succisiuis temporibus
admittant. Nec me summis tamen
ingeniis infero, sed ferre hæc natura,
hæc ætas *domesticum situm, tranquillam
obscuritatem* vel omnino non potest,
vel adhuc non potest. *Sine deferuere
hunc ardorem, animum irrequietum &
versatilem parumper delassari;* dum i-
stam mereatur quietem, ad quam me
ante tempus, vt videtur, adhortaris.
Si *rationem* exiges *vita*, quam sub Prin-
cipe ago: nusquam, mihi crede, stu-
diosus magis fui, Principe sufficien-
tem ad hoc quietem indulgente, nam,

B

quæ

quæ est illius benignitas, plenam a vulgaribus consultationibus, & plebeio rerum tractatu vacationem concessit: quod ego *tempus studiis admetior*. præter illud otium, quod cum aliis mihi commune est. Quocirca *portatilem maxime bibliothecam, optimum quemque auctorem, mecum circumfero*: ac ubivbi licet, aliquid *lego*, nonnumquam *scribo* etiam; & sæpe in turba solus sum: quamquam etiam soli esse licet. Iam & *anagnostam mihi quero*; puerum aliquem ingenio bono, & in studiis aliquanto iam plus, quam qui vulgo, peritum: qui expedite sciat legere & manus velocitate dictantem facile consequatur: in studiis qui mihi ministret, ac laborem minuat. Necdum bene instituere tibi vitam videor? & adhuc istam mihi cantilenam repetis: *dignus es, qui ab aulicis præferueris arumnis*? Agnosco studium in me tuum: salutari admonitione amico consulis. si nondum
me

me istis eripis, acerbioribus adhuc ferendis incommodis (iam hoc videndum est enim) relinquis. Et dic mihi: prouisum habes, vnde me detineas, & vbi colloques? aut cum tuo statu meum confers? & quemadmodum *in ciuitatibus* vos, quibus non placide tantum, sed & molliter, si cuius in mores hoc cadat, *viuere est facile*, sic me vnquam inter *Equites* meos *quieturum* putas? & oblitus es, *in nostro ordine*, quibus conturbamentis, *qua animorum iactatione obnoxii sint homines?* Noli sic putare: & ex tua vita noli me *am* aestimare. Ita nobiscum agitur, vt patrimonium etiam amplissimum si mihi sit, vt possim ex meo viuere mihi: *hae sunt tempestates, quae me quiescere non sinunt.* Viuitur in agro, in silvis, & in illis *montium speculis* viuitur. qui nos alunt, *extreme pauperes* sunt *coloni*; quibus agros nostros, vineas, & filuas locamus: *vectigal* quod inde reddit, pro eo, qui aduertitur, labore,

exiguum est, & *tenuē*: sit, vt amplissimum sit & pingue; magna cura, magno opere quæritur. Nam *patres familias* esse oportet nos diligentissimos; deinde *Principis* alicuius *famulatu* addictos, a quo *tutionis spes* dependeat: nisi fuero, omnes sibi in me omnia licere putant: si fuero etiam, *mixta illa periculo*, & quotidiano *metu spes* est. nempe, si quando egrediar domo, in eos ne incidam, quibuscum illi, quisquis es Princeps, negotium sit, aut bellum sit, quo me nomine inuadant, & abripiant. quod si mala mea fortuna contingat, dimidium facile patrimonii adimitur in redemptionem: atque ita, vnde *defensionem* speraueram, *offensio* incumbit. Proinde hunc in usum equos alimus, & arma comparamus; numerofo comitatu stipamur. magnis ac grauissimis per omnia sumptibus. neque vsquam vel duorum iugerum itinere nisi *armati* exspatiatur. nullam licet villam inermi vifere

re

re, non *venatum*, non *piscatum* exire licet, nisi *ferreo*. Interim crebræ *mutuo contentiones*, inter villicos aliorum & nostros oriuntur. neque dies ullus est, quo non de aliqua ad nos *lite* referatur, quam cautissime componamus. Nam si contumacius mea tuear, aut iniuriam etiam persequar, *bellum* nascitur; si quid patientius remittam, aut de meo etiam concedam, iam omnium statim *iniuriis* pateo; quum, quantum vni concessum est, concedi sibi velint singuli. At inter quos fiunt ista? Non inter alienos, amice, sed inter *ad fines*, inter *cognatos & propinquos*, atque adeo inter *fratres* fiunt. Atque *hae sunt nostra ruri delitia, hac otia, hoc tranquillum*. Ipsa siue in monte est *specula*, siue in plano, non ad amœnitatem, sed ad *munitionem ex aedificata est*; fossis ac vallo circumdata, intus angusta, mansionibus pecorum, & armentorum constricta; obscuræ iuxta cellæ bom-

bardis, pice ac sulphure, & reliquo armorum ac bellicarum machinarum apparatu oppletæ: bombardici per omnia pulueris fœtor. deinde canes, & canum excrementa, iucundum, reor, & ipsa odoramentum. Accedunt & abeunt *equites*; inter quos raptores, fures & latrones: omnibus enim talibus patent nostræ domus; aut ignorantibus nobis, qualis quisque sit, aut non inquirentibus. Audiuntur ouium balatus, bouum mugitus, canum latratus, hominum in agro operantium vociferationes, carrorum & vehiculorum stridores ac strepitus: nostræ domi luporum etiam ululatus; ut quæ nemoribus vicina est. Omni die de craftino *cura*, & *sollicitudo* est; continui *motus*, perpetuæ *tempestates*, fodiendi agri, ac repastinandi, operandum in vineis, plantandæ arbores, irriganda prata, occandum, serendum, stercorandum, metendum, tritendum, subit *metis*,

lis, subit vindemia. Tum, si quid vno aliquo anno male prouenit, vt in illa *sterilitate* plurimum, mira *egeſtas*, mira *pauperies*, vt numquam non fit, quod moueat, quod turbet, quod angat, quod maceret, quod conficiat, quod e-
vocet, quod extrahat, ac extrudat. Atque *in hanc me vitam*, vt *studiis dignam*, ab *aulica*, vt *indignissima*, re-
vocas; ibique me consulto ac propoſi-
to, tamquam in *optato* quodam *vita*
portu collocas ac reponis. teque pu-
tas, quum hoc facis, in *quietem* me &
tranquillum adſerere: aut ſi non putas,
qua ſaltem mente ſuadeas, id me ce-
las. Nam tua quæ interim conditio
ſit, & meæ quomodo conferri debeat,
quantumque *tua vita ab his motibus li-*
bera, aduerſum *has tempeſtates*, *hos tu-*
multus, *munita ſit ac tuta*, quid refert
ſcribere, quum non propoſitum ſit te
docere quæ noſti, ſed enuntiare ea,
quæ me ignorare exiſtimaviſti? Etiam
ſatis, opinor, tibi oſtendi, quam *me nul-*

la morum inconstantia, nullum voluptatis illicium, aut rerum nouarum studium ad aulam inuitet, sed quæ necessitas cogat: vt minus nihil debeas, quam aulicam nassam, in qua me detineri captum dicas, aut hamum illum curialem, quem deuoratum mihi imputes, obiicere. primum enim nullum deuorui hamum; sed ab hamo escam decerpo, & caute ac citra periculum citraque discrimen circumrodo. deinde illam fateor nassam inhabito, sed egrediundi certus, explorato prius reditu, & a Dedalo accepta commonitione, ab hoc Labyrintho regredi quomodo oporteat. Proinde bono animo esto. Securus sum, & mihi consto. Nec est ambitio, quæ me pervertit, sed honesta ratio, quæ per debitos mihi honorum decursus ducit. Iam hoc mihi nomen tuendum est, conseruanda dignitas, æquanda Maiorum industria, augenda familia, quam mihi gentiles mei imputant, claritudo & gentilitius propagandus splendor. Vbi si cessauero, & mihi de-
ero,

ero, & litteris. mihi quidem, non ita magna mea cura, litteris vero, quibus omnimodo apud contribules & in hoc ordine conciliare fauorem, excitare auctoritatem studeo. Præterea intuetur me uniuersus ordo. Omnia mea consilia, nedum facta obseruant homines. petitur a me, non tam quod debeo, quam quod exigere illis in mentem venit. magnam de me expectationem, maiorem opinionem habent, eamque ex nominis mei fama, quam non recte comparant, metiuntur. Ibi ego nisi aliquid coner, aliquid præstem, tunc vero dicet quisque eorum, qui sic rem æstimant; aut eorum certe, qui non obscure intelligunt, aliquis dicet; aut quilibet etiam: quid ergo tanti est, hunc isto labore, hac impensa, hoc dispendio, hac didicisse? Atque ita post sentient, sua partim opinione, partim aliorum persuasu, ex litterarum studio fieri homines pigros, desides, ignauos, cessatores, molles & supinos, & idcirco tamquam a

re nostris Maioribus, hac nobilitate, his imaginibus valde indigna, liberos suos deheretabuntur ac abstrahent; putantes, hoc nisi faciant, illos sic institutos, omnem suorum, omnem humani generis curam dimissuros, ac nullum in usum victuros. Qua de caussa obsequi hominum voluntati certum est, & hoc facere, quod illi expectant, aut ego possum. spero autem facturum, non pace solum litterarum, sed & commodo, salva aut etiam aucta dignitate mea. Porro seruitus illa, ut honesta est, ac liberalis, ita a me proponitur temporaria, non perpetua: deinde honores mihi, & ad aliquem sublimiorem splendorem, altiorem statum, prouectionem pollicetur. Nec tu igitur stultum me puta, si ad honores adspiro, aut perditum inter aulicos tumultus; dignitatis meae incrementum si ambiam: sed temporum potius conditionem ac communem hominum sensum, aut hoc potius, quod semper omnes ac maxime clarissimus quisque factita-

*Etitarunt, considera. Tum, si aliam tu
& commodiorem vitam nosti, perscribe,
edoce, indica, velle aurem, manu
duc ad illum turbis inaccessum locum. Mi-
hi quidem, cui quoddam diuturna illa
peregrinatio iudicium dedit, erroris mul-
tum excussit; turbis & inquietudinibus,
tum miseria quoque & omne genus Tragœ-
diis mixta ac referta omnia videntur. &
quo me cunque vertam, nihil securum,
tranquillum nihil video propositum.
Sunt officia, sunt clientelæ, sunt fora,
sunt conuentus, sunt obsequia, sunt
curæ, sunt motus, sunt labores, sunt
fastidia, tum casus, & vndique immi-
nens fortuna iniuria, ac morbi, & dolores.
Nedum aula istis scatet, quæ ego in il-
la depinxi Navigatione. vbi mihi ora-
tio arbitror defuit, res non defuit: &
ad huc disertum aliquem ea desiderat Fa-
bula, qui plenius omnia exponat, &
fortasse rem qui verbis æquet. Sed mi-
hi sic videtur, nihil vsquam non æque, ac
illa est aula, turbulentum. Tamen si
quid*

quid habes exploratum, quæso, prode, commonstra. ne tantum isthinc abstrahas, non aliquo trahas, *de tuo consilio faciam omnia*. Si cessas, aut si cunctaris, inclamo, increpo: *quo res summa loco Bilibalde? quam prendimus arcem?* Iam ab illa audisti quantum abhorream soluta vita? & ut agere aliquid proposuerim, priusquam in illos me secessus reiiciam. Non quod in diem vivere decretum sit, aut euentibus meam vitam quod dediderim, & impetu quodam ad incerta ferar, sed quod ea nondum parta sunt, quæ ad illud pertinent æqualiter vivere, & ut mihi constem. Adhuc omnis enim quietis, nedum torporis ac inertia, hic impatiens est animus. nondum me domui, nondum ætatis feruorem mitigavi, nondum meritus sum, ut cum Epicuro lateam. qui ad otium quidem inuitat,; sed otii (ne dubita) capacem, ut, si hodie reuiniſcat, & erudiendum me accipiat, non prius ad illas rapturum latebras crediderim, quam

quam sit aliquid cognitum, aliquid actum. Quod te scire oportet, non fluctuare me, & inter diuersa ambigere, sed quiddam statuisse, & aliquid esse, in quo defixus baream; quo illum dirigam vita arcum; ad quod libere & proposito contendam: sed alieno sine adminiculo peruenire desperem. Itaque illum peto ex hac nassa cibum, huic, Bilibalde, itineri viaticum. Opus est enim mihi, vt emergam, aliunde quesitis. Id quod in aula fieri quomodo possit, & mihi quam facile, aut quam difficile sit, non est nunc locus exponere. haud te latebit tamen, vitæ meæ subsidium qualiter captem. aliquando enim dicam, non per interpretem, aut litteris internuntiis, sed solus soli. Ad præsens vero satis habe, id scire, quod toties repeto, necessario me cogi ad aulica obeunda. vbi ita me explanabo, ita dilatabo, vt quamprimum occasionem, quæ se dabit, spero, non ita multo post, nactus, contrabam & subsidam. Quod si tibi

tibi mutasse *statum* videbor, & *conditionem* alterasse, *animi adfectus* non videbor: ita dabo operam enim, *Huttenus* perpetuo *sim*, neve *vmquam* *desertor* mei inueniar; sed *aqualiter* *per* *inequales* *vita actus* vt *deambulem*. Si ne igitur *ad tempus* illis me *venditem*, *curionibus*: sine *paulisper* *ineptum* esse. sic ille enim apud *Ciceronem* hanc sibi *veniam* *deposcit*: sine, inquam, *infer* *vire* *temporibus*. nisi hoc tu indulgeas, cogor *prater* *imperatoris iussum* *stationem* *deserere*. Sed puto, *fines*, aut *consilium* etiam dabis, *quo* *mea* *mera* *rapit* *fortuna*, aut *quo* *fatum* *potius*, *co* *ferri*. quippe *feror*, sed *non inuitus*. *Ducor*, sed *comite* *ratione*, *nullo* *impetu*. neque ita *feror*, vt non, quam *primum* *volam*, aut *receptui* *canat* *illa* *vita* *dux* *ratio*, *pedem* *referre* *liceat*, ac *fatietate* *istiusmodi* *rerum* *percepta*, *in* *tutum* *me* *recipere*, ac *ex* *ista* *nauigatione* *in* *portum* *aliquem* *subducere*. *Præterea* *non* *hæ* *sunt* *intemperiae*, vt *quieti*

quieti tumultus præferam, sed ante illam hos experiri cogito. Quid cogito dixi? immo, ut prius, *necessitate*, quadam cogor: *per aliquot* enim iubeor *honorum gradus decurrere*, priusquam me his subtraham turbis: ubi si quæ *exhaustiende molestiæ* sunt, iam illarum *mibi patientiam indixi*. ac his utar, tamquam *ex promptuario desumptis*; quæ *in schola*, quæ *peregre didici*, *equanimiter* ut feram omnia: *neque ad quemlibet ex diuerso motum dissoluar*. Sic consueui enim, ac me induravi: & *pati strepitus*, *pati etiam insultus* scio: ac *diuexationes sustinere* non imperite calleo: *animumque disposui*, & *equanimitatem indui*. Porro mala si possem fugere, quæ vellem prius, quam illa corporis, *morbos* puto, qui me aliquando *mouent*, *numquam dimouent*? si conuellere enim possent animum, iam mihi omnem studiorum curam aboleuissent; quum nullam ob vitæ *intemperantiam*, quod sciunt, qui me-

mecum versantur, sed studio & peregrinatione stomachi imbecillitatem contraxerim, & corpus infirmum reddiderim. quod & in peregrinatione multa sustinui incommoda, nunc frigus & æstus acerbior, nunc famem & sitim frequentius: aliquando nimiam itinerando fationem perpeffus; quæ præter ob nimium e vulneribus emissum sanguinem virium corporis exinanitio, & natiui roboris attenuatio accessit. Ceterum quæ tu obicis terricula, non mouent. quippe animo composito qui est, ille ubique tranquillum, ubique secessum & solitudinem habet. nam quæ auribus circumstrepunt, nihil ad animum. Quapropter in mediis illis aule tumultibus credo non defuturam mihi summam interdum quietem. quod ne pluribus tibi persuadeam, scias, a nullo me heic bono magis abfuisse hoc anno, quam ab illa studiorum quiete; & tamen studiosum fuisse plurimum. At habuit hic annus multum curæ ac sollicitudinis; dum me vestio,

vestio, dum exorno, dum cærimo-
nias aulicas edisco, & curialem disci-
plinam imbibo: dum me aulicis mori-
bus apto; dum equis ac armis instruo:
eiusque rei gratia vbilibet amicos ac
propinquos sollicito, ac cuiuslibet o-
peram deponco; & ipse curro ac dis-
curro. quare non ita plus ademptu-
rum mihi studii reliquum tempus
metuo. Certe hætenus bene cessit.
nam & *amicos salutavi litteris, & legi
ac scripsi & aliquot, vt vides, opuscula
elucubraui.* Quorum nunc *Orationem
ad Principes exhortatoriam* mitto tibi e-
ditam. Vt scripseras, inquis? Mini-
me. Atque hoc est, quod doleo, non
*licere mihi, quod opus maxime fuit, hoc
tempore loqui, aut scribere.* Manca est
igitur; & *partem sui meliorem* per deos,
quæque in primis desiderari potuit, in-
felix illa declamatio *perdidit*; non vi-
tio quidem meo, sed eorum, qui ne
suam quidem causam libere agi susti-
nent. adeo *ingrata res est hoc tempore*

C

dicendi

dicendi libertas. adeo Germania esse
 desit Germania: & nunc facillime pro-
 batur, qui facillime adsentari consuevit;
 contra odio digni videntur, qui veritati
 student. Ἐγὼ δ' ἀγενεὺς ἀνδρὸς ἔργον ἡγῶ-
 μαί τὸ μὴ ἀληθὲς, εἰ καὶ μέγας ἀνδρὶς ἦται
 κίνδυνος, διαγορεύειν. Sed mihi, si digni-
 tatem habere volo, & vitam habere si volo,
 officium boni viri implere non licet. Et
 iam plus nimio de his, quæ dolorem
 exulcerant meum: quorumque in
 contemplationem si me demittam
 penitus, non probauero tantum,
 quod tu suades, vt mihi & Musis viuam,
 sed confestim etiam ac repente, si li-
 ceat, aggrediar. quamquam, vt pla-
 ne intelligas, quid proponam, adhuc
 aliquam mihi quietem, aliquod his stu-
 diis otium prospicio. tantum abest, vt in-
 ter aulicos sycophantas, quod tu caues in
 Epistola tua, consenescere cogitem, neque
 id modo, sed & diutissime versari vt de-
 creuerim. Vbi fateor, aliquid in fortuna
 situm est, vt vbique & per omnia. quæ
 si

si male mihi volet etiam, consolationem adferet, quod *hanc iaciens aleam*, nihil periculosius feci, quam si quodcunque aliud vitæ genus instituissem. Ideo perinde mecum agitur, ac cum illis in *taxillorum ludo* securi de lucro ac damno qui sunt, quod aut nihil est, aut parum, quod perdere possunt. *Tempus*, inquis, *perdideris*. Non magis, quam si *peregrinarer*; aut aliquanto minus etiam: nam ibi *anxie omnia, sine cura nihil cedebat*, modo de viatico sollicitè cogitanti, modo in periculis agenti vitam, quam terra & aquis in discrimine frequenter habui. nonnumquam eo res mihi redibat, ut, quod ederem, non haberem, multo minus, quo vestirer. *Miram* enim *Tragædiam* audias: quamquam audisti aliquando *fabula partem*: sed ea, quæ tum *alibi*, tum vel præcipue in *Italia* pertuli; vbi *penuria viatici militare etiam coactus sum, dura pertuli*; ordine si tibi recenseam, *miram* & *supra*

fidem lugubrem Tragædiam audias. Quod si scias, & rem, vt est, intuearis, tantopere abhorrendum ab aula non putaueris ei, qui tot malis induratum gerat animum: nec ita sapiens esse desidero, vt non aliquam a fortuna expectationem traham. Iam ab illa enim suspensus teneor, & in rotam me vertendum conieci, expectabundus, quo euehar: certe aut euehet me illa, aut non deprimet. quo posset enim? præsertim quum ea, quæ illius sunt mecum, nibili faciam, ea, quæ vere mea, auferre non possit. Quæ tibi consolatio satis efficax in dubiis non videtur? Non magna fiducia, posse augeri, non posse, minui? Facultates namque vt sunt, si euertantur etiam, non multum admodum periisse mihi duxero. ita illas enim æstimo, vt siue omnino pereant, siue non augeantur, perinde censeam; certus, aut amplioribus esse opus mihi, aut istas non satis esse: quamuis non sunt angustissimæ illæ.
sed

sed meus se animus amplius explanat, quam ut intra has habitaturum me sperem. Deinde quia mea omnis dignitas ex animo est mihi; inque animo, fortuna iuris nihil esse in illam, compertum habeo. Porro nobilitatem augere magnifice potest, minuire nullo opere potest. Vides, quibus in firmamentis, qua fiducia consistam? quibus me praesidiis circumdederim? quibus copiis instructus sim? At fortuna quod dedit, eadem aufert plerumque. Sic est: nec id solum; verum etiam si quid est, quod illi acceptum non referimus: neque ego quicquam earum rerum, quae exterius homini adsunt, esse video, quod non casibus expositum habeamus. Iam honores ambio, quos, si liceat, citra invidiam velim indipisci, sin autem, utcunque. Tum quaedam me tenet non minima gloria sitis, ut nobilitari, quantum possim, cupiam. ac male mihi sit, Bilibalde, nobilem si me, puto, quamquam hoc ordine, hac familia,

C 3

milia, his ortus parentibus, *nisi me ipse fecero meapte industria.* Quippe maius opus inoueo; altius meditor, non quidem in editiorem splendidioris familiæ locum vt transeam, sed aliunde *querere nobilitatis*, de qua hauriam, *scaturiginem satagens*: vt non ex *imaginaris* illis *nobilibus* tantum censear; aut eo, quod a Maioribus meis accepi, contentus sim, verum *aliquid ad istas dotes, quod a me in posteros proficiscatur, adiecisse videar.* Qua in re, quamquam non omnia fortuna sint, *aliquod illa tamen ibi momentum habet*: ac nescio, an *multum, etiam possit.* Vides enim quibus adminiculis, qui aliquando clarescunt. quod etsi non sine virtutis plerumque iniuria fiat; communem tamen accusationem effugit. Sed hoc *genus nobilitatis, quod totum a fortuna est, nec adfecto, vt friuolum, nec eo mihi opus video.* Quadam sunt, quibus *inuita fortuna, ipsa etiam virtus non emergit.*

git. atque ibi illam verti rotam cupio, illam intueor cacam Deam, insanam moderatricem, omnis motus, omnis varietatis reginam, temere se circumferentem, infirme consistentem, volatilem, mobilem, mutabilem, versatilem, inconstantem, incertam, vagabundam, & quæ in illius contumeliam fingi possunt alia. ibi, inquam, opus esse mihi casibus, opus esse aliquo puto secundo rotatu, ut euebar, ut prouebar. Atque eo studium, eo operam aduerto ac intendo, diuersus opinione ab illis, qui quodcunque est, id satis ducunt. nam mihi tale nihil fati est. In quo ut ambitionis confessionem ipse tibi non tortus, ne rogatus quidem edidi; ita illis non inuideo, quos ab infimo progressos, meam transcendisse contigit sortem, & ab hominibus mei ordinis valde dissentio, eos, qui sordida quidem origine, sed virtutis ope eluxerunt, criminari solitis: optimo enim iure præferuntur nobis, qui materiam gloria, quam pro neglecto ipsi habui-

C 4

mus,

mus, *sibi desumpserunt & occuparunt*; etiam fullonum aut cerdonum filii si sint. quandoquidem maiore hoc difficultate, quam nos potuimus, adsecuti sunt. *Non tantum stultus est igitur illiteratus quispiam, ei, qui litteris enituit, invidens, sed miser etiam est, aut miserrimus potius. Quo vitio peculiari- ter nostra laborat nobilitas, ut aduersus huiuscemodi ornamenta oblique adficiatur. At quæ per Christum inuidia est hæc, habere aliquem, nos quæ negleximus? Cur non enim didicimus leges? didicimus litteras? atque optimas artes cur non ipsi didicimus? quo minus fieret, ut nobis sutores, nobis fullones, & carpentarii illi præirent? cur locum cessimus? cur liberales disciplinas ad seruitia, & illas (proh ignauiam) fordes ablegauimus? Recte igitur quod nobilitatis erat, desertum a nobis, studiosissimus quisque inuasit, ac sua industria usu cepit: nos miseri, qui tantum omittimus, quantum infimo cui- que*

que supra nos euolandi satis est. Quin definimus inuidere igitur, aut ipsi potius hæc conamur, quæ ingenti nostro pudore aliorum fiunt. *Omni-um est enim quod derelictum est :* aut quo omnibus patet aditus; quem nobis quanto, quam istis, occupare facilius fuit, nisi ultro nollemus clarescere? nisi alia nobis multo his inferiora curæ essent; nisi per torporem & ignauiam desideremus. *Gloria vero omnis honesta est ambitio: omne circa virtutem laudabile certamen. quamquam est & suus generi honor, suumque adfert & ipsum decus. nec illa penitus contemnenda imagines, illa sine ornamento stemmata. Sed quicquid horum est, proprium non habemus, nisi nostris quibusdam meritis illud nobis conciliemus. nec adhaeret, nisi in similes sui mores incidat nobilitas. Quare frustra pinguem aliquem & crassum ex illis patrem familias, Maiorum tibi suorum statuas ostentantem, videas, quum i-*

pſe deſideat interim; magis trunco
 ſimilis, quam, *vt cum illorum*, qui
 præluxerunt virtute, conferendus
 veniat. Atque hæc de mea ambitio-
 ne, cuius tibi rationem, vt copioſe,
 ita ingenuè reddidi. Super eſt, te ro-
 gem, ab aula ne me, niſi maturum,
 abripias ac decerpas: quando quidem
ipſam maturuiſſe velles Aulam; ante-
quam mihi ſic excidiſſet: ac de meo
 incepto vt melius omineris, & me
 agere aliquid ſinas, his annis, hoc in
 flore, vel hominum opinionis ha-
 bita ratione; qui meum hoc *otium*,
ſiniſtre volent interpretari, ſi capeſſam,
ante tempus: quum, *etiã ſi quieſcere*
inſtituam, id multis de cauſſis, qua-
 rum tibi vix capita expoſui, vix no-
 menclaturam feci, *non poſſim*. Age
 vero conſidera, mi Bilibalde, *quid*
aliud aliquem, & me quid deceat. Iam
 illud *Seneca* quam non negligendum:
Et quieſcenti, inquit, *agendum, &*
agenti quieſcendum. Porro quis velit
 hoc

hoc tempore imitari veteres illos *Stoicos*, a rerum actibus, tamquam a vita quadam peste, refugientes, ut se in profundam illam, & infructuosam quietem, non abscondat tantum, sed defodiat etiam? aut cum illis sentire quis posset, circa *Philosophia* studium insanientibus *Cynicis*? Præterea, tot omnium ordinum optimæ spei iuvenes, æquales meos, circa gloriæ questum desudare quum videas, & ipsum te mihi exemplo præiisse scias; adeo ferreum esse iubebis, ut nullo & ipsum amulationis studio teneri, nulla veræ laudis adfectione incitari voles? Tunc ista tua erudita commonitione uti debebas, quum annos agentem in Italia prope quatuor, ac magna rectiorum studiorum iactura Accursianum absinthium potantem, perdere tempus videres. Sed tunc non sic noras, nondum familiarem habebas. Admitto excusationem, ac te erroris etiam, nedum culpæ, absoluo, ut tu ad meam vicissim ambitionem, meam
stul.

stultitiam conniueas. & vel aliquot annos hanc mihi vtendam aulam permit-
tas; a cuius adytis, tamquam inter-
dicto, ita me summoies. Quem
tuum rigorem mitigare quæso velis.
*Caute tractabo hanc conditionem, ne
dubita. sic adscendam, nulli vt me præ-
cipitio temere committam, in plano versa-
bor. quæ tutissima est, in ea me parte,
quantum fieri poterit, continebo. Ita
iam firmaui me, ita communiui.
Vis magnifice aliquid audire etiam?
quamquam vt non velis, dicam, ista
tua sincera Epistola facile omnia
quàm extorqueas mihi, dicam aio:
uno eodemque tempore & facto, honores
& sequi posse videor, & contemnere.
Habes summam, nihil restat. Vbi
iste efferbuerit, quo me flagrare astu
intelligis, ac illam ego, quam toties
retracto, necessitatem prosecutus satis
fuero, & iam aliquid peractum erit, quo
me vixisse testatum esse possit, tunc in
hominum obliuionem te suafore decum-
bam,*

*bam, tunc quietem, tunc volentibus
diis tranquillum ipsum appetam. tunc
in aliquem me angulum praripiam, in
aliquem abstrudam tranquillitatis spe-
cum, vnde in hominum curas ac nego-
tia prospiciam & istos tecum rideam,
fastu & superbia tumentes aulicos. il-
los pictura tenuis nobiles, illos libro-
rum strue exsultantes Iureconsultos, illos,
qui se in nugis admirantur, Theologistas:
quorum nunc concinnatas in me figu-
ras non obscure intelligo, & ad bilio-
sum cuiusdam ἄνθρωπος interprete non e-
geo. qui si sciret, quam nihil faciat,
dum hoc facit, & meo animo quam
nullos morsus hæc maledicta conci-
tent, tantum operæ non perderet,
tantam olei impensam non faceret;
quum frustra fieri videret. Proscin-
dunt me heic Iurisprudentes, vt sibi vi-
dentur, quidam cerebrosi illi ac stolidi
homines, ob Nihil & Neminem fabulam,
hui, si audias, qui de me sermones,
quæ fabulæ sint, quam infelix Nemo
totas*

totas sibi adeo cœnas, in ipsa nonnumquam repotia productas vindicet. Coniurarunt inepti, *nullam mihi post-hac operam impertituros*: in tantum ægre ferunt hanc *fictionem*. noui, quibus symposiis, qui homines, quam licenter contra absentem inuecti sint. Quibus ego medium digitum ostendo, sic insipientibus, *vt in nugis Tragœdiam agant*. An tu sana mente aliquem existimas hoc moueri *nugamento*? Venerunt ad me, qui & ipsi doctores sunt, sed doctiores, quam isti, quos dixi, ac *risu pane diruptos se in lectione Nemini* dixerunt. sani illi; ac nihil ad se pertinere arbitrantur, quæ *in temporum vitia a nobis declamantur*. Tu istic si quos videbis implacatus irasci, intercede, deprecare pœnam misero mihi. dic, *Neminem esse, qui hanc moueat Camerinam, hoc tetigerit bidental; quid ad Huttenum*, inquit, *Iasonis auctoritati si quis Nemo refragatur, aut Accursium incescit?* & ante Bartoli sepulcrum

*pulcrum si quis, Nihil qui est, non conge-
nudavit? Facile impetrabis mihi vi-
tam, aut supplicium deprecaberis.
quod si lasam Maiestatem interpretabun-
tur, ac perduellionis arcessent, interroga,
num Accursium intellexisse putent, per-
duellionis crimen quod sit. quo abs te
quæsito, persecutionem mei dese-
rentes, in centum millium singularium
glossarum allegamenta palantes egeris.
Verum hos nugatores missos facio, &
reliquas tuæ Epistolæ partes perse-
quor. Non falsus es opinione, quan-
do scribis, in Aula mea intelligi, non-
numquam valde concitatam mihi bilem,
quum iam iam acrius insurrecturus essem,
præter expectationem repressam. Sic
est enim. Continui me, quum quia
ab omnibus passim coniuratum ad-
versus libertatem hoc tempore vi-
deo, tum vero, quia seueriorem re-
prehensionem non ferebat iocus.
STROMERV M Medicum, recte doles,
non contigisse tibi hoc in transitu ho-
spitem:*

spitem: *bonus est, iucundus & dexter.* quem virum qui amat, is se valde amari a me sciat. Accepi epistolas *Nouaquilaris.* vbi risum mouisti mihi, quando te *blasum* fingis, in quadam dictione & litteram omittens. De illo, quem vt fugeres, suasi, nihil te moror. *ἐκείνος μὲν ἔστιν ἐκείνος.* ego autem optimo animo feci, vt te præmonerem, ne quid incautius ei committeres; quem, haud scio, an recte noueris. Sed nunc ad ea, quæ velle te scire suspicor. *Dimissum est hic Concilium:* quod an aliquid hominum expectatione dignum pepererit, ignoro. quamquam haud penitus ignoro. *Nihil enim peperit. Legatus Pontificis, hians lupo discedit, nihil a Germanis pecunia referens.* quod non tam improbo, quam irascor, de bello *Turcico* nemini curam esse. Atque igitur, ita me salus seruet, vt velim ad ipsum *Germania* limen pulsare nos *Turcas:* quo isti excitentur aliquando *cunctatores.*

De

De mea valetudine hoc accipe. *Præsentissima est a ligno medicina*; quod adhuc dubitamus, quo nomine appellandum sit: *Hebeno* in multis simile est, in quibusdam *Buxo*. Non *Hebenus* tamen est, vnum hoc scimus. Ipse miris modis conualesco, gratiæ Christo primum, deinde *Fucheris*, aut quiqui sunt, quibus perferentibus salutarem contra *pestilentem*, & tot iam annos *conclamatum* a medicis morbum, me delam accepimus. Maxima cibi, potus, a omnium eorum, quæ corpus non delectant modo, sed fouent etiam ac nutriunt, *abstinentia*, *curationem* hanc *experimur*. Præterea vitatio aeris tanta est, vtrimarum omnes occludantur cubiculi eius, in quod demittitur quis. Totum iam mensem *abstemius* sum; cuius ad vmbilicum, in dies singulos dimidium pulli gallinacei prandium fuit, cœna nulla fuit. post largius accessit, in cœnam reliquum dimidium. panis in diem, qui

D

vn-

vncias quinque non excedat, apponitur: & absque sale hoc quicquid est, & quam exiguum est, edo, nec alio, præter illud *ligni decoctum* in potu liquore vtor. quum tibi interim satis attenuari non videar, quia ἀπὲρ χροδαί τῶν ἀφροδισίων horteris; quem si videas vt *palleam*, vt *macer*, & *exsuccus* sim, nihil tale suspiceris. De morbo videlicet non magnopere curandum posthac, εἰ τᾷλλὰ μοι κατὰ νῦν γενήσονται. Ad quod bene mihi precaris; quod gaudeo & exsulto. quamdam meam enim *gloriam* duco, *abs te tali tantoque viro amari*. Inuisunt me viri *heic clari ac nobiles* multi, inter quos est VLRICHVS COMES DE HELENSTEYN, *non tam generis antiquitate, quam litterarum peritia illustris*. & IACOBVS DE BANNISIIS, *vir in primis doctus ac eloquens*: quo de illud sentire consueui, quod de Nestore Agamemnon. opto enim, vt *decem tales habeat Caesar consultores*. quod si a Christo optimo

mo maximo impetrem, nihil magnopere sollicitus fuero, quomodo *optimum in statum redigatur Germania.* Solebant præterea accedere me complures, antequam solueretur Conventus eorum, qui in Principum aulis versantur. Multum etiam mecum est IACOBVS SPIEGEL, *homo aliis gratus, mihi valde iucundus etiam & suavis.* Item CHVNRADEVVS PEVTINGER: quocum vetus mihi iam, vt nosti, consuetudo est. quamquam hunc mihi negotia, quibus obruitur, homo alioqui *studioforum omnium, ac nostri plurimum generis observantissimus,* eripiunt ac extrahunt. Hospitio fruor honorati viri, GEORGII GROS Canonici, in cuius me domum absentis induxit necessarius meus IOANNES DE VVIRSPERGK, & ipse hic *Canonicus ac officialis,* tunc, quum sua domus capax hospitis non esset, quum me ipse amet vt qui plurimum, idque ob commendata illi primum studia

mea ab *ANDREA & IACOBO FVCHS* optimis ac clarissimis viris: deinde quod anno proximo vna cum *GEORGIO DE STREYTBURGK* Equite & Iureconsulto ex Italia veniens, casu in illius domum diuerteram; quod, non credis, quam illi gratum acciderit. Quare adhuc singulariter colit & amplectitur: quod ex animo fieri ab illo, vel idcirco mihi facile persuadeo, quod vt a iactatione, & illis vulgo magnifice obuoluentibus se fumis abborret, ita re ipsa amicum se ostendit; frequens mihi in hoc valetudinario adfuit, etiam tunc, quum ob morbi foeditatem spurcissime foeterem. Nam & aliquot saepe horas adsedit, miscendo iucundas de more fabulas, & necessaria omnia vt affatim suppeterent, optima diligentia prouidit. Quo nomine gratum mihi facies, si huc scribens aliquando, litteris hominem salutaueris. *Amat omnes bonos, litteratos imprimis: multisque in Italiam* mi-

misit, quum reliqua mea opuscula,
tum *musæum illum adhuc & intempesti-
dum Dialogum*. Scilicet hunc tibi com-
mendo, vt tu eum commendes tuis,
hoc est, *Musis & litteris*. Præterea
ventitare ad me solent, *AVGVSTEN-
SIS EGIDIVS REMVS*, quocum
Papia olim studui, tunc, quum vno
sub Magistro Græcarum littera-
rum studio initiaremur: & *Ita-
lici generis TREBATIVS VICENTI-
NVS*, homo *Græce & Latine egragie eru-
ditus*, & cui illud solum desit, quod
ab eruditione inflatus non sit: ac *IOAN-
NES FOENISECA*, *reconditarum ar-
tium & secretioris Philosophiæ doctrina*,
eximius. Fama defertur huc, nouum
*instrumentum ab Erasmo iterum esse reui-
sum, ac interpolatum denuo*, & alia quæ-
dam noua illius opuscula prodiisse in lu-
cem. Quod miror, tam sero adfer-
ri huc, quæ in litteris noua sunt.
Iulium Pollucem, Hesychium, & alios
libros abste missos accepi. Vbi tuam

in meis rebus diligentiam perspexi. Quum hæc scriberem, altera mihi tua Epistola reddita est, in qua percontaris de *Volga fluuio*, quem sic vocat auctor libelli de duabus Sarmatiis inscripti. quum enim scribat ille, maximum esse hunc fluuium, multo etiam, quam *Tanaim*, maiorem & immensum *Asia spatium* obire, deinde in *Euxinum* effundi, scire vis, quem hunc esse ex illis, quos antiqui commemorant, suspicari liceat. Mihi nuper legenti hunc libellum, eadem obiecta dubitatio est. quod quum anxie magis, quam pro re, inquirerem, peropportune accidit, notus mihi ut fieret *clarus Eques*, SIGEMVNDVS DE HERBERSTEYN, *Cæsari a consiliis*. Nam is hieme proxima Cæsaris ad *Moscorum Principem* orator fuit, & magnam *Scythia* illius partem peragravit, ac in ipsam vsque *Asiam Barbaricum* peruagatus est. Is me tunc docuit, quod ante coniiciebam, non ad-

adfirmabam, quem *Volham* Mosci, apud quos oritur, vocant, eum esse, qui apud *Ptolomeum Rha* legitur. sed auctorem Sarmaticæ Cosmographiæ in hoc lapsus, quod non in *Euxinum*, sed in *Caspium pelagus* desertur *Rha*: seque *Buda* apud *Vngaros* in *bibliotheca Matthei Regis Græce ac vetustis admodum characteribus conscriptam Ptolomæi Geographiam* vidisse, in qua non *Ῥα*, vt interpretes vertit, sed *Ῥὰς ποταμὸς* legatur. Idem *Sigemundus* miræ in illius Sarmatæ libello rei fidem mihi fecit, & iuxta persuasit, non esse *Ryphaeos*, non esse *Hyperboreos montes*. quod ob id facile mihi accidit, quod *Moscorum idiomata*, cui conuenit plurimum ea lingua, quam *Illyrici* & quidam in *Carnis*, cuias ille est, loquuntur, callet *Sigemundus*: ac rem, vt studiose perquisiuit, ita, linguæ commercio fretus, discere facile potuit, & falli difficulter potuit; præsertim multos diuersis in locis quum super hac re quæsitos habuerit,

ac nullas, plurimorum inter se collatas, discrepare confessiones inuenerit. Quo accedit illud, quod quum ipse *Tanais fontes* circuiuerit, ac ad *Volham* ipsum accesserit, *nullos* tamen *montes* vidit, nec in *milliaribus* iuxta *ducentis* Germanicis, circumcircum facta inquisitione, *illos esse* audiuit. quum hoc *Moscus*, si *vspiam* aliqui essent, latere non posset, vt qui latissime diuagantur, ac breui tempore maxima statim itinera perficiunt, & ita *amplum* sit *Mosco Imperium*, vt maximam intra hoc illorum montium partem concludi oportuerit. Certe iureiurando adfirmat, in *regia Mosci*, vbi multa comperta in commentarios digessit, nihil sciri, sed omnes dicere, *friuola esse, & conficta, qua his de montibus & opinentur homines, & prodiderint veteres.* Omnes enim *illas regiones* esse *planas*, neque vsquam *montes* occurrere, quantumcunque late in *Septemtrionem* quis exspatietur:
nisi

nisi, quos ipse quoque vidit, *bumiles quosdam colliculos*, in montium numero ponere quis velit. Quod me audientem, attonitum prope reddidit: *rem adeo hominum opinioni infixam, adeo praeclarissimorum virorum literis decantatam, in fabulas abire, in nugas, & nullam penitus esse, aut si fuerit desiisse.* Tu, cui vacat, utpote ab aula libero, a negotiis soluto, aceruos librorum inuade, & excute, ac illos nobis *Rypheos*, illos *Hyperboreos montes* inquire. Accessit me heri, *Basilea* veniens, non visus ante, *OECOLAMPADIVS*, *dentatus Theologus*: cuius dentibus, trium linguarum scripturas avidius ruminantibus, edentuli illi inuident. dixit, *Erasmum ad Brabantinos suos rediisse. meum Neminem in officina Frobeniana denuo excusum typis.* O peruerse officiosos calcographos istos, temerarium genus hominum! iam *Gallias* peruagabuntur, & *ulcerosis illis Theologis*, ac

ad omnem facile contactum offendi solitis,
 obiiicientur *nuga*. Male consultum
 erit Hutteno. heu mihi! perii, au-
 ctum est! iam in articulos istud mi-
 hi redit negotium. tanti constiterit
 hoc nugari! consule in medium Bi-
 libalde. Amico opus est, consulto-
 re opus. *Eckius* proscidit *Carlstadtum*,
ciuem meum, *probum Theologum*. ei-
 dem cum LVTHERO bellum est:
Luthero cum multis. *En viros Theolo-*
gos, *impactis mutuo genuinis se concer-*
pentes. Multa *Erasmum* monet *Eckius*.
 ad quod ille, quid faceret aliud enim?
Erasmum præstat. Nudius tertius al-
 vum mihi duxerunt Medici. *is cura-*
tioni huic colophon imponitur. postea
 enim aer admittitur: & vinum, sed
 non nisi valde dilutum, sumitur; lar-
 giusque prandium apponitur. quam-
 quam aliquantum adhuc intra eden-
 di auiditatis terminos continemur;
 ne quis vberius se pascat. *Oecolampa-*
dus salutare te iussit. credo, concio-

naturem aget hic. GUILIELMVS
 BVDAEVVS, nobilium in Gallia doctissi-
 mus, doctorum nobilissimus, Adnota-
 tiones in Pandectas prosequitur. Ex-
 filuigaudio, reintellecta. Ecce tibi
 duos eadem tempestate Hercules, im-
 manissimarum profligatores pestium, ἡγή-
 ως εἰπεῖν, τρεῖς ἀλεξικάκους, Budaum & E-
 rasnum: inter quos, omnia prius
 commifero, comparisonem quam mo-
 liriaufus fuero. Debellauit ille Ac-
 cursii in Gallia posteritatem, & omne ra-
 dicitus extirpauit Bartolistarum ge-
 nus: hic Theologia fumum obicientes bar-
 baros, facto impetu, oppressit: &
 sacris litteris diem reddidit, lucem in-
 dexit. Adde FABRVM, qui Philoso-
 phiam exquisitè fabrefecit, illustrato A-
 ristotele. Adde COPVM & RVEL-
 LIVM: huius Dioscorides, illius Gale-
 nus est. o seculum! o litteræ! iuuat
 viuere: etsi quiescere nondum iuuat,
 Bilibalde! vigent studia, florent inge-
 nia! Heus tu, accipe laqueum barba-
 ries,

60 VLR. DE HVTTEN EPISTOLA.

ries, exsilium prospice! Atque hæc-
 nus profluxerit *Epistola* huius *volumen*.
 quod idcirco in longius excreuit,
 quod nescis, quantum cupiam, abste-
 longissimas accipere litteras. quod
 fac, vt adsequar: tuosque meo no-
 mine saluta ciues; eos primum, qui-
 buscum notitia mihi intercedit, dein-
 de πάντας ὅσους ἄξιον. ac ipse vale, &
 vt mereris, vale: mereris autem o-
 ptime. Augustæ, VIII Calend. No-
 vembr. Anno cīō ιϞviii.

τέλος.

LACO-

IACOBI BURCKHARD
DE
VLR. DE HVTTEN
OMNIBVS
BELLI AC TOGAE
INGENII ET STVDIORVM
DOTIBVS
EMINENTISSIMI
INTER GERMANOS
SAECVLI SVI
EQVITIS
FATIS AC MERITIS
COMMENTARIVS.

M. T. Cicero
Orat. pro Publ. Sextio Cap. IX.

*Omnes boni semper nobilitati fauerunt ;
& quia vtile est reipubl. nobiles homines
esse dignos Maioribus suis , & quia va-
let apud eos clarorum hominum & bene de
republ. meritorum memoria, etiam mor-
tuorum.*



DE
VLRICHI HUTTENI
VITA
COMMENTARIUS.



VLRICHS DE HUT-
TEN ab origine antiquis-
sima Franconica stirpis anno
CIO CCCCLXXXVIII
generatus (a), ut

a Maioribus acceptam equestrem di-
gni-

(a) in gentilitia arce Steckelbergk, quam modo specu-
lam, modo propugnaculum Huttenicum appellare
consueuerat, XX, vel XXI, ut alii adfirmant, A-
prilis die. Quod natale suum solum hisce versu-
bus, qui initio Epigrammatum ipsius inueniun-
tur, descripsit Huttenus:

*Francia cui patria est, gelidam porrecta sub Ar-
don,*

*Hercyniumque nemus; qua visifer exit in amnem
Mogus, Rhene, tuum; qua Fagina silua feroces
Francorum populos vicino dirimit Hesso.*

gnitatem cum laude obtineret, & *belli & pacis artibus* Romano more inferuire prudenter in omni vita sua instituit. quæ cura id adsecutus est, vt dignissimus hodieque censeatur, qui in *Virorum Militia æque ac Scriptis illustrium* numerum merito suo referatur (b). Quamquam enim esse aliquid existimauit, se *inter Francos natum educatumque esse*, qui multis continuis annis in *disciplina militari principatum* tum tenuerint, & quorum ritus reliqui Germani sint imitati (c): & quamquam compluribus istis *Maiorum suorum imaginibus* magnopere gauisus est; quandoquidem familia ortus fuerat, quæ, non minima Francorum nationis pars, iam tum *annis retro sexcentis sua decora, sua de*
repu-

(b) in eorum numerum relatus omnino etiam est a celeb. *Menckenio* in *Dissert. de Viris Militia æque ac Scriptis illustrib.* p. 45, seq. quæ *Lips.* prod. an. 1708.

(c) gloriatur talia in *Oratione II in Vlricum Wirtemberg. Duc. L. I, b.* in rei documentum *adagium* profereis, quod iam tum, quoties aut in *equestri apparatu*, aut *armorum habitu* ab antiquo aliquid repetitum fuerit, usurpatum scribit; dum id *vetus Francorum* sit appellatum. Aliud porro in ore hominum usurpatum tum esse, ait, diuerbium, *Omne Franco nobilis.*

republica merita ostentare poterat; & quæ ipsius Vlrichi ætate *triginta* producere poterat *Equites*, quorum nullus non Cæsari *Maximiliano* militauerat (d). tamen præclare simul cognitum habuit, non tam referre, unde quis natus esset, quam qui *existeret*: explore præterea statuit, *virtute*, sola ista & vnica nobilitate, *decere*, non sanguine, *uti*. Quando etiam a puero persuasissimum sibi habuit, *eiusmodi statuas relinquendas esse*, quæ virtutis potius huius, quam quæ stature corporis forent *monimenta*; *litteras*, præstantissimas vitæ ac ipsius virtutis magistras, summa cura ac diligentia numquam non complexus est. Etenim singulari in eo vsus Huttenus est felicitate, quod pueritia ipsius in tempus incidit, quo doctrinarum studia a contemptu vindicari, lætisque vbiq; euehi cœperant auspiciis. Quod id in *Germania* etiam contigerit, ipsi Hutteno quam maxime a posteritate deberi,

E ex

(d) vid. Orat. cit. it. Orat. III in eumd. Ducem, N. I, b. & Parens Vlrichus Cæsari contra *Turcos* militauerat. de antiquissimæ huius ac illustris Familiz *Genealogia* consulatur *Lexicon Historicum Germ.* quod produit cum præfatione summe reuerendi *Buddii*.

ex sequentibus patefiet, spero. illorum certe, apparebit, exstitisse Huttenum numero, qui *Germania nobilitatem ad studia diligenter adhortatus*, ostenderit, si quem hominum ordinem hæc maxime decerent, *nobilitatem omnino ea decere*; quippe quæ, quo reliquis ordinibus præstantior videretur, eo & maiori virtute ac scientia iis deberet antecellere. id quod satis dilucide etiam in præmissa ad *Pirckheimerum* Epistola edocuit.

Talia quum ab ineunte pueritia statuerit Huttenus, egregia ac diuina plane indole præditus, quid mirum, tam fortem, tam animosum, tam literatum euasisse eum Equitem, ut *Germania paucissimos* forsan ei pares, superiorem vero habuerit adhuc neminem? XI annorum puer in *monasterium Fuldense*, quo superioribus temporibus in cuncta *Germania celebrius nullum*, fuit, *Rabani* in primis & *Strabi* doctissimorum, ut tum erant tempora, *Abbatum* claritate olim illustratum (e), *disciplina*
magis

(e) vid. Io. Launoii de Scholis celebrioribus seu a Carolo M. seu post eundem Carolum per Occidentem instauratis Lib. Paris. an. 1672, 8, ed. cap. VII.

VITA COMMENTARIUS. 67

magis quam religionis causa ab suis missus est (f). In hanc quum splendida oblata conditione traditurus esset monasterii Abbas Huttenum, *Eitelwolfus de Lapide*, *Equus Suevus*, cuius infra verbosior mentio iniicienda erit, id impediuit; Abbati sedulo id agenti obiciens, *Tunc hoc ingenium perderes* (g)? *Fuldanum contubernium* quum eruditissimi *Croti Rubiani*, quo cum a primis vsque annis consuetudo *Hutteno* singularis fuit, hortatu reliquisset, *Coloniā Agrippinā* ad optimarum artium & litterarum studia percolenda profectum eum esse, legimus (h). vnde barbaries ab *Herm. Buschio*, *Io. Casario* & aliis, *Hermanni Nuenarii*, *Comitis*, summa ætatis istius *Mæcenatis*, auspiciis, vix cœpta erat exterminari. Quæ tamen contra veram ac liberalem eruditionem tam pertinaciter adhuc repugnauerat, vt a *Coloniensibus Theologis subtilis etiamnum*,

E 2

Scotus

(f) vt *Ioach. Camerarius* adfirmat in *Vita Phil. Melanchthonis* p. m. 93.

(g) ipse *Huttenus* id narrat in epist. ad *Iac. Fuchs*, *Bamberg. & Herbipol. Ecclesiar. Canonicum*, *Orationibus* in *Wirtemberg. D. præf.*

(h) in *Camerarii Vita Melanchthonis* c. l.

Scotus iactaretur, Seraphicus Bonaventura, bis sanctus Thomas, vnice magnus Albertus, ac irrefragabiles Doctores alii: isti Huttenum & reliquos suæ disciplinæ alumnos syllogismis fulminare, ac si quando prouocarint, alacriter congregari, opponere, adsumere, respondere, conclusiones sustinere bis triginta nonnumquam, docere perseverabant (i). Quæ videlicet vnica cura per bene multa sæcula adhuc fuerat, in quam Scholastici isti doctores incumbentes, in tot adolescentibus meliorem ingenii spem atque frugem in tenerioribus annis, velut in herba enecauerant (k). At Huttenus inter illos tum erat, quos æquus amat Jupiter, & quos præclara indoles atque erectum ingenium per medios vepres ac dumeta ad planiorem ducebat viam: siquidem mature intelligebat, nihil prodesse scholasticas istas, tot viis, tam diuersis inter se opinionibus concinnatas disceptationes: per quas prodigiosos istos titulos adhuc adfectassent doctorculi. Hi enim,

(i) edocet nos ea Huttenus in epistola ad *Crotum Rubianum* *Nemini* præf. pag. 8. edit. *Leydens*.

(k) grauius de ista calamitate, ex qua eruditio tantâ accepit detrimenta, conquestus sua ætate est *Rod. Agricola* in ep. ad *Iacob. Barbirianum*, pag. 194. Op. P. II.

VITA COMMENTARIUS. 69

enim, dum antiquos istos & recte doctos auctores neglexerant, in eiusmodi nugamentis versati, & in scripturarum sordibus, non secus ac in luto scarabeus, delectati videbantur Hutteno (l).

Colonia circa annum VI sæculi XVI in academiam, quam Ioachimus Elector Brandenburg. laudati paullo ante Eitelwolff de Lapide consilio Francofurti ad Viadrum ipso isto tempore instituerat, commigravit noster: ubi doctoribus industriam suam, tantopere statim probabat, ut dignus ab iis diiudicaretur, qui duodevicesimo ætatis anno liberalium artium magistri condecoraretur insignibus; idque omnium primo, qui in academia ista celebratus est, promotionis actu (m). Anno eiusdem sæculi IX in Italia versatum esse Huttenum, Maximiliani Imperatoris castra secutum, ex epigrammate hoc, quod de se in Patauina obsidione confecit, colligere posse ego mihi videor (n):

E 3

Erra-

(l) vid. cit. Hutteni præfat. Nemini præm. p. 21.

(m) Melch. Adamus id confirmat Vit. Iureconf. p. 13.

(n) difficili certe obsidione commemorato anno clausit Patavium Imperator: vid. Petri Bembi Historia Veneta lib. IX, p. m. 370. & Guicciardini Histor. lib. VIII, p. m. 789.

*Erraram a castris ad clausam Antenoris vr-
bem,*

*Continuo flamma missilibusque petor,
Certe equidem fateor, timui: nec vt ante
mouebam*

*Inuidiam lingua, sed bona verba dedi,
Parcite, qui Pataui muros arcemque tene-
tis,*

*In me vulnifica mittere tela manu,
Parcite, me, Veneti, ferro disperdere &
igni,*

*Ne de tot pessum millibus vnus eam.
Non ea fortuna est, vt nunc ego vique ma-
nuque*

*Horrida commoti Caesaris arma sequar.
Huc me sola trahit vestri admiratio regni,*

*Noscere vos cupio, perdere non cupio.
Vt videam, veni, non veni euertere bello
Altini sedes, Euganeasque domos.*

*Alter ab Arcto a vobis furor imminet Alpe,
Germanum peditem ducit Iberus eques.
Has ruite in vires, nam que tum gloria par-
ta est,*

*Si de tot pessum millibus vnus eam?
Nulla hostem mouere preces, mihi terga rela-
pso*

Hen quam diffiili consulere fuga!

Vt

VITA COMMENTARIUS. 71

*Vt casome nullus honor fuit, baudita vobis
Pulchrum est me claudos eripuisse pe-
des (o).*

*Dicebam & fessus media inter millia cursu,
Tutus in effosso delitui tumulo.*

*Penuria viatici militare se coactum esse,
vltro Pirckheimero, vt cognouimus, pro-
fessus est. Quintamen mox, redux in
Germaniam factus, cum Musis in gratiam
redierit Huttenus, egregia exquisita eius
doctrina, quæ paullo post foras dedit,
experimenta dubitare neminem sinunt.*

E 4 *Versi-*

(o) de isto pedum suorum morbo hoc etiam conque-
ritus est epigrammate:

Euganeas video turres, Antenoris urbem,

Speratum fractis effugium Venetis.

Telorum volat omne genus, defendere muros

Illi, nos contra tendimus aruere.

Nos cælum & tellus, illos sua mœnia seruant.

Spes nolis, illis propositus timor est.

Reddidit inclusos sua desperatio fortes,

*Quumque fuga vltior nulla sit, arma mo-
bent.*

*Si quis in hoc numero est, qui possit plurima, ci-
des,*

Hunc vt seruemus, me perimant Veneti.

Iam pede perlasum est, claudoque insistere talo.

Qui valet vt viuat, me perimant Veneti.

Verfificatoria præsertim Arte, quam carmine heroico Wittenbergæ conscriptam, anno 1510 XI emisit, mature inclauit (p). tanti enim ab ipsis exteris ea est æstimata, vt Robertus Stephanus typis suis exscriptam denuo emisit (q). Quo ipso carmine magis meruit Huttenus, vt inter præcoces referatur eruditos, quam illo, quod triennio ferme post edidit, Vir bonus inscriptum, & quod Melch. Adamus primum indolis specimen censuisse videtur,

(p) in calce libelli, in form. 4, excusi, hæc verba leguntur: *Apud Phacchum hospitem VVittenpurgensem idibus Februarii absolutum sinceriter citra inuidiam. Exaratum industria officiosissimi Viri VVolffgangi Menacensis Lipsæ feliciter.*

(q) *Parisiis anno 1528, 8. Prodiit etiam cum Hutteni lucubratiuncula Nemo inscr. & aliis Norimbergæ an. 1531, 8. item cum eiusdem Oper. Poeticis, coniunctim editis, de quibus infra. Lipsiæ etiam an. 1518 prodiisse Carmen istud, s. Verfific. Artem, Stichologie compendiose tit. conicio: ipsius enim sic inscripti libelli, quem non ita pridem in Catalogo quodam librorum notavi, inspiciendi copia adhuc facta mihi non est. an. 1551 vna cum Iod. VVillichii libellis aliquot ex typographia Oporini editum esse idem Hutteni Carmen, ex Bultelliana Bibliotheca Catalogo, p. 346, didici.*

tur, quod diuulgatum sit ab auctore (r). Versificatoriam istam, siue, vt prima, & alia quædam hanc infecuta editiones, præferunt, *Versificandi Artem Ioanni & Alexandro de Ostben, Pomèranis Equitibus*, eleganter scripta *Epistola* nuncupauit. quæ quum nulli, præter primam, quantum,

E 5

ego

- (r) *Adamum* cl. *Balius* in Dictionario suo securus est, vbi *Huttenum* non ante atatis annum *XXV* consilium de versibus faciendis edendisque cepisse, contra *Morerium* existimat; Carmen istud, *Vir bonus* inscriptum, & ab *Adamo* indicatum, primum tanti ingenii fatum cum hoc statuens: quod in *Operib. Poeticis* ita insignitum est: *Vlr. de Hutten, ex Equestri ordine Adolescentis, Carmen emunctissimum, mores hominum admodum iucunde complectens.* Vel sic iamèn *Huttenum* ex *precocium* numero excludendum negauit cl. *Io. Christoph VVolsius* in *Orat. de Precocibus Eruditis*, p. 20. At, si *Epigrammata* ista paullo ante a me aliata reputauerimus, *Morerium*, quando *Huttenum* duodeuicesimo atatis sue anno carmina edere cepisse, statuit, vix vllius erroris insimulari posse, *Adamum* potius atque *Balius*, ex ipso emendandos esse, reperiemus. Quid quæris? *Eob. Hessus* in *Epicedio*, quod *Hutteno* confecit, p. 298 Op. hunc ita loquentem inducit:

Paruus adhuc primaque notans lanugine malas,

Musarum certo numine plenus eram.

Talia concinui iuuenilis carmine plectro,

Qualia permulti non potuerunt senes.

ego scio, adiecta sit *editioni*, bonique
præterea *plena sit consilii*, non possum,
quin integram inferam; vt cognoscat
ex ea Lector, quibus *doctrinis* & ipse Hut-
tenus *adolescētiā impertiuerit* suam, & vt
alii suam quoque impertirent, suaferit.

*Ioanni & Alexandro de Ostben
ex Equestri familia
Adolescentibus studiosissimis
Salutem D.
Ulrichus Huttenus.*

*Ego numquam in vobis, optimi Iuvenes,
neque generis antiquitatem admiratus sum; qua
estis satis præstantes: neque diuitias; quibus e-
stis florentissimi: sed quod rarissime in nostro
ordine contingit, in bonas artes studium
incredibile: & ingenia ad hoc supra modum a-
cria. Quod quum mihi iam pridem in vobis
perspectum esset, & ego iucundissima vestra con-
suetudine istuc inuitarer: volui aliquo interea
vos honore prosequi; quoad liceret vobis per vos
ipsos claris fieri. Quod ego procul dubio futu-
rum censeo. Nam vos profecto ex hoc albo estis:
id est eorum numero, qui sibi famam & decus
nominis apud posteritatem comparare possunt.
Vnde*

Vnde eos longe sua fallit opinio, qui vos contemptui habent, propterea, quod me meique similes studiosissime sectamini. Dum enim se ad altiora (ut ipsi aiunt) studia conferunt, ea negligunt, sine quibus esse studiosi minime possunt. Sed venientur illi per mare, piscantur per aerem, volunt sine pennis: vos (ut decretum est) iis litteris operam date, sine quibus nihil percipi potest: ut tandem in Iure Ciuili, & Pontificio (eo namque tenditis) edocti, vobis emolumento, & patriae atque amicis honoris esse possitis. Hoc autem Carmen Scholasticum raptim (ut volebatis) a me compositum, eo animo accipite, quo ego illud offero; & muneris paruitatem donantis beneuolentia rependite. Neque per aetatem erubui hac ad vos scribere: estis namque tam noui lectores, quam ego Poeta. Valete & Trebelium Notianum, vestrum optimum praeceptorem, amate, meque vel diligite. Ex Wittemburgo pridie Kalendas Ianuarii Nouo incun- te Anno post millesimum & quingentesimum undecimo (s).

Quod

(s) Iuuentutem ipsius Carminis principio ita allocutus est Huttenus:

*Quis modus, & quae sint seruanda in carmine,
leges,*

Et quo quaque suum distendat syllaba tempus,

Lit.

Quod his nobili genere natis Adoleſcentibus epiſtola hac ſuaſit Huttenus, & quod ipſe a paruulo faciendum ſibi decreuerat, id ſingulis, qui ingenuo eſſent animo ac recte libero, agendum cenſuit (t); vt omnia videlicet mallent, quam vulgi inferuire iudicio: licet ob id, quod boni eſſe ſtuderent, eiſdem vulgi opinione, nihil eſſent, ac propterea, quod recte aliquid ſcire cuperent, nihil ſcirent. Quid? quod in grauem ſatis ipſius parentis ſui Vlrichi iram incurrerat Huttenus adoleſcens ex eo, quod liberalioribus atque ingenuis ſtudium ſuum deuouerat doct̃rinis: quæ parenti, vtrum captus hominum erat, mere videbantur nuge. Enimuero licet non ægre ferret, parens

*Littera quas vires habeat, quoque ordine mutet,
Omnia diſcutiam paucis, huc, lata iuuentus,
Verte animi votum, ſitibundasque imbue fauces.
Non quia præterea ſcriptum nihil utile dicam,
Sed quia munus habes, animo gratante proſe-
ctum.*

*Improbet iſta licet, cui mentem inſana libido
Carpendi ſtudio vexat, mihi fama trahatur
Inque dies mihi perſet bonos, mihi gloria ſur-
gat.*

Qui velit, inuident, ſequæ hoc mærore fatiget.

(t) in præfat. Nomini præm. p. 27.

parens, lætaretur potius, quod filius *Euldano monasterio* excessisset, in quo eum tot annos contriuisse dolebat; præsertim quum præsenferat, numquam *bonum cœnobitam* præstaturum se fuisse natum: & licet laudibus, quibus hunc ab omnibus exornari audiebat, mirum in modum pasceretur; omnes enim *amare filium*, omnes *plurimum ei tribuere*, omnes *magram in eum spem ponere*, cognoscebat. sed tamen & *filium studiumque*, cui dare hic se perseverabat, ita aperte *damnabat*, ut vix *vnus assis* eum haberet. Quum vero etiam, *detonsos patres filii* desiderium vix ferre animaduerneret, circumspecto sermone satisfacere iis simul contendebat, iureiurando subinde adfirmans, *gnatum suum ultro in cucullum reuersurum* (tt): quod si autem

(tt) colligere quidem forsitan quis hinc posset, *Huttenum sacros initio ordines amplexatum, desertorem horum deinceps existisse*: id quod *Varillas* in *Histor. Hæres.* probare contendit, cuius adfirmatio non ita falsa *cl. Balio* visa est: verum præterquam quod intelleximus, *Eitelw. de Lapide liberale Huttenii ingenium mature a seruitute vindicasse*; ipse *Huttenus* in *Excusatione* quadam, patrio sermone conscripta, cuius alibi mentio a me fiet, docuit,

tantum

tem obtemperaturus non esset, *paternum se ei animum renunciaturum*, spondebat. prorsus alia interea spectabat, id moliens, ut *Vlrichum suum extolleret*; quippe qui *forenses Rabulam, Hutorum genti profuturum, peruerso maleque presidibus patribus audituro monacho præoptabat*. Hæc *Crotas Rubianus*, cuius potissimum hortatu *Fuldanum contubernium reliquisse Vlrichum*, cognouimus, pro singulari, quo hunc prosequeretur, amore, per epistolam amanter ad ipsum scriptam enuntiavit; callide prius parentis voluntatem expiscatus; (u). Qua epistola amice simul eum monuit, ut cum patre in gratiam rediret, huiusque consilium secreto, vel coram vel per amicos, porro introspiceret: quod si conditio a parente lata displicuerit, *totum ipsi patere mundum*. quodlibet enim facere per se licere, confirmabat *Rubianus*, si consilium eius-

tantum abfuisse, ut, postquam Monasticam vitam perspexerit, deuouere se huic potuerit, ut se in alio Vita genere facilius Deo ac hominibus probare se posse, persuasum sibi habuerit.

(u) reperitur epistola ista *Montamentorum Pietatis & Litterar.* Francof. an. 1701, 4, editor, P. II, pag. 3. scripta est III Non. Febr. an. 1511.

VITA COMMENTARIUS. 79

eiusmodi imprudens ei videretur, auctorem tamen porro se eitunc esse, ut scriberet, quod *Pomponius Latus* in patriam reuocatus *Roma* rescripserit: qui non probans suorum voluntatem, sic responderit: *Pomponius Latus propinquis & amicis salutem. Quod petitis fieri non potest. Valete.* Quam quidem a magno animo profectam vocem *Hutteno*, similis studii iuueni, ne utiquam spernendam censebat *Rubianus*, vir litterarum e squalore tum emergentium, quarum grauissimum vindicem futurum *Huttenum* præuidebat, longe cupidissimus. Nec vero spreuisse *Huttenum* istam *Pomp. Lati* vocem, perspicuum deinceps faciam. nam perpetuo ingenii sui indoli in colendis litteris obsecutum eum esse, intelligemus; animum fortasse suum *Fr. Petrarche* etiam exemplo erigentem, quem eandem a parente suo fortunam passum esse, accepimus. Is enim, quum ad eloquentiæ atque poeticæ artis studia persequenda natura itidem ferretur, celebrareturque iam idcirco laude haud mediocri: tantum aberat, ut hæc patri grata esset, ut excandescens ira *Bonomiam*, ubi filius studiorum causa commorabatur,

tur, peteret, dirisque hoc increpato vobis, diceret: *Quid tibi cum Cicerone, cum Virgilio, cum scriptoribus historiarum & poetis omnibus, quum ad consequendas opes non valeant; sed fabellæ sint atque somnia? Iuri, iuri civili studeas velim, hoc amplissimos tibi honores pariet, hoc fructus tibi adferret vberrimos. Accendi tum iussisse patrem ignem, quo Ciceronis poetarumque libros, vnicas filii delicias atque amores, cremauerit, pluribus nihil attinet enarrare verbis (x). Ad Huttenum potius reuertendum est.*

An hic amicisfimi Rubiani consilium, secutus, parentis voluntatem coram exquisiuerit, & in gratiam cum eo redierit; cuius velut irati sibi conspectum aliquamdiu fugerat, & extorris quasi nusquam stabilem certamque adhuc habuerat habitationem (y); quum nigrican-

(x) vid. *Vita Fr. Petrarce* per Hieron. Squarzasichum scripta, & cum aliis monumentis ad *Petrarchæ vitam* pertinentibus a clarissimo *Ackero, Rudolstadt* an. 1711, 8, denuo edita, p. 32.

(y) anno 1511 rumor narrabat parenti, *natum in Brunonis vrbe spoliatum viuere*, postquam diu nesciverant, & parens & amici, quibus terrarum oris is iactaretur, vid. *Rubiani epistola* paullo ante citata.

res præterea, vt Rubianus eos appellat, *sodales infensos sibi nouerat*, quod amicitia ac victus ipsorum repudiauerat consuetudinem, equidem nescio. *Parentis consilium* prodiderat Hutteno suo Rubianus: illum id nempe egisse, indicauerat, vt, si hic redierit *ad Iurisprudentiam sese applicaturus, in Italiam ad forensibus causis mirabiliter nobilitatum causidicum quemdam, ex Huttenorum familia oriundum, ablegaretur.* ablegatum eum tum esse, vt credam, multa sunt, quibus inducor; ipsius inprimis Hutteni *epistola* quadam, *ex Italia ad Phachum, Wittebergæ, ni fallor, commemorantem missa* (2). Vtrum vero parentis voluntati obtemperaturus noster, *Iurisprudentiæ* totum se dederit *in Italia*, est, quod valde dubito. ingenii potius indoli obsequi eum perseuerasse, infra audiemus, quum de tertia ipsius in Italiam profectio mentio erit facienda: de qua tempus, quo suscepta sit, eo liquidius definiri poterit; quo plures ab eo

F

mis-

(2) licet annus, quo data, adscriptus non sit. inueniet eam Lector, vbi *Rubiani* epistolam reperiri, indicaui, *Monumentor. scil. Pict. & Litter. P. II.* pag. 9.

missæ tum inde in Germaniam supersunt
epistolæ. Ad *alteram profectiorem* quod at-
tinet, hanc in *XII* siue *XIII* sæculi *annum*
referendam existimo. Singula de reli-
quo itinera in Italiam, ornatissimum,
illud ac omnibus ad doctrinas subleuan-
das subsidiis refertum domicilium, sum-
ma voluntate iniisse, ac egregia animi
alacritate Alpes transiisse Huttenum, o-
pinor. ynde Patronum suum *Eitelwolsen*
de Lapide, ac omnes pæne populares,
quorum eruditionem suspexerat adhuc
& æmulari studuerat, optimarum artium
studiis instructos reuersos esse; non i-
gnorabat. Ea enim regio fuit *Italia*, ex
qua *humanitatis lux* pluribus populis orta latius
per centum iam circiter annos generis mortalium
bono tum fulserat (a). Verum nec tum,
quum Italiam iterum intrasset, secunda
admodum vsum esse Huttenum fortuna,
ex ista ad *Phachum* data epistola patet (b);
Adbuc Vulcanum, queritur ea, *amulor*, *ve-*
rum

(a) ita *Italiam* laudauit *Io. Caselius* ep, ad *Io. Reccium*,
an. 1605 scr. B. I, a.

(b) eundem *Phachum* esse puto, in cuius ædibus
Versificandi artem absoluisse Huttenum, supra co-
gnouimus.

rum aliquanto miserabilius, quam nuper; nescio, an fortune hoc potius, quam temeritati meæ adscribam: quod mihi in tenera ætate nullis malis subeundis peperci (c). Gratulor tamen mihi, quod bonas litteras sequendo, ea, quæ minime querebam, inuenerim. - - - Libet paululum de me scribere: in umbilico Mensis Aprilis Papiam Insubrorum urbem intraui: ibi quum ex instituto legibus operam darem, quarto mense, postquam intraueram, a Gallorum militibus, qui armati urbem aduersus Heluetios tenebant, tres dies integros, quamquam etiam febre laborans, in angustissimo recessu domus obsessus sum, certusque mori hoc mihi Epitaphium feci, & scriptum apposui.

Qui misere natus miserabile transiit æuum,
Sæpe malum terra, sæpeque passus a-
qua,

Hic iacet Huttenus, Galli nil tale merenti,
In fontem gladiis eripuerunt animam.

Si fuit ex fato, ut toros male uiueret an-
nos,

Optatum est, quod tam corruit ille cito.

F 2

Ipse

(c) pedum morbum, quo iam tum, quum in obsidione Patavina interfuisset, laborauisse Huttenum, antea intelleximus, heic innui, censeo.

*Ipse suas coluit per mille pericula Musas,
Et quanti potuit carminis auctor e-
rat (d).*

*Paullo post, capta ab Heluetiis vrbe, tamquam
qui castra Gallorum sequi solitus essem, ipse
quoque captus sum, spoliatus & miserabiliter
hinc inde pertractus, donec tandem, amissis
quibusdam bonis & pecuniis liberatus (e). Igi-
tur hinc soluens, deserta vrbe omne genus tur-
bis*

(d) Posteriores versus mutati paullulum in libro *Epi-
grammatum* leguntur, tribus præterea adiectis *di-
stichis*, in hunc modum:

*Si fuit hoc fatum vita torquerier omni,
Censendum est, recte procubuisse cito.*

*Vixi equidem Musis; animum coluique per artes:
Sed reor, irato me studuisse Deo.*

*Mens erat arma sequi, & Venetum sub Casare
bellum.*

*Verum alio bello concidi, & hoste alio.
Pauperiem, morbos, spoliū, frigusque, fa-
memque,*

*Vita omni, & quæ sunt asperiora, tuli.
Recte actum, cecidi iuuenis miser, & miser exul:
Ne maiora feram, ne videarque meis.*

(e) Heluetios an. 1511 Papiam ingressos, omnes
Gallos atque Germanos, qui pontem non transie-
rant, vel occidisse, vel cepisse, Guicciardinus lib.
X Histor. p. m. 1041. refert. vnde potissimum col-
ligo, hunc ipsum annum esse, quo Huttenus no-
ster in discrimine isto sit versatus.

bis occupata, sanguine, fame & pestilentia infecta, Bononiam mense Iulio petii. Bononiam inquam, illud pulcherrimum, doctissimorum virorum conuenticulum - - - . Vale & te cura, me nunc Medicus. Vale iterum, XII Cal. Sept. Bononia breuiter ex more & familiariter.

Quum in Italia ageret Huttenus, fuerunt, qui *Epigrammata*, ab ipso adhuc confecta, inuito eo, & ne suspicante id quidem, diuulgarunt: magnam enim illorum partem olim descripserant. Quod ubi in Germaniam rediens compertit, & *Epigrammata* hæc sua in multorum manibus haberi vidit, corrupta illa, & vt raptim quodque ac ipsa adhuc incude feruens collectum fuerat, reuista ac emendatiora edenda denuo decreuit (f). Quæ vt *Imperatori Maximiliano nuncuparet*, ab iis, qui in aula huius studio ipsius tenebantur, persuaderi si-

F 3

bi

(f) primam istam *Epigrammatum* editionem, quæ mea opinione an. 1514 lucem adspexit, non vidi, vidi tantum ea inter *Opera Poetica* coniunctim *Francos.* an. 1538. 8, edita; inter quæ primum locum occupant, hisce in fine adiectis verbis:

Ad Cesarem Imperatorem Maximilianum Epigrammatum finis.

bi passus est; utpote qui efflagitauerant aliquid ab ipso, quod *cum Cæsaris laude* ederetur; sic enim fore, ut huic innotesceret. Ipsum Cæsarem sic in dedicatione, præmissis ac subiectis quibusdam, allocutus est: *Iam alio opere, & magis accurato illo forte, tuis occurrere virtutibus decerni. Interea hac habe; quæ si non admodum probes, legas tamen, aut non legas etiam, saltem habeas. Sunt Epigrammata varia, diuersis locis ac temporibus in tuas scilicet victorias, aut ut quodque obiectum est, quod vel ipse vidi, quibusdam enim interfui; vel aliorum relatione gestum cognoui. Quam rem, si accuratius paullo retulissem in litteras, contemnere nemo potuit, nunc istam in dubios cumentus, & ambigua sorte, aleam iacio, pro te interim vouens, ut diutissime nobis imperes, & incolumis persistas.*

Magnam de ingenio suo opinionem, quam Epigrammatis his, & commemorata in primis Arte Versificandi atque Carmine Vir bonus inscripto, concitauerat Huttenus, non præclare modo tuebatur, verum vincere etiam videbatur *Panegyrico illo, quem in Exceptionem Moguntinam Alberti, Moguntinensis & Magdebur-*

deburgensis Ecclesiarum Archiepiscopi, heroico
 itidem carmine, anno, ni fallor,
 CIO IO XIV conscriptum, edidit, *Eitelwol-*
fo de Lapide, *Magistro Curie & Ciuitatis Mo-*
guntinae Praefecto, sapius iam laudato, quo
 monitore confecerat Carmen, dedica-
 tum. Hoc licet *effusum* magis adfirmet,
 auctor, quam scriptum, breui saltem
 temporis spatio minusque prospera fortuna
 ideo compositum, ut *aqu* alium ingenia ad
 scribendum excitaret: *erectiorem* tamen ipsum
 in hoc fuisse, censent eruditi, quam in re-
 liquis suis poematis (g): qui miro

F 4

con-

- (g) vid. Ol. Borrichius *Dissertat. de Poetis Latinis*, p.
 131, n. 158. Baillet *Jugemens de Sauans* T. IV,
 P. 3, n. MCC LV. add. Melch. Adamus c. l. O-
 mnium *prima*, quantum ego quidem scio, *Pane-*
gyrici istius editio prodiit *Tubingæ* apud *Thomam*
Anshelmum Badensem, mense *Februario* an. 1515,
 4. qui *Operib. Poet.* deinde adiectus est. An. 1533
 vna cum *Georg. Sabini Descriptione Reditus Ioachimi*
II Marchionis Brandenb. depulsis Turcis, *Witteber-*
gæ in 4 editus est, luculenta ista dedicatione o-
 missa: *Sabinus* in præfatione, quam præmisit, de
 eodem hoc *Hutteni Panegyrico* ita iudicauit: *Vide-*
tur autem mihi Huttenus plurimum ingenio valuisse, id
quod in hoc Carmine perspicitur. Mirò enim con-
 silio in *vnus Principis pompa* omnes *veterum Germano-*

THM

consilio ac arte omnes veterum Germanorum, horumque Imperatorum res gestas atque Germania regiones eo complexus, satis ostenderit, quantum ingenio valuerit. Quando autem æqualium ingenia hoc suo Panegyrico ad scribendum excitaturum se speravit Huttenus, quærens: Quotusquisque erit, quem visis his non iuuabit statim scribere meliora? Et sunt fortasse, qui poterunt, multi: me autem sic vinci non pigebit: temporum istorum non ita gnarus interrogare forsitan posset: an tum, quum talia scriberet Huttenus, & quum litte-
ræ

rum atque Imperatorum nostrorum res gestas complectitur. Et sicut Homerus in Catalogo nauium, totius Græciæ quasi quamdam *Χωρογραφίαν* pingit, ita Huttenus aptissime describit omnes Germania partes, regiones, gentes, flumina. Hanc rationem explicandi ornatus. Et quasi æconomiam non sine voluptate spectari a doctis arbitror. Et addidit sonum rebus tantis convenientem, Et grande genus versuum, in quo etsi desiderare aliquid critici fortasse queant, Et in ipso quedam atas suauiora reddidisset, tamen nemo tam iniquus censor fuerit, quin fateri cogatur, multa in hoc carmine egregia lumina esse verborum ac sententiarum. Continetur quoque Panegyricus hic Tom. III Oration. Et Elegiar. funebr. a Sim. Schardio coll. Francof. ad Mæn. 1567, 8, ed. p. 83, b. seqq. verum omissa itidem dedicatione.

ræ oculos vix tollere cœpissent in Ger-
 mania, hæc plures Hutteni similes habuit
 Poetas? Is igitur, qui ita interrogaue-
 rit, sciat velim, floruisse eo tempore,
Rudolph. Langium, Io. Murmelium, Io. Rha-
gium Aesticampianum, Io. Reuchlinum, Conr.
Mutianum Rufum, Bilib. Pirckheimerum, Her-
mannum Nuenarium, Herm. Buschium, Era-
smum Roterodamum, Io. Casarium, Iac. Mon-
tanum, Herm. Torrentinum, viros, ut vario
 scientiarum genere, ita Poetica quoque,
 arte celeberrimos: sciat porro, Eobanum Hes-
 sum Hutteno æqualem plane fuisse, Germa-
 niæ Poetarum facile principem. qui omnes
 benignam Hutteni ingenii venam ma-
 gnopere sunt admirati, laudibus ipsius
 mirabiliter fauentes. Nec vero Ger-
 mania tales Poetas non habuit, qui Hut-
 teno ætate ita præstiterant, ut diem antea
 obierint, quam is Panegyricum istum
 suum ediderat: quorum numero erant
Rudolphus Agricola, Adolphus Occo, Alexander
Hegius, Conr. Celtes. Nam id laudis per-
 petuo debetur Poetica, ut, quum lau-
 dati hæctenus viri studere ei in Germa-
 nia cœpissent, cum melioribus simul lit.

teris ingratiam redierint: quemadmodum ex aduerso Romanis temporibus Poeticæ contemptum incredibilis rerum omnium inscitia infantiaque fuerat secuta (h). Quæ quum ita sint, quo acriore cura præstantem hanc artem excoluisse Huttenum cognoscimus, eo grauior omnino meliorum litterarum habendus est vindex.

Sequenti, id est XV sæculi istius, anno calamitosus atque funestus casus omnem Huttenam domum grauius afflixit. Hic enim annus est, quo IOANNES HVTTENVS, Ludouici filius, Vlrichi nostri propinquus, ipsa *Vlrichi Wirtemberg. Ducis manu atrociter est interemptus* (i). quæ interfectio magnas

(h) prudenter id monitum est a *Phil. Melanchthone* T. I, *Declam.* p. m. 409.

(i) in *filia Beblingensi*; Orat. IV in Wirtemberg. Ducem P. 3, b, Huttenus *Helenam* indicat, propter quam incendium istud est conflatum: ea fuit interfecit Ioannis Hutteni coniux, *Conradi Dommen filia*: quam deperierat Princeps. Eadem hanc ex ipsius Hutteni nostri scriptis fuisse & accurate nuperrime descripsit auctor *Commentar. Litter. Gall. (Memoires de Litterature)* Tom. I, P. 2. Art. XI, ostendens simul, cl. *Balium* minus vere coniecisse, *Vlrichum Ducem interfecisse Io. Huttenum*, propterea quod,

con-

gnas in Germania excitauit tragœdias, & Hutteno nostro per quatuor amplius annos commentandi dedit argumentum. Proteruum facinus ipsius *epistola*, *Nonis Maiis* memorati modo anni ex *Thermis Emisensibus* ad *Marquardum de Hatstein*, *Canonicum Moguntinum*, *Adfinem suum*, scripta, explicandum puto. qua sane perfectum acerbæ & stomachosæ *epistolæ* posteritati reliquit exemplum.

Quæ mihi horrenda nuntias, dilectissime? In quos me luctus coniicis? Quam mæroris acerbitatem imponis? Ioannem Huttenum ingentis

coniugem suam nimis huic fauere, sibi persuaserit. Facile ex eodem hoc eruditissimo auctore emendari poterunt, quæ aliter de cæde ista enarrantur, & in Auserlesenen Anmerckungen über allerhand wichtige Materien und Schrifften, Hall. 1705, III Th. 5 Anm. § 4, & in Antwortschreiben auff etliche Fragstücke eines gelehrten Edelmanns, welcher in einer Preussischen Provinz wohnt, 1710, im XII Brief. (conf. Neue Bibliothec T. I, p. 783). Vterque auctor, Vlricum Ducem Huttenum per alium interimendum curasse, statuit; quum tamen Huttenus noster & in epistola, quam integram inserui, & alibi, præsertim in Orat. I, F. I, b, adfirmarit, ab ipso Duce in filuam seductum atque interfectum esse cognatum: quod nisi ita se habuisset, Huttenus sane adfirmare id haud sustinuisset.

etis animi iuuenem a Wirtempergenſi duce , cui a patre datus comes fuerat , interemptum. Dii immortales , quam hoc eſt nouum , quam atrox nuntium ! Fieri enim potuit , vt quem adeo nuper dilexit , ſic oderit nunc , vt occidat ? Sed quid ais crudeliter , ac multis vulneribus , nihil tale meritum , incautum , inermem , proditum , interemptum , deinde in demortui quoque corpus ſeuitum , & ſuſpendio notatam innocentiffimi iuuenis vitam ? O inciuile facinus , o immenſam c lamitatem , o ineluctabile malum ! Quid huic ſini obſtabit , quo minus decernat , inuiſam celeriter vitam abrumpere ? Vtinam adeſſem , ac tam prudenter monere poſſem , quam conſolarer ami- ciſſime. Quod Dii faxint , vt incolumem inueniam. Metuo enim , ne dolore exanimatus ſit. & recorder , quam carum hunc habuerit filium , quanta ſpe ſuſpexerit. Iſte vero dolor quam merito cum illo mihi communis eſt ? noſti ſummam hominis erga me benignitatem. vidiſti , qua ſtudia mea liberalitate iuuerit. Quorum ſi nihil eſſet , quem non tangeret hac infelicis iuuenis innocentia ? iſta probitas , & a pulcherrimarum virtutum cumulo decerpta laus ? Deinde mortis genus tam nouum ? tam acerbum ? tam immane ? Ecquae igitur ſatis digna ultio , qua in illum carniſcem inuebentur omnes Hutteni ? omnes

Franci

VITA COMMENTARIVS. 93

Franci Equites? immo vero vniuersa Germania nobilitas? Hic vero quid agit nebulo? dolet ac pœnitet? an pœnitudinem non admittit tanta feritas? & ea est hominis malitia, quæ nullis conscientia stimulis obnoxia sit? Interim de Cæsare quæ spes est? egressum omnem modum scelus impunitum sinet? aut vero aliquod iustitiæ suæ documentum daturus creditur? Certe puto: quamquam interim metuo, ne quæ studiose inquirerentur, si negasset maleficus, eadem segniter puniantur, quum fateatur. Quod ad te pertinet, diligenter inuestiga, quid fiat, & quid omnes parent; ac confestim ad me perscribito. Ego interea me excrucio hic, neque magis aqua madebo, quam lacrimis. Vale.

Præter epistolam hanc, & ipsam in miserabilem Ioannis huius gentilis sui interitum Deplorationem, siue quinque foliorum Carmen, eodem anno de interitu hoc litteras Moguntia misit ad Iacobum Fuchs Eccles. Bamberg. & Herbipol. Canonicum, ad Ludouicum de Hutten interempti Patrem: ex arce Steckelbergk ad Michaellem de Sensheym Canonicum Herbipol. Quas V vehementes plenæque doloris ac iræ in Vlricum Wirtemberg. Ducem, propinqui interfectorem, Orationes sequentibus annis sunt secutæ.

de

de quibus ac reliquis scriptis, quibus in Principem inuectus, acerrime pro innocentia atque virtute trucidati gentilis propugnauit; & quæ coniunctim denique ab ipso emissa sunt, pluribus infra a me agetur. Annorum enim ordinem seruare constitui.

Idem *XV annus* graui alio vulnere Hutteni animum percussit: summi nimirum ipsius *Patroni EITELWOLFI DE LAPIDE* morte: quam citata modo ad *Iacobum Fuchs epistola* dolenter deplorauit, ita, vt egregia multa de optimo ac commemorabili virtute prædito hoc Equite memoriæ simul prodiderit: quæ relaturus essem, nisi *Melch. Adamus* ista ex eadem epistola excerpta iam dedisset (k). Talem erga Musas præbuisse se Eitelwolfum adfirmavit alibi (l) Huttenus, vt, si *Germania* plures istius similes habuisset, Equites, quin *huius incola barbari tum esse*

(k) in vita Iureconf. p. 7, seqq. ubi commemorat, Equitem hunc ex celebri a multis sæculis in *Sueuia* familia nobilium *von Stain*, vulgo *de Lapide*, oriundum fuisse.

(l) in dedicatione, qua ipsi *Panegyricum in Exceptionem Alberti* conscripserat, nuncupasse, supra ostendi.

se defuissent, haud dubitarit; futurum certe tum existimarit, ut iisdem incolis pudere se sui necesse non fuisset: inuitum plane ad ipsum hunc Patronum suum sequentia scripsisse se fassus; quæ & dolor ipsius & multorum detrimentum dicere coegerint: Vides, qui in nostrum ordinem pessimi mores inuaserint, ut, qui hos contemplatus fuerit, rectius Centauros, quam Equites Germanos dixerit: quisquis enim nunc studia litterarum bonæ indolis adolescens sequitur, eum illi statim tamquam ex sortem omnis dignitatis, ab imaginibus Maiorum suorum degenerem, ac sui dissimilem, despiciatui habent, eum rident, eum subsannant, ei medium digitum ostendunt: quo factum est, ut iam multi, qui procul dubio clarissimi euasuri erant, retro pedem contulerint, ac vulgari opinioni adhæserint. Possem nominare aliquos, & tu vidisti innumerabiles. Illos vero Centauros quotidie audimus nobis obstrepentes, & ut sunt ἡντίοι ἀγχιῶται ἐΦημερία Φεγνέοντες, se solos putant, in quos reponi debeat omnis patriæ spes ac fiducia, per se vnos omnia domi forisque gerenda esse autumant, se solos nobiles existimant, cæci mediusfidius, obtusi, & Cimmeriis tenebris hebetiores. A quorum moribus tu intelligis quantum abhorreat
meus

meus gentilis Frobinus Huttenus (II); nam quum litteras ignoret, ea, qua multi, iniuria a studiis olim distractus, ita tamen de litteris ac literatis omnibus sentit ac loquitur, ut in studiis litterarum coaluisse credas. Ea est erga omnes humanitate; ea in iuvando me benignitate ac munificentia perspectus est: Et quando non vidiſti hunc ingemifcentem, quoties in mearum calamitatum hiftoriam aliquam incidit? Quando non reprehendit illorum ſtultitiam ac ſuperbiam, qui ſe ipſos ignorant, & bonos contemnunt? Namque, ut noſti, οὐ γὰρ ἐν κεντὰύροισιν. Tu vero unus e paucis quanta felicitate coniunxiſti hæc, negotia rei militaris, & otium ſtudiū litterarum? quæ te hiftoriæ latent? quas fabulas ignoras? quæ carmina non legiſti? Prudentia vera & rerum gerendarum peritia in te notior eſt, quam ut a me prodi debeat. Talem te apud invictiſſimum Cæſarem Maximilianum præſtiſti, tali te uſus eſt Ioachimus Marchio, talis

- (II) *Dapiferi, ni fallor, in Epifcopi Herbipolit. aula munere perfunctus. Frobenio etiam illi Hutteno nomen fuit, qui in Moguntina aula Mareſchalli munus paullo poſt obiit; famæ celebritatem in ruſſicorum tumultu adſecutus: is enim erat, qui equitibus, contra ruſticos rebelles militantibus, præerat. vid. illuſtr. Seckendorf. Hiſtor. Lutheran. I, CLXIII, Add. I, x. II, IV, I.*

lis apud hunc Albertum maxima omnium nostrum utilitate, & Reipub. Moguntinae commodo haberis. Indicant item opes te tuæ, manifestat splendor, dignitas ac potentia, quæ tu omnia onus ac impedimentum otii tui appellare soles, mira & inaudita modestia. In quo enim rectius hæc cumulata videntur, quam in te? Εἰδὼ γὰρ ἀνδρὶ τ' ἐὶ δὲ καὶ διδοῖ θεός. Quid dicam, quam te inuitus deseruerit alter frater, quam cupidus alter abstraxerit? Deinde quam memorabile verbum, & omni posteritate dignum retorsisti in illum Marchum Equitem, qui quum te pro concione insolentius obiurgasset, dicens: non eam esse ætatem, ut possis iam tanta meminisse, respondisti: At tu, o senex, tantum ea in memoria habes, quæ annis quadraginta, aut paulo pluribus, acta sunt, ego vero etiam ea scio, quæ duobus aut tribus retro millibus. Ibi te extemplo circumstantium fauor ac applausus excepit, illum sua confusio operuit. Laudo igitur te, Eitelwolfe, ac nostro ordini gratulor; qui te, tanto viro, rusticitatis famam exuit: es enim exemplum multis, & iam ita me animasti, ut nondum pœniteat eorum laborum, quos annis iam decem turbulentissimis fortune tempestatibus per Germaniam simul ac Italiam,

amore litterarum exhausti; & parebo posthac libenter tuis monitis, meo etiam periculo. Quorsum enim non concedam ei, qui sic de me, sic de bonis omnibus meritus est? Quantus vir fuerit Eitchwolfus de Lapide, præconium hoc non obscure declarat. Lectorem tamen magis virtutem doctrinamque viri admiraturum spondeo, si imaginem, quam Huttenus post obitum eius expressam immortalitati consecrauit, & quam ab Adamo renouatam dixi, contemplabitur. cognoscet, Germaniam primum eum & unum habuisse equestris ordinis virum, qui cum magnarum rerum administratione litterarum studia coniunxerit; tantumque abfuisse, ut Lauream a Maximiliano Cæsare accepisse eum piguerit, ut Poeta atque Oratoris titulos laudi duxerit singulari: qui litteratos amarit, ab omnibus vicissim amatus: qui numquam non inter equitandum ex doctissimis aliquem auctori- bus secum habuerit, numquam ab Hutteno sine libris visus; siquidem hos alterum armorum suorum genus appellare consuevit: qui Latine prompte & incorrupte dixerit, & in cuius scriptis tanta fuerit elegantia tanta dignitas, ut eruditi cum admiratione

ne

ne *epistolas* eius legerint; stupentes, ab homine, negotiorum magnitudine a studiis seiuncto, *tam Latinas, tam castigatas* dari potuisse *epistolas*: qui *Græcas* etiam attigerit in Italia *litteras*, ex medio studiorum cursu ab suis reuocatus: id quod sæpe deinceps conquerentem eum audiuisse se, adfirmavit Huttenus. a quo memoriæporro proditum est, quamcunque summus hic Mæcenæ ciuitatem transierit, præcipuam eius curam hanc fuisse, vt de *studiis horumque professoribus* inquisuerit; vtpote qui in eligendis amicis primum & maxime *litterarum claritate* motus, facillime talem quempiam acceperit; & quum quidam ex doctis illum adiens oraret, ne hoc moleste ferret, *neminem doctum molestum sibi esse*, dixerit; quum vero in Huttenum suum incidere, his verbis eum compellarit: *Ades, aliquid horarum studiis nostris subfurabor*. Sed quo, quæso, viri me rapuit admiratio, qui Lectorem initio ad ipsum Huttenum, vel Adamum ablegaueram? Verum ne sic quidem omnem laudem, quam impertiuit ille *Equitum litteratissimo*, sum persecutus. multa præterea memorabilia

inueniet in Hutteni epistola Lector, quæ breuitatis causa prætermitto: summa inter ea *argutiarum est festiuitas*, quæ illos externos corrupti conuincet iudicii, qui *Germanis ingenii suauitatem denegare ausi sunt*. Quum is fuerit Eitelwolfus de Lapide, cuius auctoritate & exemplo, beneuolentia item, vel amore potius, Hutteni nostri studia quam plurimum sunt adiuta; cuius cura ac prouidentia ingenium eiusdem mature a monasticæ consuetudinis corruptelis est vindicatum: qui etiam aliquando, quum CC aureos, quos muneris loco ab Alberto Principe ei impetrauerat, ad eum referret, *dat hos*, dixit, *litteris tuis Princeps*: memoriam eius, occasione ita ferente, renouandam de nouo decreui, vt recordaretur semper, posteritas, *cui inprimis debeat Hutteni eruditionem*: & vt hoc etiam nomine memoriam eius sancte coleret. Cuius ipsius prudenti quoque consilio *Francofurtanam Academiam* deberi, supra intelleximus: licet ipse sæpius fassus sit Hutteno, *pœnitere se*, quod consiliis suis induxisset Ioachimum Marchionem ad instituendum Gymnasium, quoniam ab indoctis doctis possideri, non a Græce &

La-

Latine eruditus, ut ipse proposuisset, excoli cerneret.

Sequenti XVI anno tertium (*), mea opinione, in Italiam abiit Huttenus noster: *aulicæ consuetudini*, si rediisset inde, in Germaniam, *destinatus*, magna quidem, ut Erasmo confessus est, *sua cum molestia*: quo cum ut aliquot annos esse sibi licuisset, magnopere adhuc in optatis habuerat. nec tenacius adhæsurum se ei non fuisse, quam *Alcibiades Socrati* olim adhæsisse dicatur, ipsi Erasmo confirmavit. neque enim indignum se futurum fuisse censuit, qui *ad Erasmi pedes Græcas litteras tum didicisset*; neque Erasmo indecorum esse potuisse, credidit, si *Germanus Eques* studiosè ipsum fuisset sectatus. qualem certe consuetudinem *aulicæ* etiam *pita* præpositurum se fuisse, ostendit. Deceverat eā propter antea, Erasmum adire,

G 3

in

(*) *ter saltem in Italiam accessisse* Huttenum, ex ipsa huius ad *Pirckheimerum* Epistola patere, arbitror, ubi quatuor prope annos agentem se in Italia magna-
recliorum studiorum iactura *Accursianum absinthium* potantem tempus perdidisse, scripsit. Quatuor vero continuos annos egisse Huttenum in Italia, nemo mihi probauerit.

in *Britanniam* adeo eum secuturus: quod consilium suum *importunam suorum liberalitatem* impediuisse, conquestus est; *liberalitatem* enim hos vocasse, quod *discendis Legibus sumptum ipsi sint elargiti*, atque eo nomine *Romam ipsum miserint*. Totum se de reliquo tum a tremore ac pedis morbo, quo laborasse eum supra audiuius, conualluisse, significauit Erasmo; spondens, fore, vt, si ipse hic in *Italiam* venerit, nihil remorari se queat, ad *Erasmum suum* iturum, ex *Legali illo carcere*, quo ab suis esset relegatus (**). Quibus itaque litterarum doctrinæque studiis operam ibi nauauerit, licet, vt promisi, pluribus explicaturus non essem: ex his ac superioribus coniicere id difficile non foret. Quum *Cynus Pistoriensis*, *Banoniensis Iureconsultus*, adiuris ciuilis studium *Franc. Petrarcam* olim adhortaretur; hic audacter

(**) in epistola, *VVormatie*, atque ita ipso itinere, d. XXIV Octobr. indicati anni, multis conuiuiis ac comitibus circumstrepentibus, exarata, qua simul ab Erasmo petiit, vt, si vacaret ac *Romam* scriberet, ipsum cuidam litteratorum commendaret, cui nec mulos scaberet, aut equos fricaret, sed cui inter libros adsideret. in App. Ep. Erasmi est ep. LXXXVI.

Et ei respondebat (m): *Studium, in quo me hortaris, seruire officium reputo, & mancipium omnibus se præstat, qui illo utuntur; & si paterna non foret reuerentia, si post me curreret, quia libertate uti cupio, non acceptarem. Quis est, qui non dicat, hæc iura venalia esse, & ad bene recteque viuendum longe alijs studiis esse inferiora? - - Sed ut dignitati tuæ & paterno amoris morem geram, persequar & tempus non contriuisse ostendam. In eadem plane sententia Hurtenum, quum in Italia versaretur, fuisse, his ipse verbis aperuit (n): Postquam mihi stomachum mouerunt isti olim superbi legum dispensatores, fateor, esse aliquid contendendi, & eo studium contuli meum, ac dispeream, si vlla alia ratione, quam ut meorum desiderio satisfacerem, & ipsum illud, quantumcunque nugatorium est, quo isti triumphant Bartolistæ, adsecutus, acceptoque doctrinæ titulo, qua decipi vulgus amat, ab illis postea audiri mererer: quod aliter per contemptum non fiebat. Doctorem enim esse oportet nunc, doctum neque necesse est, neque omnino aliquid est.* Quanta litterarum ia-

G 4

ctura

(m) cit. vita Fr. Petrarce, pag. 31. seq.

(n) quæ leguntur in epistola ad Crotum Rubianum, Nemi præfixa, p. m. 9, seq.

Etura hoc facies, aiebat aliquis? Nulla respondendi; quippe impendendum aliquid succisui temporis, dum istas illiteratas litteras, atque hanc doctrinarum fecem, iactare discam. Nam intelligere nullo negotio licet. Sum enim plane in ea opinione, ut, qui in his studiis superbire sciat, & pro tempore ingerere se audeat, eum consummatum hoc tempore Iureconsultum existimem. Quod institutum, quid refert, quomodo postea immutauerim, scribere, quum tu illi interfueris Senatui, quo istud factum est consilium? Ad Bartolistas redeo: Tales sunt, qui nunc in auribus Principum quasi spongiae haerent - - . Ex his quemdam noui, insignem asinum, quod mihi videtur, quod ipsi Iureconsultum, qui aliquando simul audientibus nobis Papiæ illud iuris columnen Iasonem, quum is prælegeret, ac multis citatis auctoribus subiiceret, & Alexander de Imola, ac sequaces, conuersus ad proximum, quæsiuit, quis ille esset sequaces. Putabat enim ex glossatoribus vni Sequaces nomen esse. At idem ille, qualis qualis est, nuper ex Italia rediit, libris ac vestibus splendide instructus, & inter Doctores numeratur, ac me, qui melius capio Iasonem, post tergum relinquit. O mores! ostendia! o temporis huius capita! Quin istas abster-

stergimus nebulas, & aliquando verum intuemur? At valde interim ex suis sibi isti commentariis placent, studium alioquin tractabile, omni caligine inuoluentes, ac Cimmeriis plane, tenebris obscurius reddentes. Quarum ut densiorem quis nebulam, atriores noctem, libris Digestorum admolitus est, ita pro classico auctore celebratur, & in admiratione habetur. Cuius enim lucubrationibus non antefertur Accursius quidam, ex cuius tenebricoso ingenio hic offusus est Iuri civili fumus? Non iniuria igitur miserebat te mei olim, cui, ut studiosus essem, ad huiusmodi studium diuertendum erat. Tam inconsulta sunt hominum super humanis studiis consilia. Quare, ut mihi videtur, qui ingenuo sunt animo, ac recte libero, omnia malint, quam in has se demittere sordes. Totum se quoque in hac patefecit epistola, ex Italia in Germaniam missa.

Huldricus Huttenus Eq.

Nicolao Gerbellio Pontificii Iurisconsulti

Salutem D.

Tres nuper dies perdidi amiciss. Gerbelli, eo enim ventum est, ut quod aut scribendis libris, aut optimis auctoribus euoluendis tempus imper-

tior, id perdidisse me arbitrari debeam, totum possidenti studium meum legali scientia. tres, inquam, dies perdidi, Epistolam ad Maximilianum Principem, quasi scribente Italia, fingens (o). Aususque sum in re admodum seria ludos agere; quod minime poteram obstare hortatibus Iacobi Fuchs Canonici Francorum omnium, qui ubique sunt, studiosiss. cuius nunc contubernio utens hic, Accursianum abfinthium poto. Eas nugas ad te mittendas curavi, quia memini flagitasse te hoc a me anno præterito, ut aliquid tibi ex Italia quandoque mitterem, quo meum erga te studium testatum haberes. Verum tu quid non idem facis? an ego minus testimonio amoris tui indigeo? Res magnæ in Lothoringis geruntur. aliquid fama, sed ea non constans sibi, huc detulit. Scribe, si quid habes. In Italia bellum trahitur. Pontifex aegrotat. Ego nuper a quinque Gallis, quia egre tullissem iactatas in Caesaris existimationem contumelias violenter primum pulsatus, deinde vi ac armis petitus, Dei opt. max. præsentissimo auxilio salutem meam defendi. Ex Gallis qui ferocissimus e-

rat,

(o) separatim primum Bononiæ una cum hac ad Gerbellium epistola emissæ in 4, inserta deinceps est Poëmaticis coniunctim editis, adiecta Responsoria ad Italiam Maximiliani Cæs. auctore Helio Eobano Hesso: ommissa ex aduerso ad Gerbellium epistola.

rat, interiit. Ego conscissa sinistra bucca insignitus sum, præterea mali nihil accepi. Immodica est per totam pene Italiam Gallorum superbia (p). De Capnionis summi viri causa bene te sperare iubeo. Salus in procinctu est. Hogstratus Theologistarum alpha ingenti decocta pecunia (tanti spem suam emit) nihil effecit. quique olim potentia fretus sua optimo cuique molestus facile fuit, τῇ καὶ Φαλῇ τὸν ἔργον ἐξαράσσειν ἐπιχειρῶν, fractus animo est, destitutusque lupus hians discedit. Erasmus Pontifici commendavit Capnionem litteris. duos Germaniæ oculos, omni studio amplexari debemus. per eos enim barbara esse desinit hac natio. Sed iam satis, quæ ad te scribenda duxi, habes. Tu vicissim aliquid scribe, ac vale. Bononiæ secundo Calendas August. Anno M D XVI.

Nec vero *Erasmus* discrimen istud (q), & reliquos casus, quibus in-
Ita-

(p) de eorum, ut tum fuit, *Natura* in Dialogo Hutten. *Momus* inser. ita iudicatur: *Natura* ea Gallorum, ut plus velint, quam possint, & quo amplius se nesciunt, hoc magis desipiunt: pugnaces quidem sed imbecilles.

(q) Sex amplius de eodem discrimine *Epigrammata*
Ope-

Italia (r) iactatus est, celauit Huttenus: ad quem in Germaniam sequenti XVII anno reuersus verbosam dedit epistolam (s). *Quum iam nosci incepissem, in Italia, scribite ea, orta est quadam turbulenta, Erasme, tempestas, quæ ab vrbe (f) Bononiam,*

Operib. Poet. inserta leguntur: quorum numero & hoc est in Gallum ab ipso casum:

*I, morere, & Stygias tecum hoc, Galle, adfer ad
vmbas,*

*Esse aliquem, Gallos, qui neget, esse Deos.
Qui vici tamen, & quem tu equo baud Marte petisti,*

Offibus ipse tuis molle cubare precor.

*In me quinque virum tua proxima dextera visa
est,*

*Tectis ero, & vulnus, quod tuli, ab ense tuo
est.*

(r) Multa itidem de Statu Romano Epigrammata, ex Vrbe ad Crotum Rubianum missa, inter eadem Opera Poet. occurrunt: prioris extrema verba sunt:

*Desine velle sacram inprimis Crote visere Romam,
Romanum inuenies hic, vbi Roma, nihil.*

(s) Bambergæ d. 21 Iulii scriptam: quæ Erasmi Epistolar. Appendici, in eximia Lugd. in Bat. an. 1706 emissâ editione, primum ex MSto accessit, ordine CLIII; qualis & eiusd. Appendicis LXXXVI epistola erat, supra citata.

(f) quum a Gallorum Rege legatus, ad Pontificem Leonem contendens, Viterbium diuertisset, Huttenus

niam, usque deiecit: nam quinque Galli, robore corporum ac ferocitate animorum horribiles, aggressi, pene tuum tibi Huttenum ademerunt. Verum presentissima Dei opt. max. ope, quum defensionem molitus essem, profligavi latrones: vnum etiam interemi; accepto in sinistra bucca vulnere, quod dices pro periculi magnitudine modicum. Eam ob causam non tali Gallorum persecutionem; meque eripui, ex Scylla in Carybdim prouolutus: orta enim Bononiæ inter Germanos ac Langobardos seditione, pene absumptus sum, iussusque causam apud ciuitatis Præsidem communi Germanorum nomine perorare: Hiscus is est, Genuensis natione, quamquam pro nostra iniuria, & illius iniquitate, non acerba satis esset oratio: vehementer offendi hominem. Quare Ferrariam inde profectus --- paucos ibi dies commoratus sum, Venetias ad se vocantibus duobus Huttenis, qui in Syriam abeunt.

Miris modis ceteroquin beneuoli fuerunt Italiae eruditi Hutteno, vt primum
Era-

tenuis huc ex vrbe excurrerat: vid. Vita Ph. Melanthonis a Camerario scr. p. 92. Viterbium itaque vrbs fuit, quæ Hutteno campum, in quo virtus ac robur ipsius cognosci posset, præbuit.

Erasmus se nosse adfirmauerat, eundemque præceptorem appellauerat suum; *Adagiorum opere* in Germania denuo excusso; *Moria*, aliisque ingenii eius monumentis monstratis. quæ multorum amicitiam conciliaſſe ſibi; & *Nicol. Leoniceum*, *Calium Calcagninum* & alios *Ferrarie* ultro eo nomine occuriſſe, ſignificauit *Eraſmo*. *Venetis* vero tantam inueniſſe ſe, teſtatus eſt humanitatem, vt nuſquam gentium maiorem; vbi a *Baptiſta Egnatio*, *Hermolao Barbaro iuniore*, *Angelo Contareno*, *Andrea Aſulano*, humaniſſime exceptum atque litterariis muneribus per liberaliter donatum ſe eſſe prædicauit. In cuius poſtremi ædibus *Aldinus infans*, (*Paulus Manutius* forſan intelligitur) productus *Huttenum* oſculo accipere iuſſus fuerat. Optio in iisdem ædibus præter complura oblata munera data huic eſt, quid librorum typis ibi exſcriptorum, vellet inſuper. Equidem & *Eraſmi* & ipſius *Hutteni* nomine gratum atque iucundum hunc fuiſſe ſibi, profeſſi ſunt *Eraſmo* doctiſſimi iſti *Itali* (1): quandoquidem

(1) vid. *Baptiſta Egnatii* epiſtola ad *Eraſmum*, quæ CXLI eſt *Epistolar. huius* *Appendicis*.

VITA COMMENTARIUS. III

dem ex vno congressu eius coniiicere se potuisse confirmarunt, *Huttenum cum moribus, tum litteris ornatissimum virum esse* : cuius virtus suauitasque effecerit, vt suauissime eum sint complexi.

Venetiis ad *Germanos* suos commemorato anno redierat; quumque *Augustam* appulisset, in *Conr. Peutingerum*, *Iacobum Spiegel*, & *Io. Stabium mathematicum* incidit, & productus ab illis ad *Casarem*, *Corona poetica* in magno nobilium conventu donatus est (tt.) Quantum *Peutingero* hoc nomine debuerit deinceps *Huttenus*, epistola ad eum postero anno scripta publice sic declarauit (u). *Non memoria excidit, quanta tu nuper diligentia, quantoque studio, redeuntem ex Italia me commendaueris Maximiliano Casari. Qui quum tua graui oratione, in confessu amplissimorum virorum, de meis studiis, deque illa arumnosa per Europam peregrinatione, simul de quadam mea feliciter illi pugnata pugna persuasus esset, vt me honoraret: quos tu non magnificos titulos, que*
non

(tt) beneficium hoc prædicat eadem CLIII ad *Erasmusum* epistola, paullo ante allegata.

(u) præfixa ea est ad *Principes Germ.* Et bellum *Turcis* inferant, *Orationi*.

non celebria nomina, quas immunitates, quæ priuilegia protulisti? ut ingratiſſimus ſim omnium, qui uſquam viuunt, mortalium: niſi te valde amem, ac reuèrenter colam. Proinde continuo oculis meis obuerſatur; quæ me primum hoſpitalitate in domum tuam accepſti: deinde quæ prædicatione, quibus amicis commendaſti: poſtremo quæ pompa ad Cæſarem adduxiſti: ut ille tuo inſtinctu ad ſe admiſit: ut Coronam poeticam impoſuit (v): illam aio Coronam, illam Lauream, quam tu ante domi tuæ, accurate contexente & adornante filia Conſtantia, omnium, quæ iſtic ſunt, puellarum & forma & moribus præſantiſſima, apparaueras (x).

Quod

(v) quamuis vero & natus, ut hætenus ſatis cognovimus, & Cæſaris manibus coronatus Poeta exſtiterit Huttenus, tantum tamen ab omni hac in re ambitione inanique iactatione iſ abſuit, ut, diuinum Poetæ nomen ſe vniquam arrogaffe ſibi, negauerit, in ep. ad Michael. de Senſheym Canonicum Herbip. Orationib. contra Vlricum W. D. præm. Aegre videlicet tulerat Huttenus, quum Romanus quidam, ut eum appellat, Mulio quæſuiſſet ex quoſiam tum, quum Huttenum Poetam ſalutari forte ab amico animaduertiſſet. *Verſificator poteſt eſſe hic?* audiuiſſe quippe eum & ipſum id, addit Huttenus, quoties a ſtabulo vacarit, pleroſque verſificatores eſſe magis, quam poetas.

(x) uberrimam ſic ad Conſtantiam exquiſitis Epigrammatibus

Quod si omnes populares tam honorifice de Hutteno eiusque studiis post ipsius in patriam reditum iudicassent, quam celeberrimos istos *Triumuiros* iudicasse colligere est, querelam eiusmodi altero anno post, quam in patriam reuersus erat, instituendi causam is non habuisset (y): *Ego, qui post tot annorum meam per Europam peregrinationem, tot aditis periculis, tot exhaustis calamitatibus, nullis non ex-*

H

VII

matibus laudandam efferendamque Hutteno, tam inge nioso Poetæ, copiam tum fuisse, clar. *Belius* censuit. *Maior natu Peutingeri filia* fuisse *Constantia* videtur: *filiam* certe is etiam habuit, cui *Iuliana* nomen fuit, quæ quadriennis puellula *Maximilianum* Imp. an. 1524 Augustam venientem Latina acclamatione quasi Reip. nomine salutauit. vt *Mart. Crusius Annal. Sueu. P. III, lib. IX, c. 13* refert. Ab istâ honorum accessione *Hutteni imaginem armatam, capite laurea coronato*, circumlatam esse, Adamus refert: quali effigie plurimum delectatum esse Huttenum, simul adfirmat. Quam plurimis sane Huttenianis scriptis effigies ista adiecta hodieque compareret: quum etiam *sine lorica & sine laurea sui effigiem* exprimendam antea curasset, nonnullis ipsius lucubrationibus additam.

(y) in præfatione *Nemini* præmissa, toties hætenus citata, quam ad *Crotum Rubianum* suum scripsisse *Huttenum*, commemoravi, pag. 5.

rumnis adflētus, quū tandem ad meos rediissem, quid aliud sperare debui, quam homines longa mei expectatione fessos, aduenienti accursatos; obuiis manibus excepturos, blanda aliqua prafatione salutatum amplexaturos, gratulaturos incolumitati meae, probaturos, quod cum patriis Musis rediissem in gratiam? At paucioribus curae fuerunt hae, quam reperti sunt, qui me accusarent etiam. iam enim fama praecesserat, quibus studiis quam operam impendissem. Itaque reprehendere omnes, ac frustra laborasse, & tempus perdidisse dicere. atque eo omnium tandem calculi coniecti sunt, & quod vix credis, in patria miser inueni Neminem equum meorum studiorum iudicem. Illum vide Neminem, qui hoc de se dicit: Nemo refert studiis praemia digna bonis. Non aliter, atque ille ego sum decoctor filius, qui ad porcorum haras, & commissandas filiquas relegari debeam, aut non melius sit ita studuisse, quam studuisse omnino nihil. Nam ex equalibus, qui neque litteras, neque natare didicerunt, nihil offendeabant. Adeo tutius est, non studere, quam sic studere. Et hanc quidem impeerunt mihi culpam, ut esset, quod duritiei suae pretextum obtenderent. Tuncque primum diuagatus est rumor, Nihil didicisse me, ac esse Nihil, magnis ille quidem auctoribus.

...Nam

Nam ubi in illos quis inciderit iactatores leguleios, aut ad hos appulerit superciliosos Theologistas, non dico, quomodo posset scire aliquid, hoc dico, quomodo posset esse aliquid? Diogenes Cynicus ultro nihil scire vult post eum, qui omnia scire profitetur, at esse aliquid contendit. Id quod ego adhuc consequi tot laboribus non potui. Nam quum inter meos versor Equites, haud numeror, ex istis vero indoctis doctis nemo me agnoscit. Ac nescio, an alicuius eorum umbra sim. Ita plane non sentiat ipse me, quoties sua studia predicant, suam eruditionem, sua ingenia ostendunt. At vero in me quicquid est, omni contemptu contemptius iudicant.

Fac vero, illiteratos atque inglorios homines Hutteni eruditionem despiciatui duxisse. Mitius ab iis cum Pirckheimero actum non est. qui in iurisconsultorum primum incurrerat reprehensiones, quod, veneranda & fructifera Legum maiestate neglecta, ad sterilia ista, utque ipsi contenderant, inania diuertisset studia: deinde nec amici & qui bonique consuluerant, quod tot curas, quum publicas tum priuatas, litterarum degrauiasset

incommodo: vulgi denique risus accedebat atque subsannatio: a qua nec militum abstinuerat petulantia ()*. Lausilla, quæ ab hominibus in summa laude viventibus in ipsum proficiscebatur, eo iucundior nostro esse potuit. Quum in Italia adhuc commoraretur, *Erasmus* Nouum Testamentum cum commentariis suis ediderat: in quibus *honorificam* Hutteni fecerat *mentionem*: quam quum hic in Germaniam reuersus legisset, *Erasmum*, blande admodum epistola compellauit: *Quæso*, inquit, *quid te mouit tanti facere me? aut quid erat in me tale, vt dignum duces tuo præconio, humanissime Erasme? quam videris amare Huttenum, qui te tamen nullo vnumquam merito obnoxium sibi reddidit! Pæne mihi exciderat, inquis: na, si tibi excidissem, tunc ego omni simul posteritatis cognitioni excidissem; Dii te nobis seruent, Lux Germaniæ, ac tu cogita, ne vsquam esse malis, quam in tua Germania. Cæcutiunt Principes nostri, sed te puto videbunt, tam clarum, tam splendidum. Nec vero lætus esse non potuit, Huttenus, laudari se ab Erasmo, laudato*

(*) testatur talia de se ipse *Pirckheimerus* ep. dedicat. II, & VI, Op. pag. 231, & 236.

to adeo viro. A quo si quis epistolam ad se elicere forte potuerat, ingens illa habebatur gloria, præclarus agebatur triumphus. quod si autem colloquii & congressus Erasmi cum aliquando acciderat, ita, ut aditus ad eum alicui pateret, tum demum sibi in terris, is cui hoc contigerat, beatus videbatur. credebatur enim *Erasmus*, ut erat, *politioris doctrine* esse princeps: & in vno ipso omnes contra barbariæ impetum satis opis præfidiique esse statuebant. ei idcirco, vel ut scito & artificioso in studiorum scena actori, applaudebatur: ac omnes, qui a Musis alienos esse se perhiberi nollent, ipsum non modo admirabantur, & magni faciebant collaudabantque, verum sibi etiam eam, in quam vita ipsorum delata esset, sæculi felicitatem, congratulabantur (2). Quæ quum ita sint, nemini mirum adeo videri potest, *Huttenum*, ut supra percepimus, *Erasmi consuetudinem vel aulicæ vitæ præpositurum fuisse*:

H 3

fi.

- (2) tanto honore ab æqualibus suis exornatum esse *Erasmum*, *Ioach. Camerarius* in Narratione de *Eob. Hefso*, epistolis huius præf. B. 6, b. grauiissimus testis est.

fiquidem huic placere posse, quamdam felicitatem putabat (*). nec quisquam porro magnopere mirabitur, puto, si in eadem Hutteni ad Erasmus epistola legerit :
*In summa, ita me Dñi seruent, atque ita tu pro communi Germanorum gloria diutissime nobis super sis, nulli non conditioni prepositurus sum, si mihi tecum esse liceat, ut illud excolam ingenium, quod placere tibi videtur. Si habes consilium, explica. Incertum enim se esse, quid sibi in Germaniam tum re-
 verso faciendum esset, hisce verbis Erasmo significabat : De me satis non scio, quid fiet. • Tres viri (a) quos prefatus sum, in aulam Caesaris inuitant, multis inde retrahentibus ; aliqui ad Moguntinum : quid sequar, nondum statui. Mox tamen statuisse eum, paullo post cognoscemus,*

Bamberga, vnde illam epistolam, dicto sæculi anno XVII, vergente mense Julio, ad Erasmus misit, & vbi Ioach. Camerarius, in patria sua tum versans, Huttenum primum vidit, in gentilitiam
 ar-

(*) ep. inter Erasmi Ep. LXXXVI.

(a) Pentingerum puta, Iacobum Spiegel atque Stabium : quos aditum Caesaris conueniendi patefecisse sibi, Erasmo prædicauerat.

arcem suam *Steckelbergk* perrexit: Quo-
 quum vix venerat, consilium de *Lauren-
 tii Valla* contra *effictam* & *ementitam* *Con-
 stantini* donationem libello denuo edendo ini-
 tum expediuit. Cui *verbosam* ad *Leonem*
X Pont. Max. præfationem præfixit, libere
 & audacter scriptam (b). ita acerbe enim
 in superiores Pontifices ea inuectus est, vt,
 virilis & ab omni plane metu vacui *Hut-
 teni* animi index præfatio hæc haberi
 queat. Talem sane animum vel sola hæc
 vehementiora eius verba aperte pro-
 dunt: In illos vere detestandi sceleris commen-
 tores Pontifices omnia acerbissima dicta, o-
 mnique ferocissima facta conueniunt. Quid
 ni? In depeculatores, infures, in tyran-
 nos, in latrones. Quis violentior enim la-
 tro est, quam qui ita rapit, vt rapiendi modum
 nullum statuatur? Hi fuerunt, qui, in minimo arre-
 pta occasione, ad immensum progressi sunt diri-
 piendi licentia. qui gratias venum exposuerunt,
 qui conditiones, qui dispensationes, & infini-

H 4

ti

(b) in arce ista *Steckelbergk*, Kal. Decemb. an. 1517.
 Recusa est *Valla* Declamatio, vt inscribitur, de fal-
 so credita & eumentita *Constantini* donatione, vna cum
 luculenta ista *Hutteni* ad *Leonem X. P. M.* præfa-
 tione *Lugd. Batav.* an. 1620, 4, & alibi.

ti generis bullas, qui vendiderunt tanto iam tempore. qui in peccatorum remissione pretium statuerunt, & in pœnis inferorum inuenerunt sibi lucrum. qui sacerdotia heic, eleemosynam parentum nostrorum passi sunt ab se mercari. qui Germanis persuaferunt, episcopos non esse, qui ab se pallia non emerint, multis aureorum milibus. qui contenti non erant exigere extraordinem quotannis semel, sed mittebant, quoties in mentem venisset, qui colligerent aliis alii de causis, nonnulli, quasi bellum, apparatus contra Turcas: alii ut templum, quod perfici non curant, Romæ diuo Petro exstruant. Qui quum hac omnia facerent, tamen saluari vulgo beatissimos & sanctissimos volebant, nec aliquid in suos mores dici patiebantur, nedum fieri. Si quis vero libertatis meminisset, aut si quis rapientibus impedimentum, aut moram si quis omnino obiecisset, in eius seniebat animam, perdentes ætutum. - - Sic maledicenda perdebat illi animas hominum, quasi non esset Deo cara hac possessio. Ergo non fuerunt pastores, quia non custodiebant animas, sed perdebat, & circumcuntibus dominicum gregem lupis obiciebant Christi oves. Non pastores fuerunt illi, inquam, sed lupi. Non custodes, sed proditores

tores & fures. Sigillatim *Iulium II*, cui Leo ante quadriennium successerat, tamquam exitiosissimorum bellorum auctorem infectatus est (c). Neque vero Leonem tantam libertatem grauiter laturum, neque reiectum antea a Pontificibus, quia

H 5

ve-

(c) *sexdecim*, eaque longe acerrima, in eundem *Iulium* confecit *Huttenus Epigrammata*, priori *Operum Poetic.* parti inserta: quorum vno hanc cum posteritate communicauit eius imaginem:

*Qui chalibe & duris amicitur Iulius armis,
Terribilis barba, terribilisque coma.*

*Cui toruos horrore oculos frons occulit atrox,
Tartarea ignescunt cuius in ore mine.*

*Ille, inquam, gladiis, atque occidente sagitta,
Et terra populis, & metuendus aquis,*

*Qui trucibus reges terrarum innexuit armis,
Qui tetrum excito seuit in orbe malum.*

*Ille tot exitiorum, & tanti criminis auctor,
Quo se cum populis imminuere duces;*

*Quique manu, quique ingenio dira omnia pa-
trat,*

*Natus in humanum pestis acerba genus.
Cuius opus mors est, turpissimus otia luxus,*

*Qui pacem cunctis abstulit, arma dedit:
Ille, inquam, talis quum vita & moribus exslet,*

*Dissimilis Christo, dissimilisque Petro.
Quid facit, aut quid habet, quod tantum dicere*

possit,

Dignum Romani nomine Pontificis?

verum audire noluerunt, damnatumque istum Vallæ libellum ex tenebris in lucem proferendi consilium improbatum, sperabat Huttenus: quem ipsi Leoni dedicandum decreuisse se, adfirmabat, ut testatum esset, quam ipso Pontifice renata libertate, verum dicere licuerit tandem omnibus, verumque scribere. At Leonem æque veritatis impatientem fuisse, ac priores Pontifices, probe deinceps sensit Huttenus; utpote cui ab ipso hoc Leone propterea, quod verum dixerat, verum scripserat, ficam istam, tot veritatis testium sanguine cruentatam antea, intentatam esse, audiemus. Neque vero dubito, quin Huttenus blandissime Pontificem appellando verum dicere voluerit; non talem, qualis tum existerit, sed qualis existere debuerit, fingens eum atque collaudans. Vehementer de reliquo Maiorum nostrorum pœnituit Huttenum, qui ita obtusi fuerint, ut captio eos fefellerit, pueris etiam cognitu facilis. atqui eo maiori odio Pontificum fraus digna isti visa est, quo detestius ii simplicitate Germanorum abusi sint: quandoquidem his, velut hominibus,

nibus, qui cerebrum tum non habuerint, atque ita ingenio vti non sint, persuadere non dubitarint, *Occidentis imperium vna cum urbe Roma, gentium domina, a Constantino sibi concessum esse. Solos quidem Germanos tales a Pontificibus existimatos esse, quibus imponere possent, ex eo collegit Huttenus, quod nulli ex Imperatoribus, antequam ad Germanos translatus sit imperium, fraudem ausi fuerint intentare.*

Anno XVIII in Galliam abiisse Huttenum, ex Epistola Guil. Budæi ad Erasmus scripta didici (d): vtrum is primum in Galliam tum accesserit, confirmare non audeo. Antea quidem regnum hoc peragrasse iam Huttenum, ex eo coniecere quis forsitan posset, quod arumnosa sue per Europam peregrinationis mentionem fecerit, annis commemoratum modo antecedentibus susceptæ: & quod non in ipsa solum ad Pirckheimerum Epistola, se & terra & aquis frequenter in discrimen deuenisse, confirmarit, sed dudum ante conquestus sit,

Sæpe malum terra, sæpeque passus aqua.

Sed
(d) ep. inter *Erasmii* Ep. CCCIV p. 298.

Sed vtvt est , *Gallis* æque se probauit
 noſter , ac *Italīs* ante hac probauerat ,
 ſe. *Virum feſtiuum* eum & illi habuerunt
 atque comem , qui nobilitatem generoſitatemque
 præ ſe ferret (e). Eiusdem anni menſe *Fe-*
bruario , *Gallia* iam relicta , *Moguntiam* ſe
 contulit : vnde ipſius huius vrbiſ *Archi-*
epiſcopi ac *Electoris Alberti aulam Augu-*
ſtam Vindelicorum , vbi commorabatur
 tum ſecutus eſt (f). Illorum igitur
Huttenus , quos in aulam hanc ex *Ita-*
lia reuerſum eum allexiſſe , cognoui-
 mus , conſilio parebat ; illorum , qui in
Maximiliani Imperatoris aulam inuitatum
 eum iuerant , voluntati minime obtem-
 perans.

In iſta *Alberti aula* quum , vti ipſe
 de ſe loqui conſueuerat , exerceretur , va-
 rias , quantum per negotia licuerat , con-
 fecit *lucubrationes*. Serio enim cum *Mu-*
ſis in gratiam redire tum cogitabat : quas
 tamen non ita iratas ſibi eſſe poſſe , arbi-
 tra-

(e) videatur eadem epiſtola , & quæ hanc ſequitur :
 qua ſcilicet *Budæo* reſpondit *Eraſmus*.

(f) menſe *Februario* diuertiffe *Huttenum Moguntiam* ,
 ex eadem *Eraſmi* epiſtola , qua *Budæo* reſpondit , vi-
 dere eſt.

trabatur, ob *necessario admissum* antea *superbi Martis studium*, & quod ea sepe prius in *castris inter armorum strepitus cum ipso pernoctaverant* (ff) Illo ipso tempore, quo vna cum Principe suo Alberto *Augustæ* versabatur, ad *Principes Germaniæ Exhortationem* conscripsit: quæ vero in lucem prius, ut infra intelligemus, edita non est, quam *Cæsaris Scribæ* exemerant nonnulla; propterea quod liberiora quædam, quam ætas ferre videbatur, inerant. Ipsius quoque *Nemo*, genere elegiaco compositus, mense *Augusto* ibi *reuixit* (*): cui verbosam eamque libere admodum *contra*

(ff) spondebat id *Hermanno Nuenario* in longa ista epistola, quæ *Moguntie III Non. April.* eiusdem *XVIII* anni scripta, separatim excusa prodiit.

(*) an. 1516, d. 24 Octobr. quum tertium in Italiam abiret *Huttenus*, scripsit iam ad *Erasmum*: *Videbis editum a me Neminem, Carmen non omnino contemnendum forte, in cuius præfatione tui, & decuit, meminisse honorifice.* & *Erasmus* ep. CCCXVII an. 1518, d. 18 Maii ad *Thomam Cardinalem* scripsit: *Pridem lusit Huttenus librum cui titulus Nemo: nemo nescit argumentum esse ridiculum: meum esse delitabant Theologi Louanienses, qui sibi videntur plusquam lyncei.* colligo ex his, *Neminem* anno iam 1516 comparuisse, priusquam an. 1518 *Augustæ* reuixerit, siue distractus, siue extinctus.

tra Theologistarum Bartolistarumque mores ad Crotum Rubianum suum scriptam prefationem præmisit (g): cuius initium, argumentum Carminis dilucide explicat: Accipe igitur hoc tibi Nihil, Crote, quod toto anno scriptum a me conquestus es, idque in episto-

(g) separatim prodiit, nec loco nec anno impressio-
nis adiecto: subiuncta ad *Iulium Pflugk* epistola *Augustæ Vindel. IX Kal. Septembr.* scripta est. Prodiit etiam *Lipsiæ ex officina Schuhmanniana* in 4, verum nec huic editioni, annus, quo typis est exscripta, additus est: coniunctim quoque inter *Opera Poetica Hutteni Q. 5, b. seqq.* editus. Aliis aliorum deinceps carminibus adiunctus lucem sæpe adspexit hic *Nemo, Eob. Hessi Exegoria in Ebrietatem & Hutteni de Arte versificandi Carmini* accessit *Norib. an. 1531.* accessit etiam *an. 1613 Io. Reuchlini comœdiæ, cui tit. Scenica Progymnasmatæ, & nonnullis Antonii Tunnicii Monasteriensis Carminibus.* Primum porro locum occupat inter *Lusus Poeticos excellentium aliquot ingeniorum, coniunctim editos, collectore Alberto Molnar Vngaro Hanov. an. 1614, 8.* Verum tribus postremis his editionibus, utraque ista egregia Hutteni ad *Crotum Rubianum & Iulium Pflugk*, epistola addita non est. quæ tamen omnium, quantum novi, postremæ editioni accesserunt, quæ *Leydæ* prodiit *an. 1623, 12, hac insignita inscriptione: Huldrici Hutteni Equitis Germani Satyra, Nemo, de ineptiis sui sæculi studiis, & veræ eruditionis contemptu.*

stola tua, quodam quasi Tragico ploratu vices repetis, quasi qui Nihil est, ab eo aliquid extorquere liceat. At nunc ipsum illud Nihil ad te mitto, & ita mitto, ut Nemine perferente accipias. Quocum enim rectius Nihil, quam cum Nemine, versatur, quum Nemo nihil scribat ac faciat? Sed iam nosse vis, unde hoc repente commentum? Ex peruersa, Grote, hominum opinione, simul tua Tragica epistola. Nam ut tu nihil a me scribi quereris, ita sunt homines, qui, si quid scribas etiam aut facias, & ipsum illud, & te auctorem Nihil dicant. In ea tempora incidimus; in id vulgi iudicium succumbimus. Si adhuc, quid sibi hoc velit Nihil, dubitas, priora reuolue, ac quadam, ut contigerunt, in memoriam reuoca. Periculum fecisti mecum, quid mereantur, qui optima studia studiosissime sectati sunt. Nempe ut Nihil didicisse, & ipsi homines Nihili dicantur propalam. Extrema fere præfatione Rubianum ita adhortatus est: Quod si tibi videtur, & in ea es sententia, ut magnopere non cures, quid istiusmodi probent iudices; perpetuo erimus Nihil: ac suauiter interdum ridebimus hominum mores. De me sic habet: certum est non obsequi his, qui me Doctorem esse volunt. quorum proxime quidam, adde, inquit, nomen rei. Si possem,

fem, respondi, rem postea nomini. Nec illos moror, qui mihi nulla virtutis opinione, sed pretio quaesitis titulis praeferruntur. Ac libenter Nihil sum, ut ne in hoc impingam ambitionis studium, & vel latum digitum ab instituto discedam meo. Elegantem & lectu quam dignissimam ipsi Nemini subiunxit epistolam, ad Iulium Pflugk in Italia commorantem perscriptam. qua certiore eum fecit, quid in Augustano isto Conuentu, eodem XVIII anno celebrato, usque ad IX Kal. Septembr. actum sit. Certe, scribit inter alia, iucundissimum heic omnibus spectaculum ob oculos versatur. Tot Principes iuuenta simul & corporis specie praestantes, tanta Comitum ac Equitum multitudo, flos scilicet Germanae Nobilitatis, ut, qui hos intueatur, formidandos magnopere Turcas non putet. Quod si hodie tantum cerebri est Germanis, quantum virium, ausim orbi terrarum minari iugum. Faxit Deus Opt. Max. ut sibi consulant hi, a quorum consiliis omnia pendent. Quid aliud optare enim debemus, quam ut nunc maxime agnoscat se Germania? Agit hic legatus summi Pontificis, in cuius mandatis est, excitare in Turcas bellum. - - - Facundus est hic conuentus. Nam & Regem Romanorum parturit, & meis litteris, ac sua

sua virtute clarissimum per Germaniam Principem, Albertum Archiepiscopum, fecit Cardinalem. ac Christophorum Brunsvigum in Archiepiscopatum Bremensem extulit, & Casimiro Marchioni ex nobilissima Bauarorum domo nuptam conciliauit. - - - Quod mihi summe placet, minori apparatu nostri, quam soliti sunt aliis conuentibus, agunt, siue ob annonæ difficultatem, siue quod in multis mihi resipiscere Germania videtur. Quamquam est adhuc mira vestium luxuria, a Gallis sumpto exemplo, quos præter patrium morem emulari in hoc certamus. Et strenue bibitur, nondum sanitatem accipientibus, qui rectis semper monitionibus reclamare solent. ut bene agantur omnia, obstinatissime studet Caesar. - - - Sed ad illud iterum venio Principum decus Albertum. quod præter Romanum morem factum omnes putant, gratis illi misit galerum, & purpuram Leo X, tam ob persuasas sibi multorum commendatione hominis virtutes, quam ut gratificaretur, puto, Cesari, qui Alberto mire fauet. Damus hoc pietati ipsius & propenso in bonos omnes studio. Kal. Augusti galerum sumpsit ille, apponente legato Pontificio. Incundum fuit id spectaculum, maxima nobilitatis frequentia facto sacro, ac ingenti omnis generis hominum circumfusa multitudine.

*Ipse Caesar a sacris domum reduxit Albertum :
deinde munera misit , regiam lecticam , equos ,
& tapetes opere simul ac materia admirabi-
les. Iuxta hæc Leonis Maximi donum , gem-
mis , auro , ac margaritis intextum pileum , &
ensem deaurata vagina. Sequentibus aliquot
diebus Magnates officium fecerunt , ad illum ve-
nientes congratulando , ob noui honoris accessio-
nem. Deus bene vertat , ac spem foueat meam.*

Composuit porro Huttenus Au-
gustæ Henrici Stromeri Aurbachii hortatu de
Aula Dialogum ; duobus tribusve mensi-
bus , ex quo Neminem istum suum emi-
serat , interiectis , ibidem diuulgatum (h).
post-

(h) die XVII Septembr. ex officina Sigism. Grimm, Medi-
ci, & Marci VVysung. in 4. in fine verba leguntur
sequentia: *Exspectare te iubemus , lector , ab eodem
Hutteno elucubratum τῆς μέθης ἐγκώμιον*, id est,
Ebrietatis Laudem, opusculum modis omnibus face-
tum atque perurbanum , quod propediem his eisdem
typis excusum in lucem dabimus. Vale. De Aula
Dialogus Lipsiæ quoque eodem anno 1518 ex edi-
bus Valent. Schumann prodiit eadem f. Integrum
Dialogum Henr. Petrus Herdesianus culicæ Vitæ &
oppositæ huic Vitæ priuata a diuersis auctoribus lucu-
lenter descriptæ inseruit: quod *Enchiridion*, ut in-
scribitur, prodiit Francof. an. 1577, 8. & ib. an.
1578,

postquam illustris quoque *Nuenarius* de
aulica consuetudine, quum amicorum blan-
 ditiis in hanc immergi se passus esset,
 quædam ei paullo ante *obiecerat*: de qui-
 bus, dum non epistolam, sed sermonem
 potius, aut volumen desiderare videba-
 tur argumentum, se purgaturum ipsi,
 promiserat, quum paullo plus otii na-
 ctus fuerit. quod promissum tum simul
 præstitit (*). Is autem omnino videtur
 existitisse *Stromerus*, cuius singularis a-
 mor, quo *Huttenum* prosequebatur,
 hunc in *Alberti Principis aulam*, in qua
*Medici*ungebatur munere, imprimis pel-
 lexit. Tam aperte nimirum fauebat
Stromerus *Hutteno* ac omnibus melio-
 rum litterarum cultoribus, ut ab his

I 2

sum-

1578, ead. f. cui postremæ editioni *Ant. a Gueua-
 ra de Vita aulica molestiis priuataque commodis* acces-
 sit. *Balthas. Castilionis Comitis de Curiali sive Aulico*
Libris IV, ex Italico sermone in Latinum conuer-
 sis a *Barthol. Clerke, Anglo*, adiectus est *de Aula*,
Dialogus Guil. Insulani Menapii: in quo partim refel-
luntur & deriuantur, partim attenuantur crimina-
tiones in Aulam Aeneæ Syluii & Vlderici Hutteni, Fran-
cof. 1606, 8.

(*) promiserat id citata paullo ante epistola ad ipsum
Nuenarium scripta.

summus *Mæcenæ* coleretur, qui ipsos in Principis sui gratiam ponere haud fugitarit. Is etiam fuit *Stromerus*, qui anno prior *Aeneæ Sylvi Libellum Aulicorum miscrias copiose explicantem* ediderat, eximia ei præfixa præfatione (i). Quando ille *Hutteni de Aula Dialogus*, quem non omnino contemnendum esse arbitratus est auctor, ipsius ad *Bilib. Pirckheimerum*, quam de integro foras ego in præsentido, *Epistola* dedit, materiam, non possum, quin luculentam oppido præfationem, qua *Dialogus* laudato modo *Stromero* inscriptus est, integram

- (i) excusum per *Ioannem Schæffer*, *Typographum* sane quam accuratum, *Moguntiæ*, ubi diuinum inuentum *stanneis typis* excudendi libros primo natum, pridie *Nonas Iulias*, anno post *Christi natalem* 1517, 4. *Præfatio*, qua *Aeneæ Sylvi* libellum *Georg. de Breytenbach*, *Alexandro de Czwem I. V. Doctore*bus, *Iulio Pflugk Missenensi Canonico*, & *Sebastiano Rother* *Aurbachio* nuncupauit *Stromerus*, digna mihi visa est, quæ hodieque legatur; præsertim quum *Henr. Petrus Herdesianus* in citato *Enchiridio*, cui & *Sylvi* opusculum inseruit, eam omiserit, Lectori haud ingratum fore, existimaui, si istam appositurus essem: ex qua patebit, eadem plane *Stromerum* de *Vita aulica* sensisse, quæ *Huttenum* de hac iudicasse, intelliget Lector. *Superioribus die-*

tegram adscribam; quo & ipsum argumentum, & de hoc commentandi occasio, natura insuper ac consuetudo auctoris magis magisque patefiat. *Næ tu rem mihi periculosam suastisti, Stromer, de Vita aulica ut scriberem, hoc potissimum tempore, quo, tot agentibus heic Principibus, tanta est aulicorum frequentia. Quasi villo modo tutum sit, has spinas contrectare: aut consultum eos irritare, quibus etiamsi blandus sis, non admodum placeas. Et dic mihi, amicissime hominum, quid te iuuat, in hoc discrimen adducere amicum? nec in mentem venit, cui me furori obiicias, contra quam*

I 3

rabiem

diebus, ubi Augustam cum reuerendissimo Archiepiscopo, ac illustriss. Principe nostro ad Cesaream venissem maiestatem, quod mihi omnium maxime fuit iucundum, offendi illic Gasparem Vrhinum Slesium, hominem non minori eloquentia, atque humanitate præditum; reuerendissimi Cardinalis Gurcensis a secretis, qui aliquot ante annos Liptzsi, etiamdum adolescens, Græcæ litteraturæ publice non sine magna & sua laude & auditorum fructu professus, æque suavi ac continenti consuetudine mihi fuerat coniunctus, cuius vicem vel ob hoc indolui, quod videbam hominem alioqui ad recta studia egregie natum, bonis litteris cecinisse receptui, atque ob rerum inopiam, ad necessitatem summam redactum, tum spe indispiscendi alicuius a principē sacerdotii, in eorum tribum, quos aulicos

rabiem excites, presertim aulicum & ipsum nuper factum? ut in aula iubeas me aulam offendere, & quod dici solet, ἐν ᾠσῶντι κυρὶ μάχεσθαι. Quid restat aliud igitur, nisi ut me ob istas nugas, non in nostram quidem aula, in qua tuta ac tranquilla sunt omnia; verum ubivbi negotium incesse, ut apud hos rerum dominos agendum sit; ex stipatoribus unus cubito protrudat, aut insulsa calce, precipitem eiiciat: deinde fiducia plenus, facti rationem reddat, ac causam tueatur; quam mihi impugnare non usque qua tunc opportunum sit: demum ad palinodiam quoque adigat, quam nisi mox promiscro, dentes

licos vocitamus, descendisse. Quid multa? accepi hominem cena, quo mihi & longius esset cum illo colloquendi tempus, & suauissimam inter nos consuetudinem, multorum annorum spatio intermissam, renovarem. quo in loco quum in varios, vti fieri assolet conuiualibus sodalitiis, deuenimus sermones, tum de vitæ aulicæ ratione (si modo ratio in ea est ulla) sue instituto, ac potius arumnis, molestia, & dispendio copiose, & festiuiter ad multam usque noctem differuimus. Aderant perro complusculi alii sympota, vtriusque coaulici, viri & probi & suaves. Sane mea quidem sententia, quæ a Luciano eo libello, qui de conductæ seruituti adstrictis inscribitur, recensentur, tum quæ ab Aenea Senensi verissime, ac postremo ab Erasmo Roterodamo, viro vndecunque doctissimo, in hoc homi-

tes amifero? Nisitu contra aulicam vesaniam, habes medicamentum, aut iam parasti belleborum, quo furentes illos inebries. Quod si est, quaso in tempore consilium cape, ut venienti malo occurras. Sed vereor, ne in medicina non tantus sis, ut hominum adfectibus mederi scias. Et iam mihi caput, mihi os, mihi male trepidant: ac aliquem videre videor ex Gigantibus regiis, pugnum sex librarum stringere, quem iamiam in buccam mihi impingat. Quod ubi fiet, tum vereor, ne tu in sinum interim rideas, & pro ludo ducas, mihi alapas infligi, os obuerberari, dentes excuti. Et fortasse mortis causa si mihi

I 4

fueris,

num genus, scite quidem & eleganter, detorta perscriptaque leclitantur: eorum nihil, quin expromeretur, fuit pratermissum. Enimvero nata huiusmodi disputatio fuit ex proverbiali apud nostros dicto: Diuturna aulica servitus, diuturni inferorum cruciatus. Quandoquidem quacunq; apud Acheronta poena, & tormenta passim a poetis esse memorantur, nimis quam vere in aulicorum statum congruere videntur. In aulis Principum (bonas semper excipio) Sisyphi saxum, Ixionis rotam, famem Tantali, Prometheus vulturium, Phineei Harpyas, dolium Danaidum pertusum, Titanum fulmen, Aloidum cruciatus, Salmonci tonitrua, ac multa id genus, aequae dira ac grauia, tormenta & inuenire. denique in hoc ergastulo mortalibus accidit, quod illis, qui apud
in.

*fu-eris, non magni facies, quod Clericus non-
 sim; ut illo te sagittent Canone Ecclesiastic. Pa-
 tres: si quis suadente diabolo. Verum
 heus tu, hominem esse memineris; idque satis ex-
 istima, quod tibi iratum Deum reddat; quan-
 doquidem sic ille dicit: Quod feceritis vni
 ex minimis meis, mihi feceritis. Vin-
 Deum igitur prodere, quum hoc facias, si me-
 aulicis simiis discerpendum tradis? Quasorem-
 intuere, ac considera, quam non deceat, sero
 sapientem te illud, non putabam futurum
 hoc, prætexcere. Credis enim, non vehemen-
 ter quosdam succensere mihi ob hoc nugamen-
 tum?*

*inferos detinentur. Nempe eis aulam intrandi fa-
 cultas datur, egrediendi vero denegatur, quum pau-
 cissimi, vix vnus & alter, quasi longe ab exsilio redu-
 ces, ad tranquilliores vitæ statum perueniant. Diu
 boni, quam multis, mille exantlatis laboribus, to-
 tidemque periculis impendentibus, ad vestim res postre-
 mo redist. Proinde eandem vitam esse aulicorum
 cum inferorum pœnis, facile vnusquisque sibi, vel quâ
 in ea naui nondum, aut saltem non diu, fuerit, per-
 suaserit. Verum quod nonnulli existimant, meo iudicio
 profecto nimis seuerè, aulicis post huius vitæ functio-
 nem, tantum abesse, ut fiat malorum cessatio, ut etiam
 diris illis & sempiternis cruciatibus plectantur. id ve-
 ro dictu pane est dignum, & creditu difficile, siqui-
 dem hic suos quisque patitur manes. Ceterum hæc
 non*

tum? aut eam esse in aula moderationem, ut qui sic commoti sint, contineant sese? Præterea memento, aliquos esse, quibus iam ante auersa fuit studiis mens: hi exsiliunt, ac arma & equos possunt, his ferme verbis: Hoc ille feret impune Scriba? Nosti enim, quantum litteratis detractum putent, quando Scribas vocant; nobis contumeliam minime agnoscentibus. Qui ut stultus sit metus, vulgatum hoc tamen est. occasione tantummodo opus improbitati. Sed iocatum satis est. Per miras, Stromer, difficultates, ut tibi obsequer, eundem fuit. Primum Canicularibus, infesto studiis tempore, ingenium

I 5

quum

non eo a nobis dicta fuerint, quo omnium Principum aulas sub hanc censuram videremur rapuisse. Nam existisse aliquos, apud quos clemens & iusta seruitus fructu hominibus fuerit, hodieque sit: nihil enim horum, quæ dicta sunt, in reuerendissimum ac illustrissimum Principem ac Dominum, Dominum ALBERTUM Archiepiscopum Moguntinens. & Magdeburgens. Electorem Imperii, Primate Germaniæ, Marchionem Brandenburgensem &c. Dominum meum clementissimum, conuenire certum est, cuius quum natura optima, optimis disciplinis sit exornata, quid se deceat, & nouit bene, & sua sponte perficit. hinc fit, ut ob innumeras suas virtutes, quæ in Christiano Principe & Episcopo desiderantur, non modo ab aulicis suis, Verum etiam ab omnibus, qui cum eo aliquid consue-

tudi-

quum exerceam. deinde in hoc Germania nobilitatis conuentu, in quo ita turbis referta sunt omnia, ut nemo satis meminisse, quid suum sit, queat: in quo nulla quies, nullum silentium, nulla tranquillitas, ingentes tota vrbe motus, vociferationes, tumultus, equitationes, strepitus, clangores, equorum hinnitus, plaustrorum stridores, bombardarum tonitrua, tubæ, concentus, saltationes, ac plausus. Quæ me quum circumferent, & paucis diebus absolui negotium postulent; ac nihil interim cessare obeundis in aula officii liceat: aliquid arbitraris in hoc Dialogo futurum, quod his placeat, quibus ut placeamus, stu-

tudinis habent, ametur, obseruetur, colatur & laudetur, nec immerito; siquidem omni præconio est maior, & ut vere simul & scite Erasmus Rotterodamus ait, vir immortalitate dignus. Idcirco merito nos præ ceteris mortalibus beatos esse censuerimus. siquidem sub sanctissimo potentissimoque Principe, quæ in seruitute mala sunt, quæ ingruunt incommoda, quæ molestiæ exuberant, quæque in discrimina miserimortales coniciuntur, quæ in malorum lerna desudant, & maiore ex parte tandem opprimuntur: nos in portu harum rerum omnium securi, alios perclitabundos deus vasto in Aegæo contuemur. Quocirca ut nostra vobis felicitas, calamitatis aliorum perspecta, foret exploratior, Aeneas Syluii libellum, qui Miseras aulicorum graphice nimirum, & ingenue explicauit, nobisque calamitosum,

studere debemus? Ede tamen, inquis, ut te heic esse homines cognoscant. Erras bone Stromer. Neque enim tantus est, in hominum oculis ac auribus versari me, ut ob id inconsideratius aliquid, & cui non prius limam admouerim in lucem edam. Placuit, ais, Peutingero, viro, ut grauissimo, ita egregie docto, & naris emuncta; & Iacobo Spiegel, regio Secretario, raro homini doctrina, & iudicii singularis; ac Stabio placuit, festiui admodum ingenii, & minime fucata eruditionis viro. Ut dicam, quod sentio, commouisti me his auctoribus. quamquam verendum, ne per amicitia studium, ex

sa-

iosum illud mortale genus, quasi exsculpsit, typis litterariis excusum, vobisque inter humanos doctissimis, & inter doctos humanissimis, ac vere nobilibus viris, nuncupatum in publicum edere constitui, quem si perlegatis, ubi a seriis negotiis fertis fueritis, etiam atque etiam vehementer vos hortor, & rogo. quippe qui magnam hoc legendo voluptatem percipietis, & gratulabimini, quum, quae vitia, quae flagitiorum annona, quae anxietates, miseriae, arumae, qui ac quanti denique cruciatus, animis multorum aulicorum insident, atque eos lancinant & excarnificant, vos a regum aulis seiunctos, immunes deprehendetis, dicetisque, leclo Aeneae libello, aulicam vitam quis nescit xrumnarum plenam? potissimum eorum Principum, quibus, quod libet, licet: nisi vel inexperius, vel certe

stud-

fauore potius laudent hi, quam ex iudicio probent. Verumtamen peruicisti tu; atque ecce tibi Aulam in aula: sed in ea aula, in qua ista facere licet, & quæ, nisi talis esset, nos non caperet. Sic enim iudico, Stromer, simpliciorem esse nos, quam aulicorum consuetudini aptum sit. Itaque gratulandum interim nobis inuicem, quos ibi exercet fortuna, ubi non magnopere nostri nos status piget: sub illo scilicet, omnium, quos hæc natio habet Principes, benignissimo, humanissimoque ALBERTO Cardinali & Archiepiscopo: qui quum maximo virtutum omnium testeatur studio, & singularis probitati ami-

stultissimus. Deum immortalem, quæ illic quam diutina, quam indigna seruitus perferenda! quanta sollicitudine ambienda Principis gratia: eblandiendus fauor eorum, qui vel nocere possunt, vel prodesse, fingendique vultus subinde noui, mussitanda iniuria potentiorum, & reliqua id genus, quæ Aeneas, multis annis inter aulica detritus, paullo vberius, quam elegantius, explicat. Verum ne vos disertissimos viros meis inelegantibus nugis diutius morer, vana complicabo, & Aeneam mutum magistrum vestris humanitatibus perlegendum tradam. Valete, viri morum integritate, ac non vulgari eruditione clarissimi, meque vestris nobilibus amplissimisque familiis, ac bonarum artium cultoribus commendatum reddite. Moguntiaci VI Kal. Iulias anno supra natalem dominicum 1517. Extre-

mo

amicus sit; inprimis tamen bonarum litterarum studia eorumque adsertores reuerenter suspicit, ac liberaliter fouet. Quis enim nunc recte per Germaniam eruditus est, quem ille non norit? aut a quo tali umquam salutus est, quem non largo munificentiae suae imbre consperserit? atque ut sollicitus nuper fuit, ne quid se indignum pateretur bonus Capnion? ut cupide litteris ad se vocauit Erasmus? Cuius etiam nomini solet honorificam semper praefationem adiungere: & a nobis crebro percontatur, ex doctae doctis, quid quisque faciat, quid patiat. Quae quum ita sint, & omnino liberior sit nobis aula, quam in qua

mo libello Lectorem Stromerus ita adfatus est: Candide lector, offendes, & auguramur, offendicula & leuiuscula monumenta quaedam in hoc Aenea libello, qui antequam ei limam emendationis obducebamus, innumeris scatebat erroribus. eundem nocte, aliis plerisque coauleis nostris, genio indulgentibus, ac poculis certantibus, quando medicae lectionis (cui alioqui totam impendimus operam) nos capiebat satietas, animi recreandi resocillandique gratia, & legimus & correximus. Verum, si tibi ad amissum non satisfecerimus, nulla te capiet admiratio: porro in causa fuit, & temporis & librorum inopia; siquidem vaga aulica vita, nobis nostrorum voluminum suppellectilem eripit: tum consulto quaedam corrigere nolimus, ne videremur sequi eam sententiam, quae magis nobis, quam vero au-

qua libere aliquid iocari periculum sit. ecce tibi Dialogum, quem iubeo Speculi vice propositum esse aulicis istis, in quo se intueantur. Quamquam inuidiam deprecor, lusum est enim, ioco scriptum est, ne quis temere in nugis moueatur. Tum veniam meretur Misaulus, radio aulicæ consuetudinis impatientius forte, quam pro tempore inuectus: Id quod pro me illis inculca, & iam colloquentem cum Misaulo Castum audi.

Quum audiuiisset Castum cum Misaulo colloquentem Bilib. Pirckheimerus, pro laudabili sæculi istius simplicitate ac candore, & pro singulari, quo Huttenum complectebatur, amore, suum de Dialogo ipsius iudicium in epistola hac aperte ei perscripsit (k). *Aulam tuam legi, ac relegi qui-*

auctori placeret. adde pleraque emendata impressoriam incuria, nobis absentibus, esse vitata. Quapropter ab humano eruditoque lectore, cui aliquid castigandum reliquimus, veniam nos facile impetraturos speramus, maleuolos vitiligatores, ac infames famitidas, singula in deteriorem interpretantes, partem flocci facientes. Vale optime lector & boni consule.

(k) quam deprompsi ex Pirckheimeri Oper. p. 251, ubi in *Epistolar. familiar.* Libr. Miscel. est III. Appen-

quidem, ἀλλὰ μὴ ἀγέλασος. *Sed tu me iudicem statuis, & ex animi sententia iudicare imperas? Quid igitur faciam γελασῖνος κερτῆς; Num πρὸς ἀλήθειαν, ἢ πρὸς χάριν δικάσω; πρὸς ἀλήθειαν, sat scio, inquires. Parebo igitur: sed tu videbis, qualemnam iudicem constitueris. Ἄρξω γάρ: verum tu ne mouearis. Immatura res mihi tua videtur Aula. Ἀνέχον. nondum dixi verum. verbo rem appellare nolui, scilicet ut nonnihil amicitiae tribuerem. Quid enim si intempestiuam nominassem? Ut interim procaciam omittam, veluti θρασυότητα, λαμοχίαν, & reliqua id genus verba. Sed non nimis asperere cum amico agere volui. Si blanditias καὶ κολακείαν expetis, alium deinceps querito iudicem, ὃς κέρκω σάινων tritum illud ingeminet, ἡ παιὰν, ἡ παιὰν. Sed λῆρον ληρεῖς, inquires. Tandem quod agis, agas. Atqui num solus Φληναφᾶν prohibeor? καὶ σύ γε ἐμὲ ἄκχε ἀδολεχρείας. At nimium te detineo. Audi igitur. Tunc aulica describere audes incommoda, nondum aulicas expertus συκοφαντίας. Quid ageres, si (ut nos) millies deceptus, circumscriptus, delusus, iniuriis, calumniis,*

pendici quoque, pag. 405, inserta est, cam forsitan ob rem, quod p. 251 minus emendata, praesertim in Græcis, fuerat exscripta.

lumniis, & innumeris adfectus contumeliis, exclusus, reiectus, vel potius eiectus esses? τὰυτὰ πάντα καὶ ἐτι δεινότερα experiri oportebat, ac lustra quatuor detestanda, ingrata & perfide inferuire aula. Tum demum perbelle ac veris lacrimis egisses Fabulam, rem expertam potius, quam ab aliis auditam enarrans, ὧτίων γὰρ πισότεροι ὀφθαλμοί. Hæc causa fuit, mi Vlrice, quare Aulam tuam immaturam vocarim. Proinde tu quoque diiudica, num rem suo nomine appellarim, nec ne? Verum iam tecum nugari desinam. Utinam tu, mi Vlrice, minime aulicis insenescas ærumnis; sed potius ea felicitate, qua rem tam adfabre depinxisti, etiam Cyclopes, Centauros, Sphingem, Chimeram, Scyllam, καὶ ἐτι μυσσώτερον, καὶ φοβερώτερον ἐστὶν, effugias; εὐδαιμονέστατος γὰρ ἔσῃ, si alieno periculo sapias. Id ut tibi eueniat, etiam atque etiam opto. Etenim dignus es, cui omnes ob ingenium & eruditionem tuam innumeram bene precemur: dignus, cui digna respondeat fortuna: dignissimus tandem, qui ab omni aulica præserueris peste; tibi, amicis & Musis viuens. γενέσθω.

Ad has Pirckheimeri amoris integritatisque plenissimas litteras Huttenus ipsa illa Epistola, quam dignam censui, quæ

quæ in tabernas rediret denuo, fufe respondit. Ad eandem hanc illustrandam ex aliis Hutteni aliorumque scriptis proferre quædam constitui. quo hætenus a me commemorata non minus spectant.

* * *

pag. I. BILIB. PIRCKHEYMER)
quantus vir fuerit, non obscure ex ipsa
Hutteni Epistola colligi potest. Fata ac
Merita eius verbose eleganterque persecutus est *Conr. Rittersbusius* in *Commentario*,
quem de *Vita* eius conscripsit, ipsius *Operibus*, a *Melch. Goldasto Haiminsfeldio* anno
cio 10 cx in fol. editis, præmissis. qui
idem *Commentarius* patrio sermone per
Ioannem ImHoff, generosissimum Virum,
confectus præfixus est *Theatro Virtutis &*
Honoris, oder Tugend Büchlein aus etlichen
fürtrefflichen Griechischen vnd Lateinischen
Scribenten ins Teutsch gebracht durch Herrn
Wilibald Pirckheimern &c. aus desselben
hinterlassenen *Bibliothec* antag gegeben, *Nürnberg*
M DC VI, 8. *Erasmus* de reliquo
vere post amicissimi sibi *Pirckheimeri*

K

mor.

mortem, quæ in annum c15 10 xxxi incidit, de hoc iudicasse, vbi scripserit (1), *Vir, vt rectissimi iudicii, ita liberi constantisque erat animi, vel in pronuntiando, quod sentiebat, vel in exsequendo, quod instituerat, ista, qua de Hutteni Aula iudicauit, Epistola satis declarat. Pirckheimero duce primum, eodem Erasmo iudice (*)*, efflorescere cepit apud Germanos eloquentia; quam & morum pietate & fortune splendore illustrauit.

pag. 3. in tranquillum recondere) vt *Conr. Mutianum Rufum*, & ipsi & omnibus, qui tum viuebant, litteratis longe amicissimum virum, fecisse, nouerat Huttenus: vtpote qui (11), missione a Principe suo impetrata, scribarum decurix, in qua versatus erat, inscripserat: *Valete Sollicitudines; domui vero suæ: Beata tranquillitas. Quod quidem Mutiani consilium,*
tan-

(1) ep. MLXXXVII ad *Georgium Saxonie D.* qua laudes tanto Mæcenati debitas celebrat.

(*) in *Ciceroniano* p. 380, edit. Froben.

(11) vt *Ioach. Camerarius* memorix prodidit in *Narratione de Eob. Hesso*, B. 4, seqq. & ex hoc *Melsb. Adam. Vit. Iureconf.* p. 27. & *VVilh. Ern. Tentzelius* in *Supplem. Historie Gothanæ* I p. I. quod *Supplementum* eiusdem *Conr. Mutiani R. Epistolas, Carmina & Elogia* continet.

tantum abest, vt improbarit Huttenus, vt *Eitelwolsum de Lapide*, cuius summam prudentiam, vt supra intelleximus, numquam non suspexerat, id secuturum fuisse, docuerit (m); siquidem litterarum studiis horumque cultoribus consulturus, quieti se tradere, ac omnem aulicæ consuetudinis molestiam exuere paullo ante obitum suum cogitauerat. Censebat tantum Huttenus, consilium eiusmodi, si iam tum ab se iniretur, reprehendi ac præproperum videri posse; verebatur simul, ne animus ipsius in iners ac desidiosum otium præceps coar gueretur tum, quum neque rerum gestarum vacatio, neque ætatis excusatio a labore ipsum vindicare adhuc posset.

pag. 5. *illi mei per Germaniam amici*) istorum numero fuit laudatus modo *Mutianus*: de cuius silentio in litteris ad *Eob. Hessum* datis (n) ita conquestus est: *Quid ille istic vero Mutianus? in totum, credo, ex amicorum suorum albo Hutteni nomen ademit, ita*

K 2

nihil

(m) in epistola ad *Iac. Fuchs Bamb. & Herbipol. Canon.* supra iam cit.

(n) quæ reperiuntur inter *Eob. Hessi* Epistolas famil. *Marpurgi* an. 1543 fol. edit. p. 288.

nihil scribit, nihil significatione etiam vlla testatur, quod non iratus mihi sit. — quod nescio, an ille decreuerit, sinistra aliqua suspitione, aut perditum alicuius delatione inductus. Ego certe hominem reuerenter semper colui, & nunc, ut meretur, studiosissime veneror & amo. Salutate ex mereuerenter, & ne ex Mutiano mutus sit, admonete. Scribam illi, ubi primum nactus fuero tabellarium. Vos, amici, Huttenum vestrum diligite, ac Mutianum, & quotquot istic sunt docti & humani, ex illo salutate. iamque valete. Moguntia.

pag. 6. HERM. NOVAQVILAREM COM.)

Nuenarius plerumque, item Neaetius, Nova Aquila s. in Neuwenar Comes appellatur. Canonicus primum, deinde Praepositus summi Colonienfis templi. Mauritius Comes de Spiegelberg summa cura in optimis litteris instituendum ipsum a puero curauerat, in Italiam eo nomine illum ablegans. quas in omni vita sua tam diligenter is deinceps coluit, ut aduersus indoctam doctrinam superciliosos professores Herculem prorsus ageret. Is ipse est, qui Eginhartum primus edidit, de Ori-

Origine Francorum docte ipse commentatus (*).

pag. 7. *adhuc CAPNIONIS causſam mordicus teneo*) Nec fieri aliter potuerat. Nam, quum Huttenus ſtrenuum meliorum litterarum præbuiſſet ſe adhuc vindicem, *Capnionis* ſiue *Reuchlini* ſimul cauſſa, qui pro iſdem litteris a *Theologiſtarum* furore vindicandis in exiſtimationis vitæque,

K 3

diſ.

(*) de doctrina non minus, quam genere illuſtri *Nuenario* conſulantur *Eraſmi* Ep. p. 372, 1678, *Ioach. Camerar.* Epistol. famil. lib. I, ep. 12, ſeqq. *Herm. Hamelmanni* Oper. Hiſt. p. 322, *Henr. Meibomii* ad Saxon. infer. Hiſtor. Introd. p. 90. Præſatio cl. *Io. Herm. Schminckii* *Eginharti* de Vita *Caroli M.* edit. *Vltraieſi.* an. 1711, præm. quem auctorem *Nuenarius* an. 1521 primus edidit. cuius de *origine Francorum* Narratio, & luculenta ad *Carolum V* Imp. dedicatio de *Francorum Imperio*, indicatæ *Eginharti* editioni a cl. *Schminckio* ſunt ſubiectæ: poſtquam an. 1684. in 8, *Iena* cum *C. Peutingeri* *Sermonib.* *Conuiualib.* & aliis clariffimorum virorum, hiſtoriam illuſtrantibus monimentis a cl. *Georgio Schubarto* diuulgatæ denuo fuerant: hic enim elegantiffimam iſtam præſationem adieciffe dicitur. De reliquis excellentiffimi huius ingenii monimentis conferatur *Gefneri Bibliotheca* p. m. 285. Quantum vindicatæ a barbarie litteræ *Nuenario* Comiti debeant, & ego ſummatim expoſui in meiſ de *Latine Linguae in Germania* *Fatis* Comment. p. 331 ſeqq.

discrimen dudum se obiecerat, magnopere omnia vellet, necesse erat. Quid? quod, ut quisquam bonarum litterarum ætate ista amantissimus erat, ita impensissime Reuchlino huic studebat. qui omnem Germaniam immortaliter sibi devinxit eo, quod primus *Græcarum & Hebraicarum* litterarum studium in ea excitavit, vir, magni *Erasmi* iudicio (o), *complurium linguarum egregie peritus, variis expolitus disciplinis, Cesari Maximiliano cum primis gratus, gratus & honoratus apud Suevos, non apud Germanos solum, verum & apud Anglos & Gallos ex doctrina sua nobilis & clarus.* Quot & quantis litibus, quibus nihil odiosius, molestius nihil fingi potest, a proiectissima ad calumnias *Monachorum* gente per bene multos annos diuexatus sit tam eximius vir, nihil attinet referre. relatum est, ut *Melch. Adamum, & Phil. Melanchthonis*, ex qua pleraque sua hic hauserat, *Declamationem* silentio prætermittam, a plurimum reuerendo *Io. Henr. Maio*, qui tot pulcherrimis ornamentis cumulati viri, ut ab eodem *Erasmo* audit, vitam lucu-

(o) in ep. CLXVIII ad *Raphael. Cardin. S. Georgii*, p. m. 146.

luculenter conscripsit(p). breuiter at perspicue, enarrata etiam est *Reuchliniani Certaminis historia* a celeberrimo *Struui*o (q). neque vero tanti viri, de cuius egregiis in rem litterariam meritis nemo hodie exploratius liquidiusque iudicare videtur, quam ingeniosus ac sollertissimus *Hermannus von der Harde* (r), laudes ego alibi profecutus non sum (s). Satis in præfenti habebō incredibile Hutteni nostri, quo Reuchlinum complexus est, studium prædicare. Quum in Italia etiamnum commoraretur Huttenus, & Reuchlinus amoris eius constantiæ diffidere, quodammodo videretur, epistolam animi fideique plenissimam ad hunc misit,

K. 4

qua

(p) *Durlaci* exc. an. 1687. 8.

(q) Actor. Litterar. ex Manuscr. erut. Fasc. II, 'p. 97 summam eandem historiam narrauit *Abr. Bucholtzerus* in Ind. Chronol. ad an. 1510, p. m. 470, seqq.

(r) qui præter *Iubilæum Reuchlini Symbolium* in memoriam anni MDXII, & *Festum saculare Reuchlini* in Acad. Julia an. 1712, 14, 15, mense Octobri celebratum, superiori anno *Moguntinam Reuchlini Historiam*, an. MDXIII mens. Sept. in *Germania, Gallia & Italia* celebrem, illustratam emisit.

(s) in *Commentariis de Lingua Latina in Germania Fatis*, p. 136, seqq.

qua omnem metum abstergere ei studebat (t). Postquam libere satis timiditatis eum insimulauerat, ostendendo, eum ipsum sibi deesse, qui ardentibus pro ipso amicis muliebri hoc obstreperet; *in breui moriar*: qui tamen illa de se testimonia viuus senserit, quæ paucis prius mortuis contigerint, ita, ut ipse posteritati interfuerit suæ; pergit: *Quod ad me attinet, satisfactum meo in te studio arbitror, vel hoc solo, quod inter Reuchlinistas numeratum haud obscure me viderim. Proinde confirmo te, fortissime Capnio. multum oneris tui in nostros humeros translatum est. Iampridem incendium conflagrat, quod tempestiue spero efflagrabit. ipsum te quiescere iubeo. eos mihi adiungo militiæ socios, quorum & ætas & conditio pugnae generi par est. breui videbis lugubrem aduersariorum tragediam e ridentium theatro exhibitari. Hac diuersa opinante te molior. neque enim de me si recte suspicareris, ista scriberes: Noli deferere causam veritatis. Egone deferam aut hanc aut te huius ducem. modicæ fidei Capnio! quam non nosti Huttenum? immo si tu hodie deferas, ego istud (quantum per me fieri poterit) resti-*

(t) Epistolar. ad Reuchlinum a clariss. viris script. lib. II, ep. 52.

restituam bellum: nec mihi ignavos captorum comites arbitrare. His stipatus consortibus ingredior, quorum unumquemque huic colluvioni satis futurum putes. Capnionis praconium per ora virum volabit. feres ipse & hinc & aliunde ingentem laudem extra periculum securus. Hac volui ne ignorares. Vale ac integrum te nobis serua. Tantum quod ex Italia Moguntiam venerat, eadem Hermanno Nuenario stomachi ac querelarum de effrenata Theologistarum audacia plena epistola confirmavit(u): Miserat nimirum illustris hic Comes, Reuchlini & omnium, qui a partibus huius stabant, longe cupidissimus, Hutteno illiterati Hogostrati, infestissimi optimi Reuchlini hostis, libellum; in quo praeter alios huius amicos Nuenarius quoque impuritatis fordibus adpersus erat. Eo enim defensorum ignorantiae processerat audacia! nec poterat Huttenus, quin exclamaret: Ferre has indignitates Germanorum natio diutius non potest:

K^o 5 est:

- (u) quae separatim in 4. prodiit, inscripta: *Epistola ad illustrem virum Hermannum de Neuuenar Comitem Huttenianam, qua contra Capnionis amulos confirmatur.* data est Mogunt. III Nonas April. (an. 1518.)

est: nec, qui adhuc lippiunt, aliquando non aperient oculos. Quod cogitanti mihi subit admiratio, quo malo nostro fato in hos dominos inciderimus. In Italia certe nostri me puduit, quoties de Capnionis adflictione orto cum Italis sermone, illi percontarentur, tantum licet in Germania fratribus? Adco obliti omnium esse possumus, ut, quos ad diuinum obsequium patrimoniis nostris alimus, eos ad publicam usque maledicentiam nobis esse molestos patiamur, Quid superbius enim, quid indomitum magis hoc hominum genere? aut cui parcunt, si quando conscenderint illum petulantia sua arcem publicum suggestum? quo naso, quibus superciliis, qua fronte, quibus lateribus in vniuscuiusque existimationem debaccebantur? Quum vna aut altera pagina in peruersos ætatis illius Evangelii præcones, qui omnia licere sibi putabant, ex libidine, cuicui volebant, maledicentes, figillatim in Petrum Meyer; hominem omnium, qui Reuchlino inuidebant, indoctissimum, audacem tamen & insigniter petulantem, acerbè satis inuectus esset, in hunc modum illustris Nuenarii animum confirmavit: Tu tibi confiste, Comes nobilissime, teque confirma. me quidem in omnes euentus

ha-

habebis & periculorum & laboris socium. Traducam interim ad partes, quosquos in Principum aulis aptos esse videro. (x). sed & iam nunc multi clariviri nobiscum faciunt. Quippe Capnionis causam potens in sua ciuitate tuetur apud Norimbergam Bilibaldus Pirckheimer. Augustæ Peutingerus: in Pannoniis & Vienna Cuspianus, vterque opibus pollens, ac eruditione splendidus. Faciunt idem, qui Maximiliano Cesari a consiliis sunt, magnus vir Iacobus de Bannisiis, Iacobus Spiegel, & Io. Stabius. in Gallis vero hoc in Capniomastigas odium strenue alit, vir nobilis ac egregie eruditus

(x) fideliter id præstitisse Huttenum, epistola, paullo post, quinque circiter mensibus interiectis, Augustæ Vindel. ad Iulium Pflugk in Italiam missa, dubitare nos vetat; in qua scribit: *Ipse mihi negotium his diebus feci, discurrendo, ambiendo, apprehendendo, dum optimum quemque ex aulis Principum in partes Capnionis traham. quamquam huc ultro illi concedant, nec iam opus sit parare nobis amicos. ipsa causa emortuæ similis est. nihil enim auditur, nisi quod Comes Herm. de Neuuenar Hogastratum fertur Colonia expulisse, propter impuram nebulonis figmentum, in quo hominem prosciderat. Ex Gallia scribunt Faber, Budæus, Ruellius & Copus, nihil istic esse Capnionis nomine celebrius, & Theologistis ademptam omnem penitus spem. Vos in Italia quid agitis? aut quod ipsi quoque incendium conflat?*

ditus Guilielmus Budæus. & ibidem constanter nos tuetur Copus Basiliensis, Regi a medicinis. Ac Stapulensis Faber, qui Philosophie nostro ævo studiosis maximum adiuumentum attulit. apud nostrum autem Albertum, quid aliquando omittit, quo quidem Capnionis exaltationi, illorum vero detrimento prospectum esse possit, Henricus Stromer, physicus, candidissimus litterarum, ac litterarum amator, ac mihi ob id summe carus? Lipsiæ, quamquam pertinaciter adhuc reluctentur sophistæ, erigunt se tamen litteræ, & augentur recta studia. Et Wittebergam a Fridericho Principe arcessuntur, qui Græcæ & Hebraicæ doceant (y). Iam ut ad illud redeam Episcoporum columen, Albertum nostrum, dici non potest, quam is consultum velit studiis, in admirationem te perducat, si quando videbis. huius ad Erasmmum epistola sic benigne salutat, sic cupide ad se vocat. Domi vero Bibliothecam illius semper in manibus habet: neque Erasmicum quicquam ex-
it,

- (y) quorum numero fuit Phil. Melancthon: de quo eadem hac ad Iul. Pflugk epistola scripsit: Ph. Melancthon præter ætatem eruditus iuuenis VVittenbergæ arcessitus est, non illiberali salario, Græcæ litteras et doceat. Quo etiam qui Hebraicæ prælegat, qua-
ritur.

it, quod non studiose legat. Cuius ut aliquid penes te memorabile sit, accipere factam, sed quæ documento erit, quid de hoc Principe sperandum sit. Quum illi obtulisset Stromer omni conviciorum genere refertum libellum Pepericorni adversum Capnionis amicos, legit quidem, sed lectum, ut ad ignem forte confederat, impurissima Iudæi nebulonis maledicta detestatus, & hoc omnium sæculorum memoria dignum apophthegma præfatus: Sic pereant, qui sic loquuntur, flamma iniecit. Quæ omnia spem faciunt nobis, eo quo tendimus evadendi. - - - Valde probo, quod incendiarium cucullionem ulcisceris; & cupide exspecto ea, quæ promittis. Perge, ut capisti: oderint, dum metuant. quamquam illud tibi cum multis commune erit odium. Porro certum est, bonos omnes, quicquid isti oderint, valde probaturos. Epistolam tuam quam ad meam defensionem rescripsisti, non accepi. scribe cui dederis perferendam. Intra quatrimum in Saxones redeo. Tu rectissime vale, ac valetudinem tuere.

pag. 7. quæ de in litteris tuis mentionem facis) Quod si ipsas illas Pirckbeimeri litteras intellexerit Huttenus, ad quas verbosa hac epistola respondendum decrevit, integræ ex cum posteritate commun-

municatæ non sunt. nulla certe in iis *Reuchlinianæ causse* fit mentio. Equidem causam hanc fortiter a *Pirckheimero* defensam esse, satis aliunde constat. Bene de ista alter alterum dudum sperare, iusserat. Quum enim *Huttenus Bononiæ* adhuc versaretur, in litteris, ad ipsum *Pirckheimerum* datis, sic eum compellauit (z): *Fortissime Bilibalde, quid sic metuis nostri Capnionis causse? quem sua innocentia, aduersus omnium insultus tutum reddit. tot millia pessimorum persequuntur: quidam boni (dico enim bonos, qui hoc faciunt) quidam, inquam, boni tuentur. Vtrum maioris apud posteritatem, quod multi persecuti sint mali, an quod quidam defenderint boni? At damna-bit N. N. Phratorum auro inuersus. Damnet. Contra Erasmus, Faber, Bilibaldus, Mutianus, & optimus quisque innocentiam tueri, veritatem amplecti dignum duxit. Et si me torques, verum dicam, abs te malle probari me, docto & bono, quam ab ipso omni palea leuiore, omni pluma mobiliore. Neque persuadebis mihi, ut minoris faciam aliquod Erasmi spiculum, quod in malum quempiam detorserit ille, quam*

sex-

(z) integræ istæ litteræ insertæ sunt Operib. *Pirckheim*, p. 264.

sexcentas illius Florentini Excommunicationes; quæ iam multis & magnis de causis vilesunt: apud eos quis est testiculi vena vlla paterni? Proinde impetrent illi omnia: nos innocentiam tuemur partis, quæ non minus nota est omnibus, quam persuasa est sensato cuique sanctissimi Leonis improbitas: nam si quis nondum intelligit, dices illi cum Chrysippo: ὁ γὰρ κατὰληπτικὴν φαντασίαν ἔχεις. ----- Capnionem saluta, cui quod non possum sine sui periculo scribere, pene dirumpor. Iube esse bono animo. numquam decro, ut communi periculo. Neque, ut tuear patriam, id est litteras, dubitavero cum bono viro vel in Κ α μ π impingere; quamquam tu hoc tanti facias, ut in extremis ducere videaris. Quum ita scripsisset Huttenus ex Italia Pirckheimero, litteras hic paullo post remisit; quarum hoc fecit initium (a): *Salve Reuchlinista optime. Cur enim non optimus, quum Reuchlinista? arguis me timiditatis, & recte quidem. Timeo siquidem optimo illi viro, non, quod iam sim tam timidus, qui Martis fuerim satelles, sed quia longa experientia didicerim, auro loquente cun-*

(a) debentur ex *Conr. Rittershusio*, qui ex autographo descriptas suo de *Vita Pirckheimeri* Commentario subiecit, p. 24 seq. Op. *Pirckh.*

cuncta filere. *Atqui & te quoque nonnihil timere intelligo, quamuis sis fortissimus.* Sic enim de venali illo scribis Decimo, *ut maxime dubitare videaris, quamuis antea bene sperare iusseris.* Numquam enim ad innocentiam confugisses, nisi illam minus tutam fore subdita fesses. Verum non ideo virum optimum derelinquimus, sed cunctis viribus illi opem feremus, et si non ignoramus, multos sub innocentiae scuto periisse. Nec vero dereliquisse deinceps Pirckheimerum Reuchlini causam, verum præsto semper consilio & re sua huic fuisse, facile, si ad institutum meum pertinere arbitrarer, possem declarare. Satis id in primis complures mutui, eiusque summi, amoris notis insignes maxime epistolæ testantur (b). Tantum enim aberat, ut ægre ferret Pirckheimerus, si *Reuchlinista* appellabatur, ut propter viri amicitiam magnopere gloriaretur, qui, quemadmodum in bello copiarum dux antea

- (b) complures epistolæ, quas *Reuchlinus* ad *Pirckheimerum* dedit, inveniuntur inter huius *Epistolica* p. 259, seqq. tales vero, quas hic ad *Reuchlinum* scripsit, continentur lib. I *Reuchlin.* Ep. n. 81, 82, & *Scriptor. Pirckheim.* Append. p. 399. p. 401 eiusd. Append. verbosa satis epistola ad amicum de *Io. Reuchlini aduersariis iniquissimis* occurrit.

antea fuerat, ita tunc in *Reuchlinianis castris* ordines gerens, non ignaum ἀλεξίκακον præstare se constituerat (c). In quibus castris Huttenus non *classicum* modo cecinit, sed tam acriter etiam pugnare perseveravit, ut in toto *Reuchlinistarum agmine*, id est, inter complures politoris doctrinæ studiosos, qui Capnionis causam suam duxerant, & aduersariorum, huius futilitatem leuitatemque omni genere scriptorum proscindere constituerant, princeps existimaretur. siquidem litigantes cum Capnione monachos varie ipse exagitauit, factionem horum, simul scriptis vehementissimis, simul expeditis armis adortus: triumphali *Reuchlini victoria Carmine* diuulgato, cum contumeliosa in conspirationis istius globum pictura; qua *Pepericornus* vnco trahebatur: utpote qui, quum ludæus antea existisset, operam deinceps suam ad Capnionem lādendum atque euertendum, magna, ut credebatur, pecunia condu-

L etiam

(c) id confirmarat Hieron. Emsero in præfat. in *Luciani Rhetorem*, ex Græco Latine ab ipso transl. Op. p. 246.

etiam, commodauerat (*). Auctor, præterea Huttenus noster habetur *Capnionis Triumphus*, siue in *Triumphum Reuchlini*, alias *Capnionis*, ex deuictis Theologistis Coloniensibus & Prædicatorum ordinis fratribus. Encomii. nec iniuria. Nam quamuis Huttenus in litteris, quas anno 1517 Bononia ad Pirckheimerum misit, *Capnionis Triumphum* vidisse se, nominatim negauerit, & postularit, ut is sibi mitteretur; & quamuis *Erasmus*, ut statim ostendam, plures huius auctores esse, credidisse, videatur: tamen *Eobani Hessi* testimonium neminem plane de rei veritate dubitare finit: hic enim ad *Io. Langum* scripsit (**): *Iam non dubitabis amplius, Huttenum*

(*) contumeliosam huiusmodi picturam editam esse, ab Hutteno, *Ioach. Camerarius* confirmat in *Vita Ph. Melancthon.* p. 18. utrum vero triumphale istud *Reuchlini victoria Carmen* diuersum sit ab *Capnionis Triumpho* liquido adfirmare non possum.

(**) lib. I famil. ep. p. 19, seq. Plura argumenta, quæ Huttenum Carminis auctorem esse, comprobant, inueniet Lector in *Vincent. Placcii Theatro Anonymorum & Pseudonymorum* P. II. p. 248, n. 905, & in clariss. *Heumannii de Libris anonymis & Pseudonymis Schediasmate* p. 97, seq. Huttenum auctorem esse, vel ex eo conicere licet, quod integer *Triumphus*

num triumphare pro Capnione. a fronte istam phrasin non ita agnoui, statim ac introgressus penitus, Huttenus noster factus est Eleutherius; quia vere liber, puto multas illi, quas facile possumus suspicari, fuisse causas, propter quas personam sumpserit, ac luce palam nolit conspici. Ne dubita, vere Huttenus est. iuro tibi per omnia maxima, Hutteni est hoc. Sed male pereant mali typographi, qui multa in praeclaro libello praeue scripserunt. ego duas tantum syllabas ab auctore neglectas, obeliscis signavi: reliqua librariorum sunt peccata. Quo quidem anno primum prodierit Triumphus hic, explore statuerere non queo; quum anno demum cio io xix d. VI Mart. Moguntia Huttenus ad *Erasmum* scripserit: *Triumphus Capnionis in lacem prodiit magno Theologistarum*

L 2

fré-

phus una cum praefatione & alloquio, quo in calce libelli *Theologistas* persecutum esse auctorem, memoravi, Hutteni *Operibus Poeticis* est insertus K. 4, b. cui huius ad Cardinalem Hadrianum, *virum doctissimum*, & Germanorum in urbe Patronum, pro Capnione *Intercessio* ibi praemissa legitur, elegiaco carmine confecta. Integrum etiam *Capnionis Triumphum* reuerend. *Maius* Adnotationibus suis in *Vitam Reuchlini*, p. 480, adiecit. quem quidem, ab Hutteni ingenio profectum esse Triumphum, tum fugiebat.

*fremitu: postquam Erasmus anno iam
 CIO IO XVII Herm. Nuenario confirmauerat,
 se ante biennium Triumphum Reuchlinicum, iam
 tum paratum editioni, in Germania premendum
 curasse. qui idem Erasmus Hutteno, indi-
 cato XIX anno, quum hic Triumphum
 prodiisse, significasset, rescripsit: Trium-
 phum nondum vidimus. gratum erat, quod
 nostro consilio tamdiu prefferint, nec dubito, quin
 totum argumentum sint moderati. Ipse omnium
 primam, nisi me forte fallit opinio, ha-
 beo editionem, ita inscriptam: Ioannis
 Reuchlin, viri clarissimi, Encomion: triumphan-
 ti illi ex denique obscuris viris, id est Theologistis
 Colonienf. & Fratribus de ordine Predicatorum,
 ab Eleutherio Byzeno decantatum. in calce libri
 legitur: Maximiliano Romanorum ac Germa-
 norum Imperatore Inuictiss. rerum habenas mode-
 rante. Carmine heroico libellus conscri-
 ptus est: cui ad Principem ac populum Germa-
 norum præfatio est præmissa. Ecce, inquit
 hac, vobis Triumphum Capnionis, o Germani,
 eius Capnionis, quem vos e faucibus perditissi-
 morum hominum Theologistarum, ut vobis super-
 esset hæc gloria, summa contentione eripulistis.
 Proinde exsultate ac plaudite. Non parua enim
 res effecta est, datumque vestri erga summos vi-*

ros studii documentum ingens. Percussa infimo-
rum hominum invidia. effrenata profligatorum
nebulonum libidini frenum inditum. habitus
honor studii. proposita virtutibus premia. re-
vocata ab interitu litteræ. Diis gratia. Ex
longo ac pudendo errore oculos recepit Germania.
Alloquium, quo in fine Theologistæ pro-
secutus est auctor, infra adducam: ex
quo haud obscure cognosci poterit, Hut-
tenum esse auctorem, nullum alium.

pag. 7. Theologiflas auxiffe, nescio quas, fuas aduerfum nos Lamentationes). Ex his ipfis verbis non difficulter colligi poffe, opinor, quis celebratifimarum obfcurorum virorum Epiftolarum auctor fit; de quo varie inter eruditos adhuc eft difceptatum. fuerunt enim, qui foli Huttено nostro deberi iftas, adfirmarunt (d): alii Io. Reuchlinum, alii Eob. Heffiam, alii alios, illarum auctores habuerunt (e). quidam princi-

L 3 pes

(d) inter hos est *Iac. Thomafius*, qui in prae fat. *P. Manutii Epistolis* prae m. adfirmavit, *se certa fide exploratum habere, Huttenum ridiculi operis auctorem esse*: clarissimi huius viri sententiam secutus est *Morhofius* Polyh. litterar. I, Cap. 23. §. 43.

(c) *Reuchlinum* auctorem esse, P. Iovius sibi persuaserat: cui fidem habuit Io. Contr. Dietericus in Progr. de

pes bonarum litterarum vindices, laborem inter se partitos, ridiculum opus confecisse, statuerunt (f); quo Ortwinum Gratium, qui multis scriptis *Hochstratum*, acerrimum istum Reuchlini hostem, defensum iuerat, in inuidiam adducerent, & *infesteti seculi barbariem ac stribliginem* facete simul exprimerent. id quod fecisse, nominatim ab iis perhibentur, *Comes Herm. Nuernarius, Vlr. Huttenus, Io. Reuchlinus, Herm. Buschius, Io. Casarius, alii.* Quin in horum numero *Bilib. Pirckheimerus & Henr. Stromerus* referendi sint, ego non dubito. *Plures* saltem festiui operis auctores fuisse, ex allatis Hutteni verbis colligi omnino posse, censeo. præterquam quod multa alia rei supersunt indicia atque vestigia; quæ *Iac. Thomafius*, vir clarissimus, inter schedas suas diligenter, collecta nobis reliquit (g). qui tamen
Hut-

de Restauratione Græcar. litterar. per Germaniam auspiciis Io. Reuchlini, Giesse prop. an. 1661. Eob. Hessam auctorem esse, Mich. Sonleutnerus credidit in Orat. de Success. stud. per Germ.

(f) statuit ita *Herm. Hamelmannus Op. Histor. p. 198, & 298.*

(g) edita Tom. IV *Observation, Halens. p. 153. seqq.*

Huttenum coryphaeum habet, atque *ludi huius choragum*: nec sane iniuria. Quo anno uterque *lepidissimarum Epistolarum liber* prodierit, accurate indicare non possum (h). *primum* paullo ante saeculi annum XVII diuulgatum esse, ex isto *Apostolico Breui*, quod magno auri pondere *Colonienses Theologistae a Leone X. P.* contra ipsum hunc librum eiusque auctores impetrarunt (i), cognosci potest: utpote

L 4

quod

(h) vidi quidem omnium *primam*, nisi omnia me fallunt, *Prioris libri editionem*; quo extremo sequentia verba leguntur: *Et sic finis Epistolarum obscurorum virorum. Deo gratia eiusque sanctae Matri. In Venetia impressum in impressoria Aldi Minutii, anno quo supra, etiam causatum est, et in aliis, ne quis audeat post nos impressare per decennium perillustrissimum Principem Venetianorum.* verum annus non est indicatus; nec dubito, quin locus, quo typis exscriptae dicuntur, fictus sit. Fusius hac de editione egi de *Latina Lingua in Germ. Fatis* Comment. p. 322, in notis.

(i) ipsi confesierant, *se ob Breue illud belle auro esse emunctos.* vid. supra citata *Pirckheimeri* epistola, an. 1517 d. 26 Iunii scripta & in Italiam ad *Huttenum* missa: quam *Rittershusium* suo de *Vita Pirckheimeri* Commentario p. 24 inseruisse, commemoravi: significauerat ista quoque *Pirckheimerus Hutteno* fratri,

quod datum est *Romæ d. XV Martii CIO IO XVII(k)*. Alterum quoque librum eodem XVII anno lucem iam adspexisse, ex quadam Erasmi epistola patet (l). Sententiam istam de Leonis manu extorsisse, non satis habentes Theologistæ, Capnionis isti *pediculi*, ut Eitelw. de Lapide appellare eos consueuerat, insequenti anno

tres, siue Theologistæ, qui ipsum auctorem obscurorum esse clamitarent, Vricum VVirtemberg. Ducem contra eum insligasse. Vt nebulones pecunias dilapidare rursus cogerentur, titulum mutandum censebat tum Pirckheimerus, sic, ut pro Obscuris Clari viri inscriberentur.

(k) cuius vehemens satis est exorsus: *Intelleximus non sine graui animi molestia, nonnullos iniquitatis filios, a quorum oculis Dei atque hominum timor abcessit, improba ac damnabili & temeraria loquacitate ductos, quendam libellum famosum, cuius titulus est: Epistola obscurorum virorum ad venerabilem virum magistrum Ortwinum Gratium Dauentriensem, Colonia Agrippina bonas litteras docentem, & reliqua, edere. Omnes ac singuli vtriusque sexus Christiani eo ab libelli lectione abstinere, & omnia huius exempla continuo comburere iuebantur: illis vero, qui non paruerint, illa excommunicationis irrogabatur pena, a qua nemo nisi Pontifex ipse, praterquam in mortis articulo, immorigeros absolueret valeret.*

(l) ad Io. Casarium, an. 1517, d. 16 Aug. scripta, mox citanda.

no *Lamentationes obscurorum virorum* ediderunt (m), quibus præter Apostolicum Breue, *Erasmi Epistolam*, qua ad Io. *Cæsarium*, quid de *Obscuris* senserit, perscripsit (n), inseruerunt; adiecta præterea

L 5

Epi-

(m) *Colonia ex adibus Quentelianis an. 1518, quinto Idus Martius*. Ne quis *Lamentationes* has cum *obscurorum virorum Epistolis* confunde. et, & ut ipsa statim inscriptione Reuchlinistæ pungerentur, ira ab *Orto Gratio* sunt insignitæ: *Lamentationes obscurorum virorum, non prohibita per sedem Apostolicam: effigie* adiecta, quæ Reuchlinistarum cohortem mœrentem lamentantemque repræsentat: cui diaboli in vespertilionum figuras formati candelam & conspiculum administrant, & nescio quid folliis ope inspirant. Sed tamen & nostra & priore ætate fuisse doctissimos viros, qui *Lamentationes* a Reuchlini fautoribus profectas arbitrati, has cum altero *obscurorum virorum Epistolarum* volumine confuderint, probe notauit is, qui cl. *Iac. Thomasi* de Epistolis his schedas, quibus & suas obseruationes adiecit, edidit; cit. Tom. IV *Obseruat. Hal.* p. 164, seqq.

(n) Maxime omnium laudauerat initio *Erasmus obscurorum virorum Epistolas*, negans, vquam excogitatum, compendiosorem *Theologicas insectandi viam*, & istam denique optime initam fuisse *rationem barbæ ridendi barbaros*; gratulabatur igitur auctoribus hanc felicitatem. quid? quod ipse, quum nondum excusæ essent *Epistolæ*, sua manu quasdam describeret, in *Angliam & Galliam* amicis eas missurus.

Epistola apologetica Ortwinii Gratii, ob primam a parvulo educationem Dauentriensis cognominati, Aggrippensis quoque academiae philosophi Christianique Sacerdotis ad obscuram Reuchlinistarum,

surus. ex quibus Thomas Morus ad Erasmus scribens, sic de editis iis iudicavit: *Epistola obscurorum virorum, opera pretium est videre, quanto opere placent omnibus, & doctis ioco & indoctis serio, qui, dum ridemus, putant, rideri solum tantum, quem illi non defendunt, sed gravitate sententiarum dicunt compensatum, & latere sub rudi vagina pulcherrimum gladium. Utinam fuisset inditus libello alius titulus! profecto intra centum annos homines studio stupidi non sensissent nasum, quamquam rinocerotico longiorem.* Ep. Erasmi. Append. p. 1575. Quum vero alter quoque *Epistolarum libellus* editus esset, ac irritatos cernebat Erasmus crabrones, re suspicionem incideret, se, vel ipsum earum auctorem esse, vel institutum saltem approbare, istam ad Io. Casarium misit epistolam: qua quum obs. vir. *Epistolas* magnopere displicere sibi adfirmaret, ac ipsum opus auctoresque increparet, famæ antevertere cupiebat. qua de re Huttenus tum, quum, ut alibi a me ostendetur, amicitia inter ipsum & Erasmus est discissa, graviter conquectus est, scribens inter alia in sua cum Erasmo *Expositione*: hoc tum inimicis nostrum telum dabis contra nos acerrimum. Ad illustrissimum Nuenarium quoque eodem fere tempore, quo ad Casarium epistolam istam misit, litteras de-

die

rum cohortem, citra bonorum indignationem missa. Ex qua inscriptione iterum palam fit, non ab vno profectas esse obscurorum virorum Epistolas. Satis insuper
 ex

dit Erasmus; quibus non minus aperte obsc. vir. Epistolas edendi consilium improbauit, ægrefereus, quod isti, quicumque (quasi auctores ignorarit), fuerint, non contenti, sic ineptisse, alterum priori similem libellum ediderint, in quo ipsum toties nominandum putarint. Ep. *Erasm.* Append. ep. CLXVIII. Eare *Catalogus Reuchlino fauentium*, quem *Pirckheimerus Reuchlini Apologie*, siue præfationi in *Luciani dialogum Piscator* inscriptum, adiecit, Erasino non admodum probabatur. Verum, prout hominis animus mobilis maxime est, idem *Erasmus* ad eundem istum *Cesarium* an. 1518, d. 5 April. ep. CCLXXVII Append. scripsit: *Pessime consuluit rebus humanis, qui titulum indidit Obscurorum Virorum: quod ni titulus prodidisset lusum, & hodie passim legerentur illa Epistola, tamquam in gratiam Predicatorum scripta.* Adest heic *Louanii Magister noster*, pridem prior apud *Bruxellas*, qui viginti libellos coemerat, gratificaturus amicis, paullo ante quam *Bulla* illa prodiret, que effulminat eum libellum. *Primum optabam non editum eum libellum, & erum ubi fuerat editus, optabam alium titulum.* Sunt illi quidem digni maioribus conuiciis, sed exemplum est odiosius, & quod in furto molestissimum esse consueuit, suspicio incerto auctore per omnes vagatur, & cuique sua comie.

ex ipsa apologetica hac epistola apparet, *Ortwinum Gratium Lamentationum esse auctorem*. Quem suas litterulas turpiter seruire voluisse quorundam stultitiæ, seu potius ambitioni, hoc magis miratus est Erasmus (o), quod eo ingenio præditus videbatur, ut, si vero iudicio iustam operam adiunctam voluisset, inter *eloquentes ac litteratos* haberi potuisset: qui vero tunc non alio facinore innotuerit, nisi quod calumniatus sit Reuchlinum & huius amicos; quodque quorundam *infanti malitiæ mercenarium ciboque conductum rhetorculum* se præbuisse visus sit. Quando de reliquo Ortwinus nonnullas *Lamentationes Moguntie ex domo luctus & conuiuii, Moguntie ex publica corona Obscurorum portu*

coniectura, aut suus suggerit adfectus. neque enim deerant, qui me crederent earum Epistolarum auctorem quum mihi nec nomina forens nota, nec inuitabilis phrasis. In obscuror. viror. Epistolarum auctorem, vel potius auctores inquirat Vincent. Placcius in *Theatri Anonymor. & Pseudonymor.* p. I, f. 378, n. 1540 a. & clariss. Heumannus de *Libris Anon. & Pseudon.* Schediasm. p. 120.

(o) ep. CCCLXXIV. Natione *VVestphalus* fuit, in *Monaster. regione* natus, vid. *Hamelmanni Op. Hist.* p. 189.

portu datas simulauit, *Huttenum* cum primis atque *Stromerum* perstringere mea sententia voluit: vtpote qui in *Mogunt. Archiep. Aula* tum viuebant; *Huttenum* quoque *Reuchlinistarum antesignanum* recte simul his verbis prodere voluisse mihi videtur. Has itaque *Lamentationes* intellexit *Pirckheimerus*, quas Theologistas auxisse aduersum ipsos, ad *Huttenum* scripserat: quæ nempe eiusdem XVIII anni *Augusto* mense *Colonix* auctiores prodierant, quum mense *Martio* *Gratiani* ingenii fœtus lucem primum adspexisset.

pag. ead. *haud dum scio, secure magis contemnenda sit, quam indignanter exagitanda.*) Subdubitasse se aliquamdiu, vtrum obstinatissime aduersarios ab se sociisque contemni, quam infensissime aliquando impugnari eos, præstaret, *Hermanno Nuenario* paullo ante confessus quoque erat (p). Verum hoc contemnere, quod ceteroquin omnibus *Apologiis* prætulit, non satis fore censuit denique, ad illud, quod susceperint, negotium; vt vigerent litteræ, barbaries exsularet, docti in veneratione, scioli

passim

(p) in verbosa illa & sæpius citata supra epistola, quam separatim prodisse, ostendi.

*passim despectui essent. id quod Deo adiu-
vante ad aliquem iamtum progres-
sum deductum senserat, sed non quo
oporteret.*

*pag. ead. qui se oborienti iam bonæ eruditio-
nis soli intempestivæ nubes opponunt) elegan-
tem pro bonis litteris renascentibus aduersus bar-
bariem, eiusque satellites ac πρῶτα Sophi-
stas epistolam Pirckheimerus ad Vincentium
Longinum scripsit (q). Spero, ait, breui fo-
re, quum opera tua, tum reliquorum doctorum
virorum, quorum magnus undique emergit nu-
merus, ut, explosa tandem omni barbaria, cul-
tiores ad nos litteræ reuertantur, quibus tam-
quam sagittis consodienda sunt inertia ista pecora
καὶ κακὴ ζῶα, quæ nihil nisi foenum rodere
didicere, ac omnem cibum lautiorē adspernan-
tur, quia eo vesci iam pridem desperauerunt.
Quantæ molis fuerit, bellum cum hor-
rendis eiusmodi monstris non modo for-
titer suscipere, verum acriter etiam ge-
rere enixeque sustentare, pauci oppido
hodie reputant. quare fit, ut ætas no-
stra de Hutteni, Pirckheimeri, Nuenarii, Bu-
schii, & reliquorum fortissimorum belli
istius*

(q) Op. Pirckheimer. Append. p. 400.

istius ducum laudibus penitus ferme conticescat.

pag. ead. *quantum referat*) tantum referebat, vt Germania resipiscere prius non potuerit, quam, opitulante Deo, *taurorum*, id est Sophistarum, *cornua* in Reuchlini, Hutteni, reliquorumque sociorum firmitate ita *fracta sint*, vt veris tandem theologiæ studiis tam impudenter resistere porro non valerent (r).

pag. 8. *Pepericorni Iudei*) Io. Pfefferkorn, conuersus *Iudeus*, intelligitur, qui, Colonia versatus, maledicentissimam suam linguam ac venalem calamum, *Reuchlini aduersariis*, vt paullo ante, vbi de *contumeliosa* ista contra hos diuulgata

pictu-

(r) tam cognitum id habuit b. Lutherus, quam qui maxime; vltro gloriam istam Reuchlino concedens, lib. II ep. ad Reuchlin. 72. qui eodem anno, quo Huttenus epistolam ad *Pirckheimerum* dedit, Tom. I, Epist. p. 60, b. ad *Iudocum Eisenac. Theol.* scripsit: *Atque, vt me etiam resoluam: ego simpliciter credo, quod impossibile sit Ecclesiam reformari; nisi funditus Canones, Decretales, Scholastica Theologia, Philosophia, Logica, vt nunc habentur, eradicentur, & alia studia instituantur: atque in ea sententia adeo procedo, vt quotidie Dominum rogem, quatenus id statim fiat, vt rursum Biblia & s. Patrum purissima studia renouentur.*

pietura, cuius inventor Huttenus habebatur, a me actum est, cognouimus, commodauit. Vberrime de nugatoriis conuiciis, quibus optimi Reuchlini famam proscindere non dubitauit nequissimus Pepericornus, egit clarissimus Maius (s): vtpote cui quædam Hutteni nostri *Epistola de Pfefferkornio ad Adolpbum Roboreum Colonensem*, & *Eitelwolsum de Lapide*, vna cum *Capitibus criminum*, quorum conuictus fuit, & *Exclamatione eiusdem Hutteni in flagitiosissimam Iudæi vitam* (f) ex Nicol. Gerbelii bibliotheca obtigerunt. Ex istis Hutteni litteris didicisse se, adfirmat reuerendus Maius, non eundem, fuisse.

(s) in Adnotat. ad *Vitam Reuchlini* p. 253. Add. cl. Herm. von der Hardt Mogunt. *Reuchlini Histor.* p. 14, seqq. Impius Pepericorni conatus pluribus etiam verbis persecutus est Sleidanus, ad an. 1520. p. m. 23, b. seqq.

(f) in *sceleratissimam Ioannis Pepericorni Vitam Hutteni Exclamatio*, heroico carmine confecta, inserta legitur *Operibus huius Poet.* Q. 3, b. cui hi ad *Leorem* versus præfationis loco sunt præmissi:

*Hic diras scelerum formas, funestaque narrat
Crimina, subtili commoditate liber,
Qua Pepericornus, recutita gentis alumnus,
Sed baptizatus, facit, & igne luit.*

fuisse *Pepericornum*; qui *Hala Saxonum*, propterea quod nefaria multa de Seruatore nostro dixerat, supplicio est adfectus.

pag. 9. decreui animoso in frontem impetu obturbare) obturbauit tum quoque, quum *Hochstratus*, infensissimus omnium *Reuchlinistarum* hostis, & *Theologistarum Alpha*, cuius sæpius iam mentio iniecta est, *Hala Saxonum* obuiam ei factus esset. equo enim defiliens *Huttenus*, improbo homini gladium intentasse dicitur, vindictam scelerum ab eo petiturus; quo facto, *Hochstratum* in genua prostratum, rogauisse nobilissimum heroem, ferunt, si quid intercesserit inimicitiarum, id calamo potius, quam ense prosequeretur, homini iam imbelli parceret. sic placatum, *Huttenum* ac misertum, non adfixisse quidem eum, sed gladio tantum obliquo aliquoties verberasse (t). Erunt fortasse hodie, quibus *Huttenus immoderatam libertatem licentiamque inimicos oppugnandi præse tulisse* videbitur. illi cogitent, quam atrocibus modis, tum publice, tum priuatim

M

tim

(t) ex *Cass. Barthlo* se audiuisse ista, cl. *Iac. Thomafus* c. l. confirmauit.

tim, irritauerint eum linguarum ac bonarum litterarum hostes: de quorum furente impetu maledicendique contentione in ipsa etiam ad *Pirckheimerum* Epistola grauiter conquerentem eum audimus. Enimuero ab iniuria non temperarunt isti, in sacris concionibus, in scholis, in conuiujs odiosissime, immo seditiose quiduis apud imperitam multitudinem contra meliores litteras, harumque cultores vociferati, facinus non ferendum arbitrati, si quis horum ausus fuerat mutire (u): Huttenum non solum *pseudo-Christianum* appellare, sed etiam *palam* minitari ei sustinuerant; omnem defensionem penitus adimendam ei, criminati (v).

pag.

(u) eo nomine *libertas*, quam Huttenus prae se tulit, *Erasmo* intolerabilis visa non est. vid. Epist. eius CCC XVII. *Herm. Buschius Vallum humanitatis* conficere tum necesse habuit, eodem 1518 anno *Coloniae* in 4 emissum. quandoquidem, vt ex praefatione cognoscere licet, *Theologice* aperte calumniabantur, *peruersitatis*, *vanitatisque*, ac potius *falsitatis*, quam *humanitatis*, & turpium lenonum, quam proborum hominum esse ista studia, & nihil diuini continere, nihil honesti.

(v) grauissimum testis est ipse *Pirckheimerus* in *Apologetica* sua epistola *Luciani Piscatori* praemissa.

VITA COMMENTARIVS. 179

pag. II. *Cum ipsa Italia nullum valde certamen detrectet*) Tempus iam aderat, quod futurum diuinarat *Rudolph. Agricola*. summam certe hic vergente priori saeculo in spem venerat, fore aliquando, ut *priscam insolenti Italiae & propemodum occupatam bene dicendi gloriam extorquerent Germani*; vindicarentque se, & ab ignominia, qua ipsos barbaros, indoctos & elingues, & si quid incultius his erat, esse iactitabant tum Itali, exsoluerent: futuramque tam doctam atque litteratam Germaniam, ut non *Latinius vel ipsum Latium videri posset* (x). Quamquam id laudis iam tum per summam ipsius *Agricolae* eruditionem consecuta fuerat Germania: qui ut vates etiam cecinerat, adolescentem *Erasmum magnum* olim fore.

pag. ead. Quos *Geuderus* primum domi tua erudiisti, nihil veritus homo *Patricius* effecerat etiam, ut soror ipsius *Charitas* non minus moribus & vitæ probitate, quam eruditione ac bonis litteris claresceret: quæ propterea illum non solum ut

M 2

vni-

(x) felicitatem hanc *Germania* prædixerat in epistola ad *Rudolph. Langium*, *Lacubrat*. coniunct. *Colom.* an. 1539, 4, edit. pag. 178.

unicum fratrem amplectebatur, verum etiam fidelissimum venerabatur patrem, præceptoremque diligenter colendum: petere ab ipso non verita, ut in *Monialium cætum*, cui ipsa præfecta erat, accedere subinde, & *Latinam linguam tradere* persequeretur: in qua addiscenda nullo, præter ipsum hunc fratrem suum, usam se antea esse præceptore, falsa est (y). qui curauerat etiam, ut filia sua *Catharina Latinis litteris institueretur* (z).

pag. ead. quantum sit recte institui, recte discere) Summa rei huius necessitate adductus prudentissimus inclytæ *Reipublicæ Senatus*, paucis annis interiectis, *novam Scholam* in florentissima vrbe sua instituendam decreuit; postquam dudum auctore *Io. Pirckheimero*, *Bilibaldi* parente, publicum professorem constituerat, qui oratoria & poetica facultate pollens, salario exarario

(y) in epist. ad ipsum fratrem scripta, quæ VII est inter eius epistolas pag. 345, Op. *Pirckheim. Singularis* enim *Charitatis* huius *Pirckheimeræ*, *Abbatissæ Ordinis S. Clare* in cænobio *Norimberg. Epistolar. Liber* eiusd. *Bilib. Pirckheimeri* Operib. est insertus.

(z) vid. *M. Crusii Annal. Suev. P. III, lib. III, c. 4, p. 147.*

rario publico soluto, vtramque artem ad *Italicarum urbium* quarundam morem doceret (a). Ad nouam istam Scholam inaugurandam Senatus-Phil. Melanchthonem Witteberga inuitarat: qui elegantissimam in ipsius nouae Scholae Laudem, in doctissimorum virorum & totius ferme Senatus corona, habuit orationem (b): qua Senatum his verbis compellauit: *Necessario tempore vobis in mentem venit, exulantes suis sedibus litteras hospitio excipere, & tamquam domum deducere. Non pigeat adiecisse hoc decus reliquis ornamentis urbis vestrae, quae iam opibus, aedificiis, opificum ingeniis, ita floruit, ut conferri cum quauis laudatissimarum urbium apud veteres recte possit. Neque alia urbs in Germania doctiores haecenus ciues habuit: qui quia ad gubernandam Remp. scientiam optimarum artium adhibuerunt, effecerunt, ut reliquis Germania urbibus haec longe praestaret omnibus. Nunc autem, quum heic domicilium honestis disciplinis constituitis, ad il-*

M 3

lum

(a) ostendit Id. *Conr. Celtes* cap. XII, de *Origine, Situ, Morib. & Institutis Norimb.* lib. Op. Pirckb. p. 133. & *Conr. Rittersbusius* *Commentar. de Vita B. Pirckheimeri*, p. 23.

(b) quae an. 1526 habita, continetur Tom. I *Declam. Phil. Melanchthon.* p. 435.

Item cumulum laudum vestrarum, incredibile est, quanta fiat accessio. & quæ sequuntur luculentissima verba grauisimæque sententiæ aliæ. Docuit aliquamdiu in noua hac Schola vna cum Eob. Hesso Ioach. Camerarius; viri iam tum celeberrimi, Ph. Melanchthonis auctoritate eo arcessiti (c).

pag. 12. IOANNEM DE MONTE REGIO) Suum ciuem appellat hunc Huttenus, quia ex non ignobili *Franconia* vrbe, *Regis monte* (*Königsberg*) erat oriundus: quæ sæculi istius more ipsi nomen dedit, quum *Mullero* ei antea fuerat nomen. Eximii huius *Mathematici*, qui cunctæ Germaniæ singulari ornamento existit, & quem Italia magnopere ei inuidit, vitam qui cognoscere volet, eam inter *Melch. Adami* vitas *Philosophorum* inueniet (d), *Phil. Melanchthonis* ductu antea summatim conscriptam (e). a *Petra Gafsendo*

(c) vid. *Ioach. Camerarii* Narrat. de *Eob. Hesso*, C. 4, b. & huius epist. ad *Eur. Cordum*, *Libello Nouo* Epistolæ & alia monimenta compl. a *Cameraria* ed. *Lipsiæ*, an. 1568, C. 5, b.

(d) p. m. 5.

(e) Tom. III Declam. p. 252.

VITA COMMENTARIUS. 183

sendo quoque Regiomontani, eius Præceptoris Georg. Purbachii, aliorumque celeberrimorum Astronomorum vitas coniunctim editas esse (f), constat.

pag. ead. CHVNR. CELTIM Poetam, ignoto tunc in Germania poete vocabulo) *Caesaris, puta, manibus laurea ornati. Alex. Hegium enim, Rud. Agricola, Rud. Langium, qui singuli Celti ætate præstiterunt, Poetica arte excelluisse, inficiari nemo sustinuerit. quibus etiam laudem hanc vindicatum iuit Herm. Hamelmannus (ff): a Io. Frithemio & compluribus aliis nominatim iis impertitam. Nec vero Celtes eruditissimis & immortaliter de omni Germania promeritis litterarum instauratoribus istis debitam laudem intercipere voluisse videtur, quando de se scripsit:*

*Primus ego titulum gessi nomenque Poeta:
Caesareis manibus laurea nexa mihi.*

pag. 13. ALBERTVS DVRER) *Bonomienses pictores publice pictura principatum in uni-*

M 4

verso

(f) *Parisi an. 1654, 4. & Hægæ Com. an. 1655 ead. f.*

(ff) *in Orat. de Doctis VVestphaliae viris p. 109. seqq. Op. Histor.*

verso orbe *Durero* detulerunt, adfirmantes, iucundius se morituros, viso tam diu desiderato *Alberto*. id quod *Christoph. Scheurl* testatur, qui ipse talia coram audiuerat (g). *Bil. Pirckheimer*, prout pulcherrimam & liberalibus artibus proximam pingendi artem, magno in pretio habuerat, cum *Alberto* hoc intimam coluit amicitiam, & pæne quotidianam vitæ habuit consuetudinem; omnibus modis eum adiuuans ac promouens, quo melius atque commodius artem suam excolere, & ad tantum fastigium posset perducere, ita, vt mirum non sit, quod, mortuo *Durero*, dolenter admodum iste ad *Huttenum*, in hunc modum scripserit (h): *Et si iam sapius*

(g) in vita *Antonii Kressii* I. V. D. & *Præpositi S. Laurentii* Oper. *Pirckheim*. p. 352, vbi magistri recensentur simul, sub quibus profecit tantus artifex. add. *Conr. Rittersbusch* Comment. de vita *Pirckheimerii*, p. 16.

(h) *Pirckheimerian*. Append. p. 399, ep. 10. inscripta certe ibi est epistola *Vdalrico Hutteno* de morte *Alberti Dureri*, Appellus Germanici. Verumenimvero ex Epitaphio: quod *Melch. Adamus Dureri* vitæ pag. 70 *Philosoph. Vit.* adiecit, cognoscere est, hunc VIII Idus April. an. c1513, xxviii, ætatis suæ LVII, obiisse, quod si fuerit, *Pirckheimerus* profecto

sepius dolorem, qui ex morte necessariorum suboriri solet, expertus fuerim, nescio tamen, an cuiusquam obitus talem mihi umquam luctum attulerit, qualem nunc optimi ac amicissimi nostri Alberti Dureri abitus repentinus concitat. nec iniuria, quum neminem ex omni humano genere, qui mihi sanguinis saltem vinculo iunctus non esset, magis dilexerim, ac pluris ob innumeras eius virtutes probitatemque singularem fecerim. Proinde, mi Vdalrice, quum sciam, calamitatem hanc communem mihi tecum esse, potissimum apud te dolori meo habenas laxare ausus fui, quo pariter amico tanto iustas persolueremus lacrimas. Obiit Albertus noster, Vdalrice optime: prob satorum ordo inexorabilis! prob misera conditio humana! prob dura inclementia mortis! Vir talis tantusque nobis ereptus est, quum interrim tot inutiles ac nullius frugis homines fortuna prospera perpetua, vitæque fruantur plusquam diuturna.

pag. ead. ad omnia, quæ ingenio indigent, hebetes nos esse) Germanos, Itali censabant, esse, gentem victu asperam,

M 5

in-

fecto huius mortem nostro Husteno, qui anno iam. 1533 animam suam celo reddidit, significare non potuit.

incultam moribus, studio venandi, & militiæ barbaricæ deditam; quæ ad rapinam, quam ad iustum congressum multo paratior esset, quæ *studia humanitatis non tam attingeret, quam capere non posset* (i).

pag. 14. ALBERTVM) Orat. II in Wirtemberg. D. eum ita allocutus est: *Alberte, Episcoporum huius temporis decus, unicuique pietatis ornamentum, pacis presidium, ac rectissimorum studiorum adfector.*

pag. ead. iam quiddam parabat, vnde nobis magnifice consultum fuisset) Moguntia, ubi orii sui sedem delegerat, *studium litterarium*, siue *Gymnasium* vel *Academiam*, uti hodie loquimur, quale in tota Europa non esset, allecta ad hoc *Alberti* Principis liberalitate, parauerat instruere, partim etiam sua pecunia, partim eiectionibus inutilibus professorculis; & quibus illi alebantur stipendiis, ad meliorem usum translatis (k). *Eitelw. de Lapide*, qui id parauerat, copiose supra est laudatus.

pag. 15. *quod sciret litteras*) siquidem persuasum habebant tum Germani, *litteris*

(i) *Io. Ant. Campanus* certe sic censuit lib. IX ep. 45.

(k) parasse id *Eitelw. de Lapide* Huttenus litteris prodidit, in ep. ad *Iac. Fuchs*, supra cit.

teris animum effeminari virilem, nequaquam manu strenuum pariter & eruditione clarum esse posse. quali sententia in educando Ulrico Wirtemberg. Principe consiliatores ac rectores fuerant; qui litteras eam ob causam indignas plane censuerant, quibus Princeps operam nauaret: quem palæstricis tantummodo artibus venationibusque vacare necesse habere, existimauerant; ut vires ad belli labores sustinendos augeret, corporisque tueretur colores (1). Ipse Pirckheimerus, quum patrens ex aula Eystadiensi iuuenem cum abstractum in Italiam mitteret, ut cum studiis in gratiam ibi rediret, ægre initio ferre id videbatur: utpote cuius animum praua itidem ac peruersa opinio inuaserat, litteras hominibus militaribus & aulicis non solum non necessarias, verum de decori etiam esse atque ignominie (2). In qua opinione, tantum abfuit, ut perseueraret, ut, quamprimum doctrinarum studia

(1) Pirckheimeri dedicat. ep. VI, Op. pag. 236 & P. Tebtinger in Comment. de rebus Wirtemberg. in Scharidii Coll. Script. Germ, T. II, pag. 57.

(2) vid. Rittersbusii Comment. de Vita Pirckheimeri, P. 4.

studia attingens denuo, sensu suo gustare ea recte cœperat, nemini in amore eorum concesserit deinceps.

pag. ead. *ab aure Caesaris potentes*) de numero horum fuisse *Conr. Peutingerum, Iacobum Spiegel, & Io. Stabium*, ex superioribus obscurum non est. Gratia quoque apud Imp. Maximilianum multum potuit *Io. Cuspinianus*, qui mansuetiores disciplinas cum Medicinæ studio feliciter copularat; & qui eiusdem Imperatoris iussu modo laudato Stabio lauream sollempni ritu contulerat (m). Nec vero ipse *Pirckheimerus* gratia apud Maximilianum non floruit. floruit hac etiam *Iacobus de Bannisis*: ut paullo post ostendetur.

pag. 16. *eos, qui leges profitentur*) quo numero hitum fuerint, ex his *Hutteni* verbis, clare apparet (n): *Bartolista sunt, qui nunc in auribus Principum quasi spongiaherent. quibus consultoribus respublica gubernantur. ad quorum præscriptum omnia domi forisque geruntur. qui soli docti sunt, solique doctrina*

(m) ut ex *Cuspiniani* vita a *Nic. Gerbelio* conscripta, & *Cesaribus* eius præmissa, cognoscimus.

(n) quæ leguntur in ep. ad *Crotum Rubianum* *Nemini* præf p. 11.

*Etrina pretium inueniunt. quibuscum suum i-
 sti diuites aurum commune habent. quos solos
 benignius salutant. Ac nescio, an vspiam mani-
 festius stultitia sua documentum, quam in deme-
 rendis rabulis, prabeant. quos quum reddunt
 purpuratos, ipsi aliquando egent inepti homi-
 nes, quasi non melior fuerit Germania status, an-
 tequam isti inuaderent tot voluminibus instructi,
 tum, quum plus valerent heic boni mores,
 quam vsquam scriptæ leges. aut non adhuc
 tanto quolibet ciuitas prudentius gubernetur,
 quanto ab ea longius absunt bi glossatores.
 Ac illos mihi intueatur aliquis apud Balticum
 mare Saxones, quam incunctanter, ac nulla
 iniuria ius dicant, non consultis quidem illis, quos
 dixi, leguleis; verum suo illo ab antiquis more,
 quum nos heic viginti annos, inter triginta sex
 doctores pendeamus. Qui quomodo persuade-
 bunt mihi doctrinæ opinionem, quum tot annos,
 tot perlectis voluminibus, inuenire, quid iuris,
 non possint? Obscure igitur intelligimus, quis a-
 lat istas in Germania contentiones? istas discor-
 dias? quis intestinis bellis connectat Principes?
 rebus publ. tumultus inuehat? omnia seditionibus
 impleat?*

pag. ead. in aula omnium turbulentis-
 sima) Quum adoleuisset Bilibaldus, a pa-
 tre

tre aula *Eystadiensis* Episcopi mancipatus fuit, non solum vt *aulicorum* cognosceret mores, sed etiam in *militia* & *artibus bellicis* se exerceret; eo enim natura quodammodo ferebatur. Acciderat enim eo tempore, vt Episcopus ille a quam plurimis vrgeretur hostibus, qui latrocinando & prædas agendo improuisas potius, quam iustum & indictum bellum inferendo prouinciam ipsius quotidianis incursionibus infestarent & deuastarent (o). Aula ista derelicta, anno ætatis vicesimo a patre in *Italiam*, vt intermissa quodammodo studia recoleret, ablegatus est. Reuersus hinc constituerat, *Doctōis gradum in utroque Iure* suscipere, *Cæsaris Maximiliani aulam* secuturus. a quo consilio parentis auctoritas eum reuocauit: posteaquam varia *aula incommoda, pericula, & immensos labores* in memoriam eius reduxerat parens; qui ipse talia aliquamdiu fuerat expertus.

pag. ead. *militares*) in bello *Heluetico*; suppetias, vna cum copiis a *Rep. Norimb.* ei

(o) quæ *Conr. Rittershusius* memoriz prodidit in *Comment. de Vita Pirckh.* p. 4.

VITA COMMENTARIVS. 191

ei commissis, *Maximiliano Imperatori profectus. quod bellum ipse duobus Libris memorix eleganter mandauit* (p).

pag. ead. *te delinimentis his resouendum dederis*) Ipse de se testatus est (q), *militum suorum petulantiam, a risu & subsannatione non abstinuisse, quum ipsum in castris nonnumquam libellos manibus tenere, ac inter bellicum furorem lectioni operam impendere, vidissent.*

pag. 17. *haud ignarus, quam multi, & qui feliciter hac (litteras & negotia) coniunxerint*) Ipsum *Maximilianum Imp. feliciter ea coniunxisse, præclare nouerat Pirckheimerus, qui cum ita in dedicatione quadam allocutus paullo ante fuerat, quam Huttenus hæc scripsit* (r): *Siquidem verissime adfirmare ausim, non solum inter bellicosos Imperatores te esse doctissimum, verum & inter doctos bellicosissimum: nec aliquem aque post*
Ma-

(p) ex schedis collectos & in ordinem redactos eos primus foras dedit *Conr. Rittersbusius Operib. Pirckheim.*

p. 63. seqq. insertos, breui, at luculenta, præfatione præmissa.

(q) ep. dedicat. VI, Op. p. 236.

(r) in dedicatione, qua ipsi *Imperatori Commentarium suum de Ratione scribenda historia* dedicauit:

p. 51.

Magnum illum Alexandrum ac Cæsarem Iulium *militarem disciplinam tam egregie litterarum studiis ac te, copulasse. Rara hæc felicitas, ac omni auro vix uni aut alteri concessa.*

pag. 18. *optimum quemque auctorem mecum circumfero*) Eitelwolt. de Lapide exemplum, ut in ceteris, ita hac etiam in re secutus est Huttenus. Is enim, numquam ab hoc sine *libris* visus: inter equitandum etiam ex doctissimis auctoribus aliquem, ut supra cognouimus, secum habuit; alterum armorum suorum genus eos appellans.

pag. 20. *a quo tuitionis spes dependeat.*) Erat omnino, quod cum primis ab *Vlrico Wirtemberg. Duce* metueret: qui probe noverat, *Huttenum* esse, qui *acerbissimas* in ipsum conscripsisset *Orationes*; & quem *Colonienses Theologi* in eum instigatum ibant. Magnopere idcirco cauere *Huttenum* iusserat *Pirckheimerus*, ne Dux iste horum consilio ipsi quoque *percussorem* submitteret (s).

pag.

(s) in epistola ista an. 1517 scripta & in *Italianam* ad *Huttenum* missa: quam *Conr. Rittersbusius* Comment. de *Vita Pirckheimeri* inseruit, p. 25.

VITA COMMENTARIVS. 193

pag. 23. in optato quodam vite portu collocas) Solitariam certe vitam Pirckheimero mirifice arrisisse, & agricolas, si bona sua nouerint, fortunatos ipsi visos esse, in verbosa ista ad Bernhardum Adelman de Adelmansfelden, eaque elegantissima, epistola aperte declarauit (1): qua secessum suum amœnissimum descripsit, nec non vite pariter ac studiorum suorum rationem exposuit.

pag. 27. in illa depinxi Nauigatione) illam Nauigationem innui ab Hutteno, arbitrator, quam in ipso Dialogo, siue Aula sua, adumbravit: vbi Misaulus, postquam Aulicum mare omni monstrorum genere, omnibus refertum portentis finxerat (2), pergit: ad quod per nauigandum quum me dulces quadam Sirenes illexissent, paullo post sentire capi, cuiusmodi malis fortuna inuoluisset, quantam mihi ad miseras meus error fenestram aperuisset. ac lugens cum Homérico sapiente dico: *ὦ δαίμων τέρετι θεῖρεξεν.*

pag. ead. disertum aliquem ea desiderat fabula) Exposuit hanc quidem centum annis post diserte admodum ac copiose

N

Da.

(1) quæ dedicator. ep. IV est, Op. p. 232 seqq.

(2) p. m. 49, 58, seqq.

Daniel Eremita in suis *Aulicæ Vitæ ac Ciuilibus Libris* (t): vtrum vero rem verbis æquarit, penes prudentiores sit iudicium. *Atticus Aula incolarum* initio cap. 2, lib. I, ita compellare fingitur: *Ehem, mi fili, te quoque in Aulam fortuna tua impegit? scilicet Charyb-
din illam nauigas, in quam periculosum ingredi, egredi etiam mortale? Scyllæ illi voraci iactandum te dedisti, in qua multi tam horrenda naufragia fecerunt, ut voto fuerit, tantum peruisse.*

pag. 32. *e vulneribus emissum sanguinem*) præsertim tum, quum quinque isti Galli, robore corporum ac animorum ferocitate horribiles, in Italia ipsum adorti, sinistra bucca conscissa, vulnera ei intulissent.

pag. 33. *Manca est*) Misit eam deinde *Eob. Hesso & Petreio Aperbaccho*, quum reposuerat, quæ *Cæsarei Scribæ* exemerant (tt).

pag.

(t) quos celeb. *Granum* an. 1701 vna cum variis *Eremitæ* Opusculis *Vltraiectioni* edidit in 8.

(tt) id quod ex epistola, quam ad eos dedit, & quæ *Eob. Hesse* Ep. famil. lib. XII, p. 288 exstat, didici. ad *Iulium Pfugk* ex ipsis Comitibus scripserat: *Mea ad Principes Exhortatio non edunt in lucem, quod insunt*
qua-

VITA COMMENTARIUS. 195

pag. 35. *ut, quod edere, non haberem, multo minus, quo vestire*) *seculi iam anno XI. fumorem ad Hutteni amicos perlatum esse, supra audiui, cum in Brunonis urbe spoliatum tum vixisse.*

pag. ead. *militare*) *in castris Maximiliani Imp. id quod ex superioribus obscurum non est.*

pag. 36. *a fortuna expectationem traham*) *Lepidum de ipsa hac expectatione, s. de Fortuna, Dialogum deinde confecit: cuius infra mentio facienda erit.*

pag. 43. *annos agentem in Italia prope quatuor*) *Satis hisce Hutteni verbis confirmatur id, quod supra collegi, ter saltem in Italiam ipsum profectum esse.*

pag. 45. *continuas in me figuras*) *his adnumerandæ forsitan sunt Lamentationes istæ, non prohibita per sedem Apostolicam: & binæ istæ sub Pepericorni Iudæi nomine contortæ in ipsum sagittæ.*

pag. ead. *biliosum cuiusdam σχῆμα*) *Orwinum Gratium, quem commemoratarum modo Lamentationum auctorem cognouimus, vel Hochstratum, Theologistam*

N 2

rum

quædam liberiora, quam fere hac ætas. Nosti, quam in partem soleam παρρησιαζειν.

rum Alpha, intellexit, ni coniectura me fallit.

pag. 47. *reliquas tue epistolæ partes persequor*) Satis denuo, quæ sequuntur, indicant, *Pirckheimeri epistolam integram nobiscum communicatam non esse*: nihil certe de partibus istius, quas persequitur heic Huttenus, in illa, quam habemus, & quam ego Commentario huic meo supra inferui, occurrit.

pag. ead. STROMERVUM) *Henricam Stromerum Aurbachium* intelligi, quilibet per se facile videbit. *Lipsiam* is tum transiit. quo ex *Alberti Archiep. aula*, in qua *Medici* munere vigilanter adhuc atque auspicato functum eum esse, intelleximus, & in qua *bellam istam epistolam*, *Aen. Syluii* libello præfixam, texuit, a *Georgio Saxonia Duce* deinde arcesitus est; vt & *Scholæ* tam eximie doctus *Medicus* decus esset, & ciuitatis *Senator* grauisimus(u).

pag. 48. *Legatus Pontificis hians lupus discedit, nihil a Germanis pecunia referens*) Is fuit *Thomas Caietanus, Cardinalis*. Quamquam illi, qui Pontificis auctoritati consultum volunt, eum ideo a *Leone X Augustam*

(u) vid. *Erasmi* Ep. DXVII, p. 567.

flam missum adfirmant, *ut Christianos Principes ad societatem armorum contra Turcos moueret.* multi tamen, qui plus prouiderunt, quorum etiam numero b. *Luthe-
rus* est, veriore missionis huius causam exploratam habuere, *ut videlicet decimas ex Lateranensis Concilii placitis in Germania impetraret.* breuiori præterea via *Lutheri negotium* Legati industria componi posse, persuasum sibi habuerat Leo. Verum utraque spes hunc est frustrata (v). Tomo II *Rerum Germanicarum Scriptorum a Marq. Frebero* editorum, pag. 393, Oratio legitur, qua dissuadetur, ne Principes in Decima præstationem quam Legati Leonis X, P. coram Imp. Maximiliano in Principum conuentu ad expeditionem contra Turcos petierant tum, consentirent. cuius orationis *Huttenum* nostrum auctorem putari, scribit *Freherus*.

pag. 49. *præsentissima est a ligno medicinali, quod adhuc dubitamus, quo nomine appellandum sit*) *Guaiacum* lignum fuit. de cuius viribus in morbi Gallici curatione insequenti anno singularem *Librum* edidit *Huttenus*,

N 3

Prin-

(v) perspicue id docet ill. *Seckendorf. Comment. de Lutherano*, lib. I, s. 16, s. XXXIII (3).

Principi suo *Alberto* inscriptum (x). *Nefas*, in dedicatione scribit, esse puto; hoc committere, ut diuinum hoc beneficium, hoc cælo delapsum auxilium, iam restitutus mihi; iamque valens ac vegetus, quacunque possim ingenii ope, ab obliuionis iniuria non vindicem - - - .

Quid refert, saepe declamatum a me prius dicere, quantam ego pecuniam curando hoc morbo elocauerim? quas torturas, quæ supplicia sub Chirurgis exhauserim? quas cruces tulerim? quantum mihi virium ex medicorum inscitia dependerit; quum tuo hæc gemitu testatus iam saepe & apud multos sis. Non igitur immensum hoc mihi existimandum est, potuisse restitui ex morbo, in quo non solum dolores passus sum acerbiores, quam ut in his viuendum fuerit, sed sæditate etiam tanta fui, ut omnium prope rerum ipsum me ægerrime tulerim? Age autem, quod fuit vitæ ibi periculum? Quam putabant homines, ætæ de Huttæno!

pag. ead. *Fucheri*) *Fuggeris* alias, ditissimis istis tum mercatoribus: quorum
in

(x) prima editio prodijt, ni fallor, Colon. an. 1519, ap. Io. Schæffer. accessit deinceps Scriptis de Morbo Gallico omnibus, quæ tum exstabant apud omnes Medicos cuiuscunque Nationis. Venet. an. 1566, fol. Tom. I, p. 239.

in Dial. *Fortuna* inscr. sæpe mentionem fecit Huttenus. ubi initio fere *Fortuna* expostulanti cum ipsa *Hutteno* respondet: *Fieheris dare primum oportet me; clamant enim annos iam aliquot, ducentis millibus opus esse quotannis sibi ad ea, quæ prius habuerunt, ut totum coemant ab Indis piper, ac id efficiant, ne sui, præterquam sibi, facultas sit vendendi in Europa crocum, in summa; plurimum ut lucrentur, & monopolium ut confirment.* Aucta est sex circiter annis post, quam scripsit hæc Huttenus, familia *Huldrico Fuggero, Raimundi fil.* qui *Kirchbergæ & Weißenhorni Dominus*, (in tantum enim fastigium euecta est a fortuna (y) familia)

N 4

in

(y) oppignerauerat *Maximilianus Imp. Vlrico, Georgio & Iacobo Fuggeris Weißenhornensem* atque *Kirchbergensem Comitatum*, fiscali iure ad se translatum, pro LXX millibus ad annos X. quum vero amplior fors deinceps accessisset: pignora tandem hæc ad *Georgii filios Raimundum & Antonium* deuoluta sunt: & iisdem vna cum insignibus & titulo *Baronum* priuilegioque *cadendi auri & argenti heredit.* XIV Nou. c13 13 xxx in Comitibus confirmata, Commemorat hæc *Mart. Crusius Annal. Suen. Lib. IX, P. III, cap. XIII, p. 526.* Multa alia memoratu digna admodum idem *Crusius* in istis *Annalib. suis de Familia* huius *summa fortuna* profert: quæle est
cum

in *Pauli III R. P.* cubiculo veritatis lumen agnouit: & qui *Henricum Stephanum typographum* suum constituit; *Heidelbergæ*, quo se, velut in tutissimum portum, receperat, mortuus, postquam *Friderico IV Elect. Pal.* suam magni propter manuscriptos codices pretii *bibliothecam* testamento reliquit. (z).

pag. 50. VLRICHVS G. DE HELFFENSTEIN) qui, vt ostenderet, gloriosam generis nobilitatem non sorte quadam, aut iure hereditario solum sibi obuenisse, sed ab se quoque auctam illustratamque esse, *litteris eam & optimis disciplinis* excolere voluit, idque tanto studio, vt inter arduas maxime res, *seuque pericula Martis, optimis auctoribus diligentem impenderet operam, & cunctas præterea litteris deditos summa prosequeretur beneuolentia* (a).

pag.
eum primis, quod lib. V, P. III, cap. IX, p. 279 narrat: omnium *primum* Fuggerorum *Ioannem* nomine, e *Gegginga* pago semimilliaro ab vrbe Augusta, ciuem in hac an. c10 ccc Lxx factum, *textoriam artem* exercere cœpisse.

(z) vid. *Abr. Buchholzeri Index Chronol.* ad an. 1584, p. m. 685, add. *Theod. Iansf. ab Almeloveen de Viis Stephanorum* Diss. p. 66.

(a) *Pirckheimer.* dedicat. Ep. XI, p. 243 Op.

pag. ead. IAC. DE BANNIIS) *Maximiliani Imp. a consiliis ac secretis, & Decanus Tridentinus*: qui inter primores pollebat aulicos. plurimum apud Maximilianum auctoritate & gratia valens: siquidem etiam vnus ex illis *Consiliarius* huius fuit, qui in sollemnibus istis comitiis b. *Lutherum*, quum d. XIII Octobr. *Caietanum* adiret, comitati sunt. Is præterea existit, qui Maximilianum ad *caprearum venationem* in saltus auios, præruptaque montium cacumina pergentem, sequi consueuerat. virum se præstitisse semperis prædicatur (b) tanta rerum prudentia, ea animi probitate, eruditione, vsu, vt *inter omnes excelluerit*; qui ad *humanitatis studia* velut ad *suauia ac blanda otia* sepiissime diuertèrit.

pag. 51. IAC. SPIEGEL, CONR. PEUTINGERVS) summa vtriusque in *Huttenum* merita supra sunt commemorata. Hic in Augustanis istis Comitiis vnus omnium in *Lutheri caussa* studiosissimum se præstiterat (c).

N 5

pag.

(b) eiusd. Op. p. 62.

(c) ipse *Lutherus* id adfirmavit in ep. ad *Georg. Spalatinum*, Tom. I, Ep. p. 83, b. *Peutingeri Vita* legitur in-

pag. ead. GEORGII GROS) idem fortitan est, qui magna deinceps cum insolentia *Anabaptisticos errores* defendere ausus est (d).

pag. 52. IACOBO FVCHS) *Ecclesiar. Bamberg. & Herbipol. Canonico*: is ipse est, ad quem Huttenus longam istam epistolam scripsit, in qua summi sui *Patroni Eitelw. de Lapide* laudes est prosecutus: & cuius contubernio in Italia antea usus erat.

pag. 53. IOANNES FOENISECA) scripta huius recensentur in *Conr. Gesneri Bibliotheca* per *Ios. Simlerum* aucta.

pag. 55. quem *Volham Mosci* vocant, cum esse, qui apud *Ptolomæum Rha* legitur) in cuius *superciliis*, ut *Ammianus* scribit (e) *quendam*

inter *M. Adami Vitæ Itreconf.* p. 76. cuius laudes etiam persequuntur *Præfationes ipsius Sermonibus conuiualib. præfixæ*, edit. *Ien.* an. 1684, 8. & les *Eloges des Hommes Sauans tirez de l' Histoire de Mr. de Thou*, T. I. pag. 14, edit. an. 1715.

(d) vid. ill. *Seckendorff. Hist. Lutheran.* lib. III, XL (f).

(e) lib. XXII, cap. 8. pag. 340, edit. *Grenou*

dam vegetabilis eiusdem nominis gignitur radix, proficiens ad vsus multiplices medelarum (f).

pag. ead. *non esse Rypheos, non Hyperboreos montes*) Recte igitur monuerat olim *Strabo*, per *fabulosa* montes hos excogitados a quibusdam esse *commenta*, qui (*μυθοποιῶντες*) de iis scripserint. & *Is. Vossius* in *Mela* lib. I extremum liquido negare potuit, in *Septemtrione tam altos montes esse (ff).*

pag. 57. OECOLAMPADIVS) *Io. Sapidus* omnium primus *Erasmo* commendasse, eum videtur, vt *virum moribus ac litteris ornatum maxime (g).* quem singulari *Erasmus* complexus est beneuolentia, donec religionis causa amicitiam eorum dissoluit.

pag. ead. *ulcerosis Theologis, ac ad omnem facile contactum offendi solitis*) qui nullius neque precibus neque monitis moueri se passifuerant, quo minus innocent-

(f) conf. cel. *Cellarii Notit. Orbis Antiqui*, siue *Geographia Antiqua*, lib. III, cap. 24, p. 883.

(ff) vid. id. *Cellarius* ibid. p. 882.

(g) *Sapidi* epistola, qua *Oecolampadium Erasmo* commendauit, legitur in huius *Epistolar. Append. n. XXXII, Oecolampadi Vitam* qui legere cupiet, ap. *M. Adamum* eam reperiet, in *Pri. Theolog.* p. 45.

centissimos optimi *Reuchlini* libros condemnauerint, velut dignos, qui igni cremarentur. id dederant nempe *Coloniensibus Theologistis*, a quibus in fraudem deducti fuerant (h).

pag. 58. *tanti constiterit nugari*) ipse *nugamentum* hoc suum, vt appellare consueuerat, paullo ante in *Italiam* miserat, petens ab amicis, vt *Italorum iudicia* coram de eo explorarent, sibi que perscriberent (i).

pag. ead. *En viros Theologos, impatientis mutuo genuinis se conserpentes*) de auspiciatissimis salutaris *Reformationis primordiis* VII mensibus ante ad *Herm. Nuenarium* scripsit: *Iam vero, quod tu ignoras forte, Wittenbergæ in Saxonibus altera aduersus summi Pontificis auctoritatem insurrexit factio; altera indulgentias Papales adferit. Magnis vtrunque conatibus res agitur: magnis viribus certatur. Monachorum ductu partes congregiuntur. ipsi duces strenui, vehementes, concitati, alacres, clamant, vociferantur*

(h) probatum id dedit cl. *Maius* in *Adnotat. ad Vitam Reuchlini*, p. 420.

(i) petiit id a *Iulio Pflugk*, in *Italia* tum commorante, in epistola *Nemini* subiecta, p. 47.

rantur, plorant, nonnumquam & fortunam incusant. Nouissime ad scribendum quoque adiecerunt animos. factum librariis negotium, venduntur propositiones, corollaria, conclusiones, & illi multis saepe exitiosi articuli. Sic spero, fiet, ut mutui interitus causas sibi inuicem praebeant. Ipse de hoc negotio nuper factus certior a quodam ex fratribus, hoc illi respondi: Consumite, ut consumamini inuicem. opto enim, ut quam maxime diffideant inimici nostri, & pertinacissime se conterant. Ac faxit Deus Opt. Max. ut intereant & emoriantur, qui surgentibus impedimento sunt litteris. quo aliquando enascantur viua pulcherrimarum virtutum, quae toties isti conterunt, plantaria. Tu tibi consiste, Comes illustrissime, teque confirma. Me quidem in omnes euentus habebis & periculorum & laboris socium.

pag. ead. Multa Erasmus monet Eckius) epistolis blanditiarum adsentationumque plenissimis: qualis est illa (k), qua cum ad Aur. Augustini libros versandos compellere studuit; aperte ei his verbis adsentatus: Non enim te latet, mi Erasme, quam bene de te sentiat omnis Germania, (obticeo summum Pontificem, Itatiam, Gal-

(k) CCCIII inter Erasmi Ep.

Galliam, & Angliam) quibus laudibus tua efferat studia, ingenii tui excipiat saturas, præclara exosculetur opera, ut omnes ferme docti prorsus sint Erasmiæ, cucullatis paucis demptis, & Theologastis. At, quum Erasmus nusquam in scriptis suis aureis litteris celebrasset hominem, hic virulentum in eum gessit animum; qui filium Erasmi obseruantissimum se fore, pollicitus fuerat, si in Lutherum inuehi perrexerit: ita, ut vera illos narrauisse sibi cognouerit demum Erasmus, qui vanitatem hominis, arrogantiam, leuitatem ac temulentiam explore ipse antea commemorauerant (I).

pag. ead. Oecolampadius, credo, conditionatorem ager hic) egit omnino; verum, quum ob lenitatem differendi, & animi timiditatem quamdam, minus ad sublimem adeo, qualis tum erat, provinciam aptus sibi videretur, consilium de discessu paullo post cepit (II).

pag. 59. inter Budæum & Erasmus, omnia prius commiserat, comparationem quam moliri ausus fuero) molitus eam est Christoph. Lon-

(I) ipse id professus est Ep. MCXLVI.

(II) vid. M. Adami vita Oecolampadii.

Longolius (m) in nulla re Budæum Erasmo
cessisse, arbitratus (n).

pag. ead. FABRUM) *Iacobum Fabrum*
Stapulensem, Reuchliniani nominis præconem i-
stum, acerrimum Theologistarum stimulum, im-
mo malleum (o), cui non Gallia tantum,
sed omnis etiam fere Europa ultro debe-
bat plurimum, utpote quem *veræ Diale-*
cticæ, veræque Philosophiæ, præsertim Aristote-
licæ instauratorem colebat: & cuius doctri-
nam feliciora passim ingenia saniorum-
que iudicia confectabantur (p).

pag.

(m) lib. IV, ep. 34.

(n) *Guil. Budæi Vita* conscripta est per *Ludovicum Re-*
gium ad *Guil. Poietum*, *Vitis* Selectorum aliquot vi-
rorum a *Guil. Batesio* deinceps inserta, impr. *Lon-*
dini an. 1681, 4, p. 215: clarissimorum Ictorum
Vitis quoque adiecta est a *Frid. Jac. Leikbero* colle-
ctis, *Lips.* 1686, 8. qui *notas* ei addidit, p. 28.
Erasmi Vitam complures stilo signarunt. Nouissi-
me fuscè admodum ex ipsius scriptis confecta est a
cel. Clerico in *Gall. Bibliotheca selectæ* Tom. I, V, VI,
VIII & XII; vbi videlicet *Operum eius Editio*, quæ
Lugduni in Batavis an. 1703, seq. X vol. in fol. prod-
iit, recensetur: cui Editioni quam plurima, quæ
ad summi huius Viri vitam pertinent, sunt præfixa.
(o) ita *Jac. Spiegel* eum nominavit in epistola ad ipsum
Reuchlinum scr. lib. II Ep. Reuchl. ep. 76.

(p) id aperte docet *Th. Mori* epistola ad *Mart. Dor-*
pium

pag. ead. COPVM & RVELLIVM) *Guilielmum Copum, Basiliensem, & Io. Ruellium, Sueffionensem*, intelligit: qui scienter ac prospere Medicinam in *Francisci I Galliarum Regis aula* exercuerunt; id simul industria sua meriti, ut hodieque ii habeantur, qui *Medicinam in Gallia vindicant.* (q)

pag. ead. *vigent studia, florent ingenia*) de *Germania* speciatim alibi eodem tempore confirmavit (r). *Magna est studiosis omnibus cum barbarie lucta, spe ingenti, fore, ut periurincamus, ac litteræ vigeant. Iam enim despectius audiuntur magisterculi, & recta se ubique studia excitant. Multum etiam spei de horum incrementis ostendit in Epilogo, quem Capnionis Triumpho subiecit; quem ipsum Epilogum auctorem haud ita occulte prodere, supra præmonui. dignus certe is est, qui integer a me adscribatur.*

Theo-

pium Ep. *Erasmi*. Append. ep. DXIII. *Elogium Fabri* scripsit *Scæn. Sammarthannus* lib. I, Elog. n. 1.

(q) vid. *Erasmi* ep. CCVII, p. 187. add. *Melch. Adamus* in *Vit. Medicor.* p. II. vbi *Gu. Copi Vita* legitur: & citatus modo *Se. Sammarthannus* Elog. l. I, p. II. vbi *Io. Ruellium* laudat.

(r) in epistola ad *Iulium Pflugk*, *Nemini* subi. p. 47.

Theologifas eo hunc in modum alloquitur: Laqueum sumite, Theologifas. viginti amplius fumus in infamiam ac perniciem veftram coniurati. debetur hoc Capnionis innocentie. debetur veftro fccleri. debetur reip. litteraria, immo bono hoc quodam fit Chriftiana religionis fato, cui vos obfcurata luce pudendas inuexiftis tenebras, quibus nos expulfis & effugatis, Chriftianum Diis atque hominibus plaudentibus illuftrabimus orbem. Renatus eft Hieronymus. Nouum Testamentum lucem induit. Multa ex Hebræo, multa ex Græcis eruuntur. Ardet opus. Interea vos quid agitis, cur quis Theologos vos vocet? Nempe hoc, vt agentem hæc Capnionem litteris ac temporum noftorum gloriæ adimatis. Proinde laqueum sumite. Multorum ore vobis canitur, quorum non idcirco sum ego optimus, quia primus, fed idcirco primus, quia minime patiens mora. Vos igitur moneo, Coniurati, adefte, incumbite, ruptus carcer eft, iacta alea! regredi non licet. Obfcuris viris laqueum prabui, nos viciffim herbam fumemus!

Quum typis exfcriptam (s) Epiftolam

- (a) in officina excuforia Sigismundi Grimm Medici & Marci VVyrfung. Auguftæ Vindelicor. Anno c12 12 xviii, die vero VI Nouembrii.

lam *Augusta Norimbergam* ad *Pirckheimerum* perferendam daret, hasce manu sua exaratas litteras adiecit *Huttenus* (f).

Viro per omnia magno
BILIBALDO PIRCKHEYMER
Patricio Norimbergen.
Amico forti & cognito
salutem Huttenus.

Habes, mi Bilibalde, perpetuum, nisi omnis nos, quam in litteris reposuimus, spes fallat, testimonium de te meum aut testimonium potius amicitiae nostrae, quam rogo studiosissime colas. Mitto Dialogos L (ff). item Orationes quinquaginta (ff); Kobergo (t) danda exemplaria. Verum Epistolæ CC mittuntur, non idcirco, quod Kobergo omnia tradi velim, sed quia Stromer obnixissime flagitat, mitti sibi. Tu igitur, qui vtrumque amas, mihi vero in re adhuc nulla defuisti, quia aliter a
me

(f) quæ *Pirckheim*. Operib. insertæ leguntur, p. 319.

(ff) *Aula*, opinor, inscriptos.

(ff) *Exhortatorias* fortasse ad Principes.

(t) bibliopolæ *Norimbergensi*.

me Lipsim, quo ille vult, mitti non possunt, datis Kobergo L aut centum, si vult, reliqua Lipsim, quam potes cito perferenda cura, in ades Melchioris Lothar, apud quem ea quaeret Stromer. Ego bene valeo. Breui aut me, aut copiosissimas litteras a me habebis. Interim vale. Accepi Commentaria Cæsaris beri (tt). Vale heroice. Augustæ Martinilibus.

* * *

Augusta Vindel. Moguntiam, in Alberti Principis sui sedem, commigrauit Huttenus, aulam porro secutus. Verum huius mox eum fuit pertæsum. ita nihil ipsi cum purpuratis conuenerat (u): quorum fastum, magnifica promissa, sesquipdales salutationes, insidiosa colloquia, & inanes fumos nauseare se, palam profitebatur (v). Toto anno, id quod multis

O 2 mi-

(tt) Maximiliani Imp. Commentaria intelligi videntur: utpote quem ipsum res ab se per aliquot annos gestas descripsisse, nouimus. quorum impetrandorum percupidum fuisse Pirckheimerum, Rittersbusius Comment. de huius Vita, p. 8, declarauit.

(u) Erasmo aperte id fassus est in epistola, quæ inter huius Ep. est CCC XCII.

(v) in epistola ad Conr. Peutinger.

mirum videri posse, ipse censuit, *io-*
catus adhuc fuerat *in aula.* in qua *Dialog-*
um suum, *Febris* inscriptum, ineunte an-
 no *CIO IO XIX* elucubratus est (x): quem
Febris Secunda paullo post secuta est. In
Prima illa *Febre* colloquentes sunt *Huttenus* &
Febris. quum videlicet *Auguste* afflicta-
 tus hac aliquamdiu esset *Huttenus*, &
 abire ea demum cogeretur, petiisse hæc
 fingitur, vt ne sub hiemem expellere-
 tur, incerta, quo sibi diuertendum es-
 set, sed vt duceretur ad aliquem volupta-
 rium, diuitem, potentem, cui equi essent, mi-
 nistri, comites, & familia copiosa, & vestes,
 & horti, & balnea. *Huttenus* exorari se pas-
 sus, respondit: *Hospes est hic ipse, ad quem*
 du-

(x) qui mense *Februario* seorsim primum editus, aliis
 deinceps *Dialogis*, vt infra a me indicabitur, acces-
 sit. cum *Phalarismo*, cuius infra itidem mentio
 fiet, vix editum eum excudendum denuo quidam
 curarunt. factum verò tum est, vt *Febris Louanii*
 distrabi vetaretur, &, quoniam *Phalarismus* ad-
 hærebat, is vna cum *Febre* exsularet; sed *Louanio*
 dumtaxat, non longius enim *Schola* huius tyrannia
 se proferebat. proscribebatur vero *Febris* propterea,
 quod *ἡμεῖς* quosdam nominatim attingere vide-
 batur. Nuntiavit hæc *Hutteno Erasmus* epistola,
Louanio d. 23 April. an. 1519 ad ipsum data, quæ
 inter huius Ep. est CCCCXIII.

VITA COMMENTARIUS. 213

duco, sed non caret his, ac vititur, credo. Atque eccam tibi domum, agit ibi magno cum comitatu Cardinalis S. Sixti (y), Roma huc profectus, pecuniam a nobis ut petat in bellum contra Turcas, quam insumant Romanenses isti, magno iterum apparatu expeditionem mouentes periti bellatores, obnoxium tibi genus. Age occupa, cubat autem in palla purpurea supinus inter complura circum aulea, & ex argento cœnat, ac auro bibit, ita delicate, ut neget in Germania esse homines, qui palatum habeant: damnatque perdices heic, & turdos, Italicis absimiles dicens, ac nihil sapore respondentes. nauseat & ferinam & panem insipidum vocat, ac vinum bibens lacrimatur, Italiam clamans, & Cursum inuocans, obque has in primis causas barbariem nobis imputat, & ebrios vocat. Nec per quatuor menses adhuc semel appetitui satisfecit ganea & saporum inopia. Postquam multa oblocuta erat Febris, minitata, se, nisi in dignum aliquod ab Hutteno deduceretur hospitium, redituram, ac irato

O 3

ei

(y) Cardin. Caietanus intelligitur: qui ab ipso b. Luthero salutabatur: Reuerendissimus in Christo Pater, & Dominus Thomas, Tituli S. Sixti, Presbyter Cardinalis sanctæ Sedis Apostolicæ, per Germaniam de latere Legatus.

ei sex aut septem annos adfuturam fore: hic *Principum & diuitum domos, Fuggeros, aliosve mercatores, Fratres Monachos, Canonicos*, quorum *mores* acriter perstringit. Febri indicauit, ad quos diuerteret; sed frustra. Ad *Curtisanum* denique, qui non ita pridem ab vrbe *Roma*, vbi apud *Cardinalem* quemdam molliter viuere didicisse prædicatur, reuersus, in medias delitias se coniecerit, periucunde tum agentem deducta est Febbris: quem tentaturam, post de Huttено visuram se adfirmabat. In *Febre Secunda*, in qua *Huttenus, Febris & Huttени puer colloquentes* introducuntur, & quæ *Prima* ista multo verbosior est, *Febris Curtisanum* illum *Romanum* tentasse quidem fingitur, qui vero ferre eam recusarit, quod alios, eosque grauiores admiserat iam morbos. Quum idem *concupinam* aluisse memoretur, in *peruersam Sacerdotum vitam, & perditos concubinarum*, quæ ab iis, velut *perniciosa in maximo rerum dispendio pestes*, domi fouebantur, *mores* asperere & acerbe inuehitur Huttенus vna cum Febre. De ipsius *Huttени cultu victuque* nonnulla simul immiscentur. cui quum *Febris* blandiretur,

tur, persuasura ei, ut ipsam denuo admitteret, quandoquidem *quartana febris tam validos ac firmos reddere soleret homines, quam prius fuerint numquam, præter alia* spopondit: *Vegetabo hoc tibi corpusculum: gracile primo reddam, ut celer sis, iam quia pinguescis: tu enim opinionem facis hominibus desidia cuiusdam, & ignavia, deinde serium inducam ori tuo, quo ne lenitatis in te suspicio congruat: certe enim non placet hoc, quod nimium rides tu, & iocaris.* Procul nihilominus Febrem esse quum iussisset Hutenus, extremo ferme dialogo quæsiuit, ex ea: *Dic mihi deprauata huiuscemodi vite quæ est sacerdotibus caussa?* Feb. *Otium est, & huius alumna diuitiæ.* Hut. *Quid si consulat sibi Germania ibi, & opes quidem illorum minuat, iubeat vero agros colere, & quod alii faciunt, rem quarere sudoribus, habebitne frugum sacerdotes?* Feb. *Pro me tibi respondet Ovidius:*

Otia si tollas, periire Cupidinis
arcus.

Et alibi idem poeta irritamenta malorum vocat diuitias. Hut. *Dic igitur, futurum umquam existimas, ut hoc faciant Germani?* Feb. *Quid non existinem?* Hut. *Quam-*
O 4 pri-

*primum vero? Feb. Paulo post, quum nolent
ferre amplius tot sacerdotum millia, otiosum, &
inutile magna ex parte vulgus, fruges tantum
consumere natum, in aliqua annona caritate,
quando indignabuntur strenui, quod sibi debetur,
ignauos homines & socordes prodigere in luxu et-
iam. Hut. Futurum colligis, ut quemadmo-
dum apes*

*Ignauum fucos pecus a præsepibus
arcent.*

*ita desides illos, tamquam reip. non inutiles tan-
tum; sed perniciosos etiam, eiiciant, ac exter-
minent industrii illi, & necessarii. Feb. Haud
alia ratione.*

*Postquam aule, in qua, si non v-
tramque hanc Febrem, Primam certe, præ-
ter alia commemorata supra scripta, ela-
borauit, satius ceperat Huttenum, mili-
tatum denuo abire decreuit: quod consi-
lium suum Enisino ita exposuit (2): Ego
expeditioni, qua nobis paratur ingens, equestri
pariter ac pedestri exercitu, interero ipse: tan-
tum adest, ut metuan latronem illum. Breui
rotam turbare Germaniam, videbis. si me de-
vora-*

(2) in epistola, qua inter ipsius Enisini Ep. CCCXCII
est.

vorabit illa pugna, (sunt enim & sua illi vires, & auxilia sunt) tunc tu fac, ne ignoret vel studium erga te meum posteritas, & me tuis immortalibus litteris vixisse, saltem testare. Vale.

Moguntia, VI Mart. CIO ID XIX. Quod

Hutteni consilium quum ex ipsis his litteris intellexisset Erasmus, litteras remi-

sit, d. XXIII Aprilis eiusdem anni Louanii

scriptas: quibus, quod ad consilium,

ipsum attinet, sic respondit (a): Sed

quid ego audio? Huttenus totus ferreus,

in acie dimicabit? Plane video, te bello natum,

qui non calamo tantum & lingua, sed & Ma-

vortiiis armis pugnes. Quamquam quid

magni, si nunc ausis inter tam multos aduersus

unum pugnare, quum olim Bononia (b) unus

tam multos profligaris. Laudo fortem animum,

sed tamen, si me audies, seruabis Huttenum,

Musis. Nam unde nobis tale ingenium, si

quid accadat, quod auertant superi? Nosti Mar-

tem ἀλλοτῶ ἐστὶν ἄλλον, nec satis propitium bonis

ingeniis, utpote deorum omnium stolidissimum.

Bene sit, sed tamen, si quid acciderit, ipse tibi tuis

scriptis exstruxisti monumentum ære peren-

O 5

nus

(a) ep. CCCCXIII.

(b) Viterbii potius, ut supra cognouimus.

nus. *Neque nos tamen defuturi sumus officio nostro. Nam si quid Erasmi scripta valebunt, Nulla dies umquam memori nos eximet aeo.*

Qualis expeditio illa fuerit, ad quam ineundam omni tum ferebatur Huttenus cogitatione, coniectu cuilibet proclue erit. Expeditio erat, quam Sueuici Fœderis socii contra Vlricum Wirtemberg. Ducem, quum Reutlingam urbem expugnasset, commemorato cioio xix anno, mense Martio, susceperant (c). Neque vero obscurum est, cur Huttenus tanta in eundem Ducem exarserit iracundia: quando Ioannem Huttenum ab hoc trucidatum esse, supra cognouimus. Mense Aprili in castris iam versatum esse nostrum, ex litteris, quibus Luca de Erenbergk, Canonico, & ceteris amicis Moguntia relictis, rerum, quam in ipsis castris offendit, conditionem exposuit (d), apparet. Nondum, scribit

(c) & Soriorum & Vlrici VVirtemb. Ducis litteræ, quibus bellum sibi inuicem indixerunt, inter Acta Publ. Germ. Frid. Hortlederi reperiuntur, lib. III, cap. 2. conf. celeb. B. G. Struue *Syntagma Historia Germanice*, eiusque Dissert. XXXII, §. 50.

(d) Orationib. inuectiuis contra Vlricum W, D. adiectis.

bitiis, hostem vidi. Nihil tyranno hoc fugacius, nihil imbecillius inuentum est. ita fugit, ut non respiciat; tantum abest, defensionem ut incat. mirum dictu est, quantis nos itineribus præcesserit: omnia eius occupamus, nullo adhuc negotio. dedunt se ciuitates passim - - - Proxime quum lustraretur exercitus, censa sunt eorum, qui stipendia faciunt, peditum quidem millia XXVI, equitum IIII millia. nam ingens multitudo non conscriptorum sequitur, quam VI millium esse ferunt. Omnium nihil hebes, aut infirmum, mira alacritas, incredibile robur. Date mihi Turcas, & Asiam iubete his copiis impetere. Præterea machine sunt, & opera bellica instructissime. Raptim inter tubas, hinnitus, tympana & strepitum castrensem. Expeditionis cursum ad Fridericum Piscatorem his verbis perscripsit (e): Heic omnia bene habent, nisi quod non pugnatur. In hoc enim non satis sit eorum voto, qui sanguine & cade calamitatem gestiunt. Fugit tyrannus, maximo, ut suspicari licet, metu. - - - Tyranni liberos Tubingæ (f) repertos, multi in Bauaros aspor-

tam-

(e) & hæc ad Frid. Piscatorem epistola iisdem Orationibus subiecta est.

(f) in deditionem acceperant Socii Tubingam d. XXVIII April.

tandos suadent, alii alio. Magna reperta annonavis. tormentorum & quæ ad bellum sunt machinarum, nulli fuit in Germania Principi, aut maior copia, aut instructior apparatus. Ea omnia extrahuntur, ne, si quando redeat ille, furori instrumenta suo inueniat. Quid ais? si redeat: & ut redeat, fieri potest? Non arbitror. tamen, si redeat, te istic habent studia, nihil aliud agentem. Germania nostra congratulor, ac ipse gaudeo, incipere animis valere nostros homines. - - - Tanta est hoc in bello securitas, ut lauent etiam homines (ff): quominus, quomodo ferre possim militia incommoda, mirari debes. - - - Hæc apud Eslingam, ubi toto peracto negotio bellico conuentus est hoc tempore confæderatorum, scripsi (g). In ipsa hac vrbe Ioannis Hutteni corpus tum deposuerunt in patriam sepulturam id postea inde deuecturi. Refoderant nempe illud, in vico quodam haud longe a silua, ubi infelix hic purpuratus quadriennio ante occi-

April. quod ex Hutteni epistola prid. Kal. Mai. ad Arn. de Glauberg scr. liquet.

(ff) in Thermis Favianis, ubi ipse Herm. Buschii & Beati Rhenani litteras, ut ad eundem Piscatorem scripsit, accepit. Erasmi litteræ apud Canstadium cæ fuerant perlatæ.

(g) XII Kal. Iun. an. M. D. XIX.

occisus fuerat, *Brunsvic. Ducis* beneficio prius sepultum (h). *Rem admirandam*, & cuius prope nullius fides capax sit, vidisses tum, ait noster in epistola ad *Arnoldum de Glau-berg, Iureconf. Francofurd.* (i) : *quartum iam annum defossam corpus non consumptum, non putrefactum, totam adhuc faciem cognoscibilem. quin etiam sanguine commaduit attactum. Enigetur innocentia testimonium* (k)!

Non

(h) vtrum is idem *Henricus Brunsv.* Dux fuerit, qui *Ulrici D. nuptiis* interfuisse antea, libr. III, cap. 2. *A-ctor. Public. Germ. Horileder*, commemoratur, confirmare non possum. Beneficium, in trucidatum suum cognatum ab eo collatum, *Hutter* us ita Orat. I contra *Ulricum D. F.* 2, b, prædicavit: *Porro tu, Brunsvigiorum Dux Pii appellationem accipe, omnium consensu, tuo maximo merito. Ostendisti enim illo tempore, qui sis, nec quem in vias, & boni omnes, amaveras, in morte quoque voluisti deferere, Sustulisti interfecti corpus, & lacrimans sepultura mandasti. Hunc quoque Ludouichum, qui fratrem expectabat, monuisti, quo ne & ipse pateretur aliquid, repentino abitu salutis sue consuleret. Quam tuam bonitatem quis digne umquam laudauerit? aut qua pesseritas merito commendabit praconio?*

(i) Orationib. contra *Ulricum W. D.* subiuncta.

(k) eandem rem Orat. V contra *Ulricum W. D. X.* 1, a, sic exposuit: *Annon est hoc admirandum commota diuinitatis indicium, quod illud quartum iam annum sub*

terra

Non possum de reliquo, quin Hutteni verba, quibus summam *Wirtembergensis* terræ amœnitatem agrorumque fertilitatem ad-umbravit, ex illa ad *Frider. Piscatorem* epistola proferam: *Habet hac regione haud facile aliam Germania pulcriorem. Ager optimus, cœlum mire bonum & salubre, montes, præta, valles, flumina, fontes, silvæ, amœnissima omnia, fruges, ut vix alibi, prouentu faciles. Vina, ut in his locis. Ipsam Studgardiam terræ paradisum appellant Sæui, ita situ est amœno. Quam fuit indignum pessimo sub latrone tot esse bonâ! mereturque Principem terra hac bonum.*

Eo facilius autem Hutteni nostri Musis cum armis ac bellico tumultu, ut ipse confessus est (1), conuenire potuerat; non tantum quod bellum non erat, quod hostis saltem deerat, qui resistebat, verum etiam, "quod summo FRAN-
CISCI

*terra defossam cadauer, neque putrescere, neque ita immutari potuit, et non ab omnibus cognoscatur? Agite autem, quæ illa significatio, quod, effracta tum-
ba, sanguine quasi recens confectum inadiui?*

(1) in sæpius citata hætenus ad *Frid. Piscatorem* epistola.

CISCI DE SICKINGEN fauore in iisdem castris vsus erat; viri longe dignissimi, cuius memoriam omnis posteritas diligentissime veneretur. Huttenei verbis *diuinum Heroem* ego in praesenti laudabo. Is, quum reuerentissime in castris ab hoc tractari se, confirmasset amicis, ita laudes ipsius simul est prosecutus (II). *Maiozem in Germania humanitatem non inueni hoc in genere. Habet me secum adsidue & ad latus habet. dormit una; & fabulis dat operam, miscetque colloquia mirifice suauia. litteras vero admiratur, ut nemo, magnus per omnia vir, & dignus, quem maximi omnes faciant. animus in vtramque fortunam munitus, altus, invictus. sermo grauis de rebus summis; qui arguit cogitationes, nihil humile anaplistima omnia ac splendidissima agitantes. conuersatio est iucunda, suavis conuiuius. superbe nihil, liberaliter omnia dicit ac facit. ipse apertus. odit fucum, detestatur pompam. Age vero apud milites quantus fauor, quod desiderium? Pande-*

(II) in epistola ad *Arnoldum de Glauberg* saepe itidem iam citata. Non addidit quidem Hutteneus summi huius Equitis gentilitium nomen, *Franciscum*, dumtaxat saeculi istius more appellans: nemo tamen, quin is ipse intelligatur ab Hutteneo, dubitabit, spero.

dolent alteri exercitus summam permissam (m). Carum esse iubeo ciuitati tua heroem omnis generis virtutibus auctum & ornatum. Idem hic Heros est, per quem Huttenus optimi Reuchlini sui salutis ac fortunis, quum inter arma in summo versarentur discrimine, consultum iuit. Coram conuenienter tum Huttenus præstantissimum virum, sollicitudine pæne confectum; ita enim timuerat hic mala, quæ immerentibus quoque in bello poterant euenire. & tantum quidem abest, ut fortissimus iste belli dux in adiuuando Reuchlino defuerit Hutteno nostro, ut optimo seni, innocenti & digno, qui securius ageret (n), ipse obuiam processerit, humaniter eum complectens, ac bene sperare iubens (o).

Id

(m) belli summa commissa fuerat *VVilhelmo Bauariae Duci*: hic saltem, *Apologia Sociorum* nomine contra *Vlricum VV. D.* edita, huic bellum indixit. vid. *Horlederi Acta Publ.* c. l.

(n) ipse Huttenus *Reuchlino* laudem istam in ep. ad *Fr. Piscatorem* impertiuit.

(o) omnes *Reuchlini* fortunæ cum tota ipsius familia, sub *bellica præda* specie a *VVilhelmo Duce* fisco addictæ sunt; ipseque *Reuchlinus* perliberaliter *Angopolin* tum ad *Professoris* munus obeundum est accessit. vid. *Vita Reuchlini* a cl. *Mais* conscr. p.

cui totum se patefacit, scribens (r): *ad hoc opus vxore est, quæ me curet. nostri mores: non facile solus esse possum, ne noctu quidem. facebant mihi enim prædicare quidam cœlibatus bona, & solitudinis commoda. non videor esse capax. me quidem habere oportet, ubi curas; & ipsa ubi æciora etiam studia remittam. quicum ludam, quo iocos conferam, amantiores & leniusculas fabulas misceam. ubi sollicitudinum aciem obtundam; curarum æstus mitigem. Da mihi vxorem, Frideriche, & ut scias, qualem; da venustam, adolescentulam, probe educatam, hilarem, verecundam, patientem; satis habeat, non multum. diuitias non quero enim, & ad genus quod pertinet, satis nobilem futuram puto, quæcumque Huttено nupsit. - - Hinc (s) Moguntiam redibo ad libros, ad studia, quamquam ad aulam interim etiam. O aulas atque ollas! Eo ad me de tuis quoque rebus scribe ac vale. XII Kalen. Iunii CIO IO XIX.*

Moguntiam paullo post, quam literas has dedit, reuersus, egit cum Principe Alberto, ut ab aula sciuncto sibi, ad numerato nihilominus stipendio, inter litteras

602-

(r) in epistola toties allegata.

(s) ex castris, quæ tum ad Eisingam fuerant.

conquiescere liceret: quod cum magno studiorum suorum fructu tum impetravit (f). Idiam, quæ Alberti in Huttenum benignitas fuerat, antequam bellum hic erat ingressus, impetrasse sibi visus fuerat, ut, ubivbi futurus esset, Princeps stipendio ipsum prosequeretur: utpote cuius erga Huttenum animum, *Erasmus* non confirmauerat modo, sed valde etiam auxerat eo, quod illum, laudibus publice idcirco extulerat, quod Huttenum foueret (ff). ad quem ipso isto tempore scripserat *Erasmus* (t): *Iam vero vide, quantum benignitati tuæ & Hutteni nomine debeam; de quo sic mihi præfagit animus, hominem aliquando magnum ornamentum nostræ Germaniæ futurum; si modo & Dei præsidio vita suppetat, & tuæ celsitudinis favore non destituatur; nam hanc ingenii lasciviam, (ut ita loquar) satis per se corrigit atque accessio. Quod ad ipsum Huttenum,*

P 2

atti-

(f) didici id ex epistola, quam Huttenus ad *Eob. Hessum & Petreium Averbacchum* scripsit, lib. XII Ep. familiar. *Eob. Hessi*, p. 288.

(ff) vid. Hutteni ep. ad *Erasmum*, inter huius Ep. CCCXCII.

(t) Ep. CCCCLVI.

attinet; hic post suum in urbem *Moguntiam* redditum id negotii datum sibi existimauerat, per litteras vt amicos instigaret, vt pro *communis Germaniæ libertate* adferenda aliquid auderent. *Eob. Hefsum* his verbis accensum iuit (tt): *Tu Hesse, quum in Epistola Italiæ responsoria (u), libertatem quamdam uehementem auspicatus sis, nunc absistis, aliquo, opinor, contumelioso Curtiano deterrente? Ah ne metue! Plures erunt similis argumenti scriptores, quam tu putas. Neque illud sine gloria facinus audebinus. Ego quos possim ad partes traducere ex illis, qui multa ipsi possunt, sed hætenus non intellexerunt negotium, ac libenter nunc per me erudiuntur, aliquando scietis. Petreium Aperbacchum eadem epistola ita allocutus est: Tu Aperbacche, quum & Romæ fueris, fraudesque ibi impostorum didiceris, & natura sis ad irridendum, & facete obiurgandum valde accommodatus, non aliquando specimen tui dabis? & Germaniam fines studiorum tuorum fructu care-*

(tt) in epistola ad ipsum *Eob. Hefsum* modo citata.

(u) quæ in Operib. P. et. *Hutteni*, huius *Epistolæ*, quam *Italia ad Maximilianum Cæsarem* scripsisse simulatur, adiuncta est.

carere? Ne in perpetuum obmutescere, precor, sed aliquando erumpe.

Vt primum igitur a bello discesserat Huttenus, *quintam* suam in *Vlricum Wirtemb. D. Orationem*, qua de *Victoria* sibi suisque congratulabatur, prioribus *quatuor* addidit. has in castris etiamnum versans retractarat, editurus, ubi *quintam* istam addidisset: fuerant enim, qui in manibus habere eas voluerunt. Quod consilium, perfecit quarto mense post, quam belli sibi finem fecerat. tum enim non modo *Vistas inuictinas contra Vlricum D. Orationes*, sed etiam *reliqua scripta*, quibus *gentilis sui cædem* persecutus est, emisit. Quid, eandem hanc *cædem* ulturus, pro interfecti innocentia conscripserit prius Huttenus noster, quam postremum in Italiam abierit, ad ipsum annum, quo *cædes* facta est, ostendi (v). *Phalarisimum* interea *Dialogum*, qui eodem pertinet, foras dederat (x). An præterea quicquam in causa hac, patrocínio haud indigna, siue epistolarum siue carminum, coniunctim deinde editorum, separatim antea prodierit, equidem

P 3

(v) ipsius huius Commentarii pag. 90 seqq.

(x) scorsim, an. 1517, mense Martio.

dem ignoro. Quod ad Phalarismum at-
tinet, colloquentes inter se inducuntur
Charon, Mercurius, Tyrannus & Phalaris.
ex quibus solis nominibus illi, qui ipsum
Dialogum nunquam legerint, argu-
mentum eius per se conicere poterunt.
Per *Tyrannum Vlrictim Ducem* intelligit; qui
quum ad *Acheronta* penetrasset, *Phalaris*
Agrigentinarum quondam *tynannus* (y) ita
ab eo appellatus ibi fingitur: *Ad te idcir-
co descendi, ut in tanta copia quid fieri suadeas,
discam. mire oblectabo me enim, si tu recte
præmonueris.* Pha: *Nihil adhuc a Phalaride de-
generans: proinde eorum, quæ noui, nihil te
celabo* (z). Quum *Phalarismus* hic a *Pe-
tro de Auffas, Canonico* (a), male discer-
ptus

(y) vitam *tynnni* præfixam inuenies, Lector, eius
Epistola Gr. Lat. a Car. Boyle Oxon. ex Theat. Scheld.
an. 1695, 8, editis.

(z) inusitata ac noua *Suppliciorum*, quibus reos adfi-
ciendos curauit *Vlricus*, genera commemorantur in
Narrat. Germ. quam Ordines Prouinciæ Wirtem-
berg. ad Socios an. 1520 miserunt; in *Hortlederi*
Act. Publ. Lib. III, cap. 3. cadit tamen *Ioannis Hut-
teni*, quantum memini, mentio in Narratione ista
non iniicitur: id quod mirum mihi videtur.

(a) *Canonicorum* istius ætatis mores *Huttenus* luculen-
ter in epistola ad *Michael de Sensheim Canonicum*
Her-

ptus esset, *Apologiam* pro eo conscripsit, Huttenus, ipsi Phalarismo in volumine adiunctam. Ferre videlicet non potuisse visus erat Canonicus, quod Huttenus *veterem dialogos scribendi morem* reuocans, & ad antiquorum imitationem se conferens, de *Charonte*, de *Mercurio* aliquid finxerat: siue quod Huttenus Vlrici Ducis facinus memoriae ingenii sui monumentis prodendum decreuerat. V Orationum, quæ Phalarismo eiusque Apologiae proxime in volumine præcedunt, *IV omnium & longissima & acerbissima* est. in qua confessus quidem est, *omnibus nouum* videri posse, quod *Eques Germanus ex Principum ordine reum* in iudicium

P 4

pro-

Herbipol. Orat. inuest. præm. his verbis descripsit: *neglectis his, quibus additi sunt, alendis equis ac canibus, omnem operam impendunt, plurisque faciunt bene saginatam caniculam vnâ, aut adfuetum sinistra accipitrem, quam omnem omnium sacrorum suorum rationem. Male per fidem! non vtiliter expendant enim demandatum filii talentum. Nihil præterea magis isti contemnunt, quam litteras, & cum litteris litteratos ipsos. atque in his persequendis quosdam plane tyrannos agunt. suas venationes, suas libidines, suas pergracationes, suos ventres numinum loco*

Gene-

protrahere ausus sit, indignum tamen nemini videri posse, existimauit; ita in eadem oratione Vlricum D. compellans: Quoniam desperata caussa in armis præsidium locasti, arma experieris non te digna, sed nostra necessitati debita, ut in oratione alicuius testatum esse possit, quam nos dolenter istam tulerimus iniuriam, & quam non desuerimus nobis ac communi Germaniæ causæ. In Oratione V, quæ, ad confœderatos Sueviæ & victorem Exercitum, deuictio iam & ciecto tyranno, declamata, inscribitur: sententia, quam Maximilianus Imp. in Augustanis Comitibus publice de funesta hac caussa tulit, dilucide exponitur: Tum satisfactum nobis fuerat, quum in illo socius Germaniæ concilio, in illo clarissimorum Principum confessu, orbis terræ Impera-

veniantur. quidam & pecuniam colunt, eique omni operam dant, quorum vna Moguntia nuper ausus est serio dicere, nihil esse homines sine pecunia, eum autem, qui pecuniosus sit, facile omnia, quæ ad animorum ac corporum eum lumina sunt necessaria, habiturum. O execrandum hominibus vocem! o crudelem orationem! Esse quendam ad eo auaritia excacatum, & vilissimæ rei omnes humanas actiones, ipsa quoque officia & virtutes posthabere; quique putet, auro sanctissima vite munia comparari, velut populares istos vulgo fauores, cliquelas, & adulatorum comitatus.

perator Maximilianus, eam publice sententiam tulit, qua ille ita sauciatus, ita perfoffus est, ut magis frangi, magis interimi non posset, tunc, inquam, satis superque ultionem contumelie nostrae prosecutam, de illo poenam sumptam putauimus, quando ei publico iudicio aqua, igni, atque hominum consortio interdictum est; ipse proscripius, omnium iniuriæ obiectus est, vniuscuiusque potestati proditus, illa expressa pœne caussa, & tota pro tribunali præconis voce recitata *Huttenica calamitatis historia*. Ex paucis hisce *Hutteni nostri Orationum* particulis, iudicatu proclive futurum tibi spero, Lector, non ornati solum ac grauis, verum *vehementis* quoque *Oratoris* laudem ei deberi. . quid? quod idem laudis vindicari sibi potuit *Huttenus*, quod *Cicero T. Postumio* olim impertiuit: quem non minus *vehementem oratorem*, quam *bellatorem fuisse*, prædicauit (b). quam-

P 5

vis

(b) in *Bruto* c. de *Claris oratorib* c. 77. auctor *Comment. Litte at. Gall. (Memoires de Litterature)* T. I, P. 2, p. 402, *Huttenum non minus vehementem* in his suis iunctiuis præstitisse se, censuit, quam ipse *Cicero* in orationibus contra *Catilinam*. Retulit etiam *Huttenum* inter præstantissimos ætatis sue *Oratores M^{ch}. Neander*, in eximia illa præfat. *Erotem. Græc. Lang. præm.* p. 237, seq.

itinerando composuerim: reliquia in siluis & illa nostra arce, nullis plane studiis obnoxia. Phalarisimum, & pro ipso confectam contra Petrum de Auffas Apologiam in volumine sequitur ad Christianissimum Francorum Regem Franciscum Epistola (e), qua Huttenus ipsum obtestatus est, ne fracto Vlrico Duci opem vlla re ferret: ordine istam toties citatae haecenus a me epistolae excipiunt: ad Lucam de Erenbergk, Canonicum, & amicos Moguntiae: ad Arnoldum de Glauberg Iureconf. Francosurdianum: ad Chilianum Salensem Iureconsultum: ad Fridericum Piscatorem (f).

Tan-

quam in Italia versaretur: quem errorem idem auctor *Commentar. Litter. c. l.* notauit p. 412. Reliquas IV orationes vagus itidem & peregrinus conficisse omnino videtur Huttenus.

(e) ex Rotenburgo ad Duderam II Kal. Mart.

(f) in fronte voluminis, quod in 4 prodiit, scriptum est: *Ad Lectorem: Res est noua, res est atrox, & horrenda, dispeream, nisi legisse voles. Vale.* Elegantissimo praeterea carmine allocutus Huttenus est in principio *Lectorem*: ex quo hi versus sunt excerpti:

*Tum cni sunt aures tenera, ne te obiice, Lector,
Esca quod ad stomachum non facit ista tuum.*

Durum agitamus opus, durus sermo, omnia dura.

Quid ni? quem petimus, durus & ille fuit.

At,

Tantum quod ex castris *Moguntiam* redierat Huttenus, cudere præterea cœpit *Dialogum*, cui titulus *Trias Romana*, siue *Vadisus*, quo ipse nihil vehementius, liberius nihil, usque ad illud tempus in *Romanos aurisugas* editum existimaue-
rat (ff); in propugnaculo *Steckelbergk* insequenti

*At, qui scripta leges paruo contorta libello,
Innocui vocem sanguinis esse, puta.*

Nec vero in fine *Lectorem* non appellauit Huttenus carmine; cuius primos ac postremos versus quin adferi-
bam, temperare mihi non queo; tam elegantes mihi videntur.

*Non odisse librum, potes hunc odisse tyrannum,
Qui legis e vulgò si mihi, lector, eris.*

Digna odii caussa est, hoc qui facit, ista meretur,

Non qui de admissio crimine textit opus.

* *

*Vive diu crudele nefas, vive impiacades,
Et tu qui facis hoc, vive tyranne diu.*

*Postera te di rus exsecret vocibus atas,
Et tua non illius nesciat acta nepos.*

*Vos autem, innocuus cinis, insontesque valete
Perpetuo manes, umbraque sancta viri.*

Sinceriter pro caussa:

Hoc Vlrichi de Hutten Equit Germ. Inuēdiuarum cum aliis quibusdam in Tyrannum VVirtenpergensē opus excusum in Arce Steckelbergk. Anno M D XIX. Mense VIIbri. (ff) in epistola ad Eob. Hessum supra alleg.

quenti anno perfectum (g), & cum quatuor aliis *Dialogis* coniunctim paullo post editum: *Fortuna*, puta, ac illo, qui *Inspicientes* inscribitur; quibus *utraque Febris* addita est (h). De tribus istis prioribus alio tempore, adiuuante Deo, agere animus est. Stat enim Huttenum in *specula* ista sua, quo ab aula aliquantisper secesserat, relinquere.

Quod

(g) *Sebastiano de Rotenhan, Eq. auro, ad finem dedicatum, Idibus Februariis.*

(h) *Moguntia ex officina libraria Ioannis Schaeffer mense Aprilian. 1520 ed. Fortuna primum locum inter V Dialogos istos obtinet, Chunrado Episcopo VVirciburgensi & Francorum Duci prefatione, Kalen. Ian. anno 1520 scripta, nuncupata. Fortunam utraque Febris excipit, has Trias Romana, & hanc Inspicientes denique sequuntur. Posteriores IV Dialogi in patrum sermonem conuersi, ita inscripti, nescio quo tempore, hoc enim additum non est, prodierunt in 4. Gespräch Büchlin Herr Vtrich von Hutten: Feber das Erst. Feber das ander. VVadtsen: oder die Römische Dreyfaltigkeit. Die Anschawende. quum ipsorum horum dialogorum primus ita insignitus lucem adspexisset, tempore eodem, quo typis sit exscriptus, praetermissus: Dialogus, oder ein Gespräch, Febris genant. durch den Ernßesten und Hochberümpfen Vtrich von Hutten in. Latin beschriben, yetzo durch gut Gönner zu teütsch gemacht in 4.*

Quod si leuem hunc meum in tam strenui, tam fortis atque imperterriti, tam litterati Equitis Merita ac Fata describenda collatum laborem historia studiosis non ingratum plane esse, sensero, faciam, vt id, quod scribendum de iis restat, quam primum prodeat. Equidem *IV* dumtaxat, qui Herois nostri vitæ spatio accesserunt, *anni* commentandi mihi superfluent. at tot *scriptis* per vltimum hoc suum quadriennium pro *doctrinae præstantia, patriæ libertate, religionis veritate*, is propugnauit, tot eo nomine subiit pericula, in tot existimationis suæ vitæque vltro se obtulit discrimina, in tanto apud familiarissimos antea fuit denique eam ob rem odio fortissimus Vir, vt iustum volumen conficere posset, qui digne omnia exponere aggressurus esset; quod quidem ego mihi non sumam. Reliquum, idque *aduersum ac formidolosum* satis, quod Hutteno nostro obtigit, *vita tempus*, summam, tali, qualis hic est, libello expositurum me, volente Deo, spondeo; nihil præterea. Ipse autem tum *Hutteni Lucubrationem* quamdam iterum præfigam; vt, si qui fuerint, qui

qui meam operam tanti non æstimaue-
 rint, vt pecunia istam comparaturi sibi
 sint, Hutteniani ingenii monumentum
 ipsis suppeditet, quo bibliothecam suam,
 si voluerint, augere possint. Patefiet
 tum, districtam illam in omnes veritatis
 testes, *sicam*, quæ vt ex crudelium Lu-
 theranæ hæresis, vt appellabant, *inquisi-*
torum manibus extorqueretur, nullum
 non periculum adire ausus est Huttenus,
 sæpius huic esse intentatam; & hanc ipsam
 sicam fuisse, quæ nostrum non modo de
 spe, quam de mirifica *Alberti* Principis li-
 beralitate conceperat, mox deturbari, sed
 quæ eum in exilium etiam eiecerit. *Era-*
smum porro atque *Huttenum* grauissimos
 testes in altera ista mei de Vita huius
 Commentarii parte producam, nihil
 tam fragile, tam flexibile esse, hominum
 voluntate, sensu atque iudicio: bellas, o-
 stendam, ad tempus in amicis simulatio-
 nes esse, magnas in periculis fugas inti-
 morum, magnas timiditates. *Erasmum* il-
 li *Hutteno*, cuius ingenio per complures
 annos vnice delectatum eum esse, hæte-
 nus audiuius, postremo aditum petenti
 con.

conueniendi non dedisse, cognoscemus.
 quid quæris? acriter in eum. velut glorio-
sum, egentem omnibusque rebus destitutum mili-
tem, inuectus est, caussatus, Lutheranam
tempestatem festiuum Hutteni ingenium & sibi &
Musis eripuisse (i). Iesu filii Sirachi ætas Hutte-
 ni similes habuisse iam videtur, qui sal-
 tem eodem vsu sint fortuna. bellatores cer-
 te ætas ista iam vidit, qui vitam suam in egesta-
 te degere necesse habuerunt: quamuis id vsu
 euenisse, acerbè maxime tulerit Sirachi
 filius. Verum

Quemcunque fortem videris, miserum neges.
 Huc ipsius Hutteni Epigramma spectat,
 quod Imagini suæ adiecit (k):

Desine fortunam miseris inimicaque fata

Obiicere, & casus velle putare Deos.

Iactantur pius Aeneas, iactatur Vlysses

Per mare, per terras; hic bonus, ille pius.

Crede mihi, non sunt meritis sua premia, casu

Voluimur. hand malus est, cui mala proueniunt.

Sis miser, & nulli miserabilis, omnia quisquis,

A Diis pro merito cuique venire, putas.

(i) ep. D LXV. DCCIII. & alibi.

(k) Orationibus in Vltricum W. D. subiectæ: qua-
 lem ego huic ipsi libello præfigendam curauit.

as (o) so

EXQVISITISSIMORVM
HVTTENIANI INGENII
MONIMENTORVM

QVAE VSQVE AD ANNVM MDIO XX EDIDIT

A V C T O R,

ET

QVAE IN COMMENTARIO HOC
COMMEMORANTVR,

E L E N C H V S.

Pag.

*Ars versificandi heroico Carmine conscrip-
pta, Ioanni & Alexandro de Osthen, Pome-
ranis Equitibus, dedicata.* 72

Vir bonus, Carmen emunctissimum.

73, not.

*Epigrammatum ad Maximilianum Imp. Li-
bellus.* 85

*Panegyricus in Exceptionem Moguntinam
Alberti, Moguntinensis & Magde-
burgensis Ecclesiarum Archiepiscopi,
heroico Carmine confectus.* 86

Epistola ad Maximilianum Italiae fictitia. 106

*Laurentii Valle contra effictam & ementi-
tam Constantini donationem libellus
Leonis X, Pontif. Rom. ab Hutteno lucu-
lenta praefatione nuncupatus.* 119

Q

Epi-

MONIMENTORVM

- Epistola ad illustrem Virum Hermannum
de Neuuenar Comitem, qua contra Ca-
pnionis æmulos confirmatur.* 153
- ad Principes Germania Exhortatio,* 125. 194
- Nemo, s. Satyra de ineptis sui sæculi stu-
diis & veræ eruditionis contemptu,
carmine eleg. scripta.* 125
- Aula Dialogus.* 130
- ad Bilib. Pirckbeymer Epistola vitæ suæ ratio-
nem exponens.* 145
- Io. Reuchlin Encomion: triumphanti illi ex
deuictis obscuris viris, id est Theolo-
gists Colonienf. & Fratribus de ordine Predi-
catorum, ab Eleutherio Byzeno decanta-
tum.* 162
- Obscurorum Virorum Epistolarum Libri II,
quorum Huttenus, si non solus, prin-
ceps tamen auctor est.* 165
- in sceleratissimam Ioannis Pepericorni Iudæi
vitam Exclamatio Carmine heroico ela-
borata.* 176, not.
- de Ligni Guaiaci in morbi Gallici curatio-
ne Viribus Liber.* 197
- Febris I, Dialogus.* 212. 237
- Febris II, Dialogus.* 114. 137
- Super interfectione Propinqui sui Ioannis Hut-
teni*

ELENCHVS.

zeni Equ. Deploratio. ad Ludouicum Hut-
tenum super interemptione filii Consola-
toria. in Vlrichum Wirtembergensem Ora-
tiones V. in eundem Dialogus, cui titu-
lus Phalarismus. Apologia pro Phalarismo,
& aliquot ad amicos Epistola. ad Fran-
ciscum Galliarum Regem Epistola, ne
causam Wirtemberg. tueatur, exhor-
tatoria.

90,229. seqq.

Trias Romana s. Vadiscus Dialogus. 237

Fortuna Dialogus. ib.

Inspicientes Dialogus. ib.

Vere omnino Mich. Neandrum, eru-
ditissimum virum, pronuntiasse, vbi
scripserit (*): clarorum auctorum Epistola
historiam temporum suorum, ac virorum docto-
rum & magnorum, qui quolibet tempore vixe-
runt, historiam continent, ut, qui unoquoli-
bet tempore viri boni, docti ac praestantes vixe-
rint, vix aliunde melius possis cognoscere; ma-
nifesto ego in hoc de Vlr. de Hutten Fatis ac
Meritis Commentario conficiendo depre-
hendi experimento. Quibus Hutteni,
praeter illas, quas singulis memoratis
modo ingenii sui is addidit monumentis,
clarissimorumque Virorum ad ipsum scriptis

Q²

Epi-

(*) in praefatione Erotemat. Gr. L. praem. pag. 244.

MONIMENT. ELENCHVS.

Epistolis vsus sum; indicare heic constitui. quamlibet ex in subiectis Commentario notis quam sapissime a me sunt citatæ. Idcirco nominatim distincteque ex a me indicatæ sunt, beneuole Lector, quo facilius, si quæ fuerint, quæ notitiam meam fugerint, adnotare eas posses. quales, siue editas, siue manu scriptas, si cognitæ habueris; illas mihi prodas, has benigne mecum communices, est, quod vehementer etiam atque etiam rogo. me id in singularis beneficii loco numeraturum esse, confirmo. Beneficium eiusmodi acceptum iam cumprimis refero excellentissimo GODEFRIDO THOMASIO, Viro subleuandis melioribus litteris, harumque cultoribus demerendis nato. qui pro summa sua humanitate in altera etiam Commentarii huius Parte conficienda non deerit mihi, spero. Vt & tu, amice Lector, si quid habueris, quod instituto meo non alienum existimaueris, hoc adiuues, iterum iterumque obtestor. Ita sane, Huttenus de omni posteritate promeritus est, vt quam dignissimus sit, cuius me-

EPISTOLAR. ENVMERATIO.

memoria ab obliuione communi studio
curaque vindicetur: vt, quicquid ætas
ipſius in Hutteno amauit, quicquid ſu-
ſpexit, maneat in animis poſteriorum, in
æternitate temporum, fama rerum. Quod
ſi integra etiam *Hutteni Lucubrationes*, ante
CIO IO XX ab ipſo editæ, notæ tibi fuerint,
quas prætermiſſas a me obſeruaris, fac
quæſo, vt hæ quoque mihi innotescant.

VLRICHI DE HVTTEN

ET

CLARISSIMORVM VIRORVM

AB AN. CIO IO XI VSQVE AD AN. CIO IO XX

AD IPSVM SCRIPTARVM,

QVAS QVAERENDO INVESTIGARE

ADHVC POTVI,

EPISTOLARVM

ENVMERATIO.

Croti Rubiani ad Vlr. Huttenum epistola 3

Non. Febr. an. 1511 ſcr.

Vlrichi Hutteni ad Phachum ep. Bonon. 12

Kal. Sept. (anno ni fallor 1512.)

*utraque epistola inſerta eſt Monumentis Pietatis & Lit-
terariis Viror. illuſtrium Francoſ. 1701, 4. P. II,*

pag. 3. 9.

Q³

Vlr.

EPISTOLAR. ENVMERATIO.

Vlr. Hutteni ad Erasmum, Wormat. d. 24
Oct. an. 1516.

in Epistolar. Erasmi Append. LXXXVI Editionis
eximix, quæ Lugduni in Batavis an. 1706 prod-
it.

Vlr. Hutteni ad Io. Reuchlinum, Bonon. Idib.
Ian. an. 1517.

Io. Reuchlini & Insignium Viror. ad ipsum Epistolar.
lib. II, ep. LII.

Vlr. Hutteni ad Bilib. Pirckheimerum, Bonon.
3 Kal. Iun. an. 1517 (vt coniicio).

Op. Pirckheimer. pag. 264.

Bilib. Pirckheimeri ad Vlr. Huttenum d. 26 Iun.
an. 1517. Bononiam.

de Vita Pirckheimeri Comment. p. 24.

Vlr. Hutteni ad Erasmum, Bamberg. d. 21 Iul.
an. 1517.

inter Erasmi Ep. CLIII Append.

Bilib. Pirckheimeri ad Vlr. Huttenum an. 1518.

Op. Pirckheimer. pag. 251, & pag. 405.

Vlr. Hutteni ad Erasmum, Mogunt. d. 6 Mart.
an. 1519.

Erasmi Ep. CCCXCII.

Erasmi ad Vlr. Huttenum, Louan. d. 23 Apr.
an. 1519.

Erasmi Ep. GCCCXIII.

Erasmi ad Vlr. Huttenum, Antw. d. 23 Iul.
an. 1519.

Erasmi Ep. CCCCXLVII Thomæ Mori Elogium.
continet. Vlr.

INDEX RERV.

Vlr. Hutteni ad Eob. Hessum & Petreium Aperbacchum, Mogunt. 3 Non. Aug. an. 1519.

Eob. Hessi Epist. famil. lib. XII, p. 288.

RERV MEMORABILIVM, QVAE IN IPSA HVTTENI EPISTOLA ET IN COMMENTARIO OCCVRRVNT,

I N D E X.

A.

<i>Accursius</i> quid nocuerit.	105
<i>Accursianum</i> absinthium.	106
<i>Agricola</i> Rud. verum vatem se praebuit.	179
<i>Agricola</i> si bona sua norunt, fortunati.	193
<i>Alberti Archiep. Mogunt. & Magdeb. laudes.</i>	14, 137, n.
	140. 156. 186

galerum in Aug. Comitibus in magna pompa
is sumit.

<i>Aperbacchus</i> Petreius.	129
<i>de Auffas</i> Petrus.	228
<i>Augustanum Concilium</i> quid pepererit.	230
<i>Aulica</i> vita ratio.	48
<i>Aulicum mare</i> omni monstrorum genere refertum.	134. n.
<i>Auro</i> loquente omnia silent.	193
	159

B.

<i>de Bannissis</i> Iacobus.	50. 201
<i>Barbaries</i> quorum ope <i>Colonia</i> sit expulsa.	67
<i>Bartolistarum</i> fastus.	104
quo numero isti <i>Hutteni</i> zuo fuerint.	188
<i>Bononia</i> laus.	85

24

Budans

INDEX RERVM.

Budeus Guil. 59. 207. not. comparatio inter eum &
Erasmum difficilis. 58. 206

C.

Caietanus Cardin. cur *Augustam* a *Leone P.* missus sit.
 197. 2 13

Camerarius Ioach. *Huttenum* primum *Bambergæ* videt.
118

Canonicorum *Hutteni* ætate mores. 230

Capnion vid. *Reuchlinus.*

Carlstadtum proscindit *Eckius.* 58

Celtes *Conr.* a *Norimb.* ciuitate adiuuatur 12. quo fen-
 su *Primus Germaniæ* Poeta appelletur. 183

Colonienses Scholastici quibus artibus disciplinæ suæ a-
 lumnos imbuerent olim consueuerint. 68

Theologice Vtricum VV. D. contra *Huttenum* insti-
 gant. 192

Copus Guil. 59. 208

Crotus Rubianus *Hutteno* amicissimus. 67. 78

Euspinianus Io. quid *Maximiliani* Imp. iussu fecerit. 188

Cyno Pistoriensis *Bonon.* Iureconsulto *Petrarcha* quid re-
 sponderit, quum ille ad *Ius ciuile* hunc adhorta-
 retur. 103

D.

Dialogos scribendi morem a veteribus vsitatum reuocat
Huttenus. 231

Docti quantum indoctas scientia superent. 97

Durer Albertus Germaniæ *Apelles.* 13. 183

E.

Eckius proscindit *Carlstadtum* 58. multa monet *E-*
rasmum 58. 205. eius vanitas & arrogantia.
206

Robanus Hessus *Hutteni* æqualis. 89

Epi-

INDEX RERVM.

<i>Epistole acerba & stomachosæ exemplum.</i>	91
<i>Equitum Germ. vitæ rusticæ ratio</i> 19. <i>quales Hutteni</i>	
<i>quo hi sese præstiterint.</i>	95
<i>Erasmus Roterod. totum Rhenum & vniuersam inferio-</i>	
<i>rem Germaniam Græcarum & Latinarum littera-</i>	
<i>rum eruditione conleuit</i> 10. <i>immanissimarum</i>	
<i>pestium profligator</i> 59. 207. n. <i>ipse & Capnion</i>	
<i>duo Germania oculi</i> 107. <i>politioris doctrinæ</i>	
<i>princeps</i> 117. <i>ab eo diligi, quantum referret sua</i>	
<i>crediderint æquales ib. inter ipsum & Guil. Bu-</i>	
<i>daum comparatio difficilis.</i>	58. 266
<i>Eremitæ Dan. Aulicæ ac Ciuilis Vitæ Libri.</i>	124
<i>Eystadiensis aula omnium turbulentissima.</i>	190

F.

<i>Faber Iacobus.</i>	59. 207
<i>Foenifeca Io.</i>	53. 202
<i>Fortuna qualis Dea.</i>	30
<i>Vetus Francum, adagium vnde?</i>	64. not.
<i>omnis Franco nobilis, diuerbium.</i>	ib.
<i>Fuchs Andr.</i>	52
<i>Fuchs Iac. laudatur.</i>	52. 202. 106
<i>Fuggerorum Familia singulari vsa est fortuna.</i>	199. n.
<i>Fuggerus Huldricus Henr. Stephanum typographum suum</i>	
<i>constituit & Bibliothecam suam Friderico IV El.</i>	
<i>Pal. legat.</i>	200
<i>Fuldense monasterium celeberrimum.</i>	66

G.

<i>Gallie vlcerosi Theologi.</i>	57. 202
<i>Gallorum immodica superbia.</i>	107
<i>Germania cum ipsa Italia nullum valde, quod ad eru-</i>	
<i>ditionis laudem attinget, certamen detrectat.</i>	179.
<i>quis contentiones Hutteni quo ibi aluerit.</i>	189
	Ger-

INDEX RERV.

Germanorum miram vestium luxuriam, a Gallis sumpto exemplo, reprehendit Huttenus. 129

animos quam *peruersa de litterarum studiis* Hutteni tempore peruasit opinio. 187

Geuderi Patric. Norimb. Græce & Latine *Pirckheimeri* beneficii scientes. 11.179

Gratius vid. *Ortwinus Gratius*.

Gros Georg. multa beneficia in Huttenum contulit. 51.

Guaiacum lignum ab Hutteno laudatur. 198

H.

de Helffenstein Vlr. Comes 50.200

de Herberstein Sigism. 54

Hogostratus s. *Hochstratus* Theologistarum Alpha. 107.

acerrimus *Reuchlini* hostis. 153.177

Huttenorum familia antiquissima, multis retro sæculis decora sua ostentans. 64

Hutteni duo in Syriam abeunt. 109

Huttenus Frobinus. 96

Ioannes ab Vlrice VV. D. trucidatur 90. ex-

dem eius *Vlrichus* Huttenus acerrimis scriptis persequitur. 229. corpus eius refoditur. 220

Ludouicus Vlrichi Hutteni studia adiuuat. 92

Vlrichus Vlrichi nostri *Pareus* Maximiliano contra Turcos militauit. 65. n.

HUTTENVS VLRICHVS ubi & quando natus. 63. in monasterium *Fuldense* ab suis mittitur. 67. quibus doctrinis adolescentiam suam impertuerit, & ut alii impertirent, suaserit.

INDEX RERV.M.

ferit. 74. meruit, vt *præcocibus ingenii* adnumeretur. 72. qua conditione *nobilem* se putauerit. 37. *Coloniam Agrippinam* se confert. 67. in *academiam Francoford.* commigrat. 69. in *gratiam Parentis* sui iram incidit, quod humanitatis studiis se deuouit. 76. 80. eius desiderium *Fuldenses monachi* ægre ferunt. 77. 81. utrum *sacros ordines* amplexatus sit. 77. n. *Maximiliani castra* sequitur. 69. *penuria* viatici militare coactus. 71. dura multa pertulit. 35. 70. iterum in *Italiam* abit. 82. *Legum studio* inuitus se dedit. 103. *Accursianum absinthium* ibi potans, quid perdiderit. 43. *Papiam Insubrorum* intrat, vbi a *Gallis* obsidetur & capitur. 83. *Bononiam* petit. 85. *Eitelw. de Lapide* plurimum acceptum retulit. 95. tertium in *Italiam* abit. 101. humanissime ab *Italiis* exceptus. 109. a quinque *Gallis* vindictam expetit. 106. *Germanorum causam* *Bononia* perorat. 109. *Corona Poetica* ab *imp. Maximiliano* donatur. III. *Poeta nomen* nunquam sibi arrogauit. 112. n. in *Pontifces* acerrime inuehitur. 119. a litterarum hostibus valde irritatur. 177. *Hochstmo* gladium intemperat. ib. in *Galliam* abit; vbi eruditissimam maxime se probat. 124. *Moguntiam* concedit, vnde *Alberti aulam Augustam* sequitur. 124. cur in *aulam* se contulerit. 29. *Orationis*, qua dissuadetur, ne *Germaniz Principes* in *Decima Pontifici soluenda præstationem* consentiant, auctor habetur. 197. cognati sui *cadem* scriptis persequitur. 91. non ornatus solum ac *grauis*, sed *vehemens* etiam existitio

em-

INDEX RERVM.

orator. **133.** proscinditur ob *Neminem* suum.
45. *portatilem* secum circumfert *bibliothecam*.
18. 192. *anagnostam* sibi quærit. **18.** *Augusta* febre afflictaur. **212.** qua ratione mor-
 bos sibi contraxerit. **32.** *ligni medicina* conua-
 luit. **49. 197.** *Augusta Moguntiam* reuertitur.
211. *militatum* inde abit contra *Vlricum VV.*
D. **216. 218.** a *Franc. de Sickingen* quam libera-
 listime tractatur. **223.** *Reuchlinum* conuenit.
224. ad studia ex castris respicit. **225.** *aula*
 ipsum pertaxum est. **211.** *tranquillitatis* eum te-
 net desiderium. **225.** *Moguntiam* ex castris red-
 it. **226.** qualem *Vxorem* desiderarit. ib. ab
 aula in *speculam* suam aliquantisper secedit. **237**
Hyperborci montes nulli sunt. **55. 203**

I.

Iason Iuris columen. **104**
Italia laus. **82.** eius eruditi *Hutteno* miris modis be-
 neuoli sunt. **109**
Itali inuidia laborant. **13.** præcipue erga *Germanos.* **185**
Iulius II Pontifex exitiosissimus bellorum auctor. **121**

L.

Lamentationes Theologistarum contra *Reuchlinistat.* **7.**
165. 169
de Lapide Eitelw. **14.** a seruitute monastica ingenium
Hutteni vindicat. **67.** moritur. **94.** eius
 encomium. **95.** quid parauerit. **186**
Leo X. P.R. blandissime ab *Hutteno* appellatur. **122**
 Excommunicationes eius vilescunt. **159.**
Luthero cum *Eckio* bellum est. **58**
Mani-

INDEX RERVM.

M.

- Maximilianus I* inter bellicosos Imperatores doctissimus, inter doctissimos bellicosissimus. **191.**
Laurea Huttenum nostrum donat, **111.** *sententiam* fert de *cade Ioannis Hutteni.* **132.** *Epigrammata* sua *Huttenus* noster ei dedicat. **86.**
ab aure eius *potentes* qui fuerint. **188**
Melanchthon Ph. præter ætatem eruditus iuuenis a *Friederico El. VVittebergam* arcessitur. **156.** n.
Meyer Petrus Reuchlini aduersarius. **154**
de Monte Regio Io. vid. *Regiomontanus.*
Mutianus Rufus Contr. **146**

N.

- Nobilitatis* genus, quod totum a *fortuna*, quale sit. **38**
Norimbergensis Reipubl. laus. **11. 181**
Nouaquilaris Comes, siue *Hermannus Nuenarius.* **6.**
148. auspiciis eius barbaries *Colonia* exterminatur. **67.** contra *Capnionis* æmulos ab *Hutteno* confirmatur. **153**

O.

- Obscurorum Virorum* Epistolarum quis auctor sit. **165**
Oecolampadius Io. dentatus Theologus. **57. 203**
Ortwinus Gratius. **166**
Lamentationum obscurorum virorum auctor est. **172**
de Oßhen Io. & Alexander, Equ. Pomer. laudantur: quibus *Huttenus* *Artem versificandi* dedicauit. **74**

Pt.

INDEX RERVM:

P.

- Petrarcha* Franc. a patre acerbe increpatur, quod indoli sua in colendis litteris obsequatur. **80.**
 quid *Cyno Pistoriensis* Iurecons. responderit. **103**
Pentinger Contr. quantus vir fuerit **51. 139. 201.** eius filia *Constantia & Iuliana* quid egerint: **112**
Pfefferkorn Io. *Iudaeus conuersus*, linguam & calamus suum *Reuchlini* hostibus præbet. **161. 175.**
Phachus. **81**
Pirckheimer Bilib. **145.** *Eystadiensis aulæ* Parente. mancipatur. **190.** eius animum praua in iuuentute opinio de *doctrinarum studiis* inuaserat. **187.** *Helueticum bellum* cui ipse interfuit, descripsit **191.** vitio ei vertebatur, quod *melioribus studiis* operam dederat. **117. 191.** *Norimberg.* ciuitatis iuuentutem ad summum cultum perduxit. **11. 179.** suam sororem in *Latinis litteris* instituit. **179.** *Reuchlini causam* fortiter defendit. **158.** *Solitaria vita* ei arrisit. **193**
Poeticæ arti quid laudis debeat. **90**
Poëtarum *Hutteni* ætate ingens fuit *prouentus*. **89**
Pomponius Latus quid suis, domum ipsum reuocantibus, responderit. **79**
Præcocius eruditus ad numerandum est *Huttenus*. **72**
Principum beneuolentia eruditis captanda est. **16**

R.

- Ras* *Annius*. **55**
Reformationis primordia. **58. 204**
Regiomontanus Io. laudatur. **12. 182**
Remus *Egid. Augustensis*. **53**
Reuch-

INDEX RERV.

<i>Reuchlinus Io. Sueniam excoluit.</i>	II.	ipse & <i>Erasmus</i>
<i>dno Germania oculi.</i>	107.	quantum ei <i>posteritas</i>
<i>debeat.</i>	149.	eius <i>causam</i> <i>Huttenus</i> mordicus
<i>tenet.</i>	7.	pro eo variis modis hic propugnat.
<i>151. 159. 161.</i>		qui præterea a partibus eius
<i>feterint.</i>	155.	saluti eius per <i>Francis. de Sickingen</i>
<i>conulitur.</i>		224
<i>de Romano Statu Epigrammata Hutteni.</i>		108.n.
<i>Ruellius Io.</i>		59-208
<i>Ryphai, Hyperborei montes nulli sunt.</i>		55-203

S.

<i>Sacerdotum Hutteni tempore deprauata vite causa.</i>		215
<i>Saxones ad Balticum mare qua in re felices fuerint,</i>		
<i>reliquis Germanis.</i>		189
<i>de Sickingen Francisci laus.</i>		223
<i>Spiegel Iacobus.</i>		51. 139
<i>Stahius Io.</i>		139
<i>de Stain vid. de Lapide.</i>		
<i>de Streysbergk Georg.</i>		52
<i>Stromer Henr. Aurbachius. 47. Aen. Sylui libellum de</i>		
<i>Aulicorum miseriis edit, cum eleganti præfatio-</i>		
<i>ne. 132. eius hortatu Huttenus Dialogum suum</i>		
<i>de Aula edit, eiusque amor imprimis in aulam</i>		
<i>Mog. hunc pellexit. 130. Lipsiam transit. 196</i>		
<i>Studgardia terræ Paradisus.</i>		222

T.

<i>Theologice Colonienf. Capnionis pediculi.</i>		168
<i>Titulis vulgus decipi amat.</i>		103
<i>Trebatius Vicentinus.</i>		53
<i>Trebelius Notianus.</i>		75
		<i>Vlricus</i>

INDEX RERVM.

V.

Vlricus Wirtemberg. D. Io *Huttenum* sua manu interficit. 90. bellum ei a *Fœdere Sueuico* infertur.

218

Volba fluius qualis.

54. 202

Vrsini Gasp. laus.

133. n.

W.

de Wirspergk Io.

51

Wirttembergensis terra amœnitas atque fertilitas summa.

222

* *

Operarum, & si qui alii Lectoris attentioni sese obtulerint, errores, cum hos condonaturum sibi sperat editor: qui inter illos *leuiora* hæc *errata* relata vult; quæ beneuolus Lector facile emendabit. pag. 20, vers. 12, leg. *est*. p. 67, v. 16, l. *summi*. p. 80, v. 7, l. *adferet*. p. 84, n. (e) l. 1512. p. 113, n. (x) v. 6 in *anni* itidem designatione commissum erratum tollet Lector. p. 130, v. 6, l. *pagina*. p. 240, v. 18, l. *is-Batur*.

F I N I S.

005656 546